

এহরাম ব্যতীত হরম শরীফের সীমানা প্রবেশ করা

৯৪৪। হাদীছ :- আনাছ (রাঃ) বর্ণনা করিয়াছেন, রসুলুল্লাহ ছালাল্লাহ আলাইহে অসাল্লাম মক্কা বিজয়ের সময় যখন মক্কা নগরীতে প্রবেশ করিতেছিলেন তখন তাঁহার মাথা লোহার টুপী দ্বারা আবৃত ছিল।

ব্যাখ্যা :- উল্লিখিত হাদীছে প্রমাণিত হয় যে, মক্কা বিজয়ের সময় রসুলুল্লাহ ছালাল্লাহ আলাইহে অসাল্লাম এহরামহীন অবস্থায় মক্কায় প্রবেশ করিয়াছিলেন, তাই তাঁহার মাথা আবৃত ছিল। এতদ্বিহীন ইহা স্পষ্টরূপে বর্ণিত আছে যে, রসুলুল্লাহ ছালাল্লাহ আলাইহে অসাল্লাম তখন এহরাম অবস্থায় ছিলেন না।

আলোচ্য মহআলার বিষয়ে ইমাম বোখারীর মত, এই যে, হজ্জ বা ওমরার উদ্দেশ্য ব্যতীত অথ কোন উদ্দেশ্যে হরম শরীফের সীমানা ভিতরে এমনকি মক্কা নগরীতে প্রবেশ করিতে ইচ্ছা করিলেও এহরাম বাধা আবশ্যিক হইবে না, এহরাম শুধু ঐ ব্যক্তিদের জন্য যাহারা হজ্জ বা ওমরার উদ্দেশ্যে মক্কায় আসিবে।

কিন্তু এই মহআলার মধ্যে বিভিন্ন ইমামগণের মতভেদ আছে। হানাকী মজহাব মতে মহআলাহ এই যে, মিকাতের সীমানার বাহিরের কোন লোক যে কোন উদ্দেশ্যে হরম শরীফের সীমানা ভিতর প্রবেশ করার ইচ্ছায় যাত্রা করিলে তাহার জন্য মিকাত হইতে ওমরার এহরাম বাধ্য আসা আবশ্যিক। ঐরূপ ব্যক্তির জন্য এহরামহীন অবস্থায় মিকাত অতিক্রম করা জায়েয নহে। অবশ্য যাহারা মিকাতের সীমানার ভিতরে অবস্থানকারী তাহার হরম শরীফে এবং মক্কা নগরীতে বিনা এহরামে প্রবেশ করিতে পারিবে।

উল্লিখিত হাদীছে হযরত রসুলুল্লাহ ছালাল্লাহ আলাইহে অসাল্লামের যে ঘটনা বর্ণিত হইয়াছে উহা সম্পর্কে হানাকী মজহাবের আলেমগণ বলেন যে, উহা হযরতের জন্য মক্কা বিজয়ের উদ্দেশ্যে একটি বিশেষ স্বরূপ ছিল; যে রূপ হরম শরীফের সীমানা ভিতরে এবং মক্কা নগরীতে যুদ্ধ পরিচালনা করার অনুমতি ঐ সময়ে তাঁহার জন্য একটি বিশেষ স্বরূপ ছিল। হযরতের পর অথ কেহই ঐরূপ করিতে পারিবে না—এই বিষয়টি স্বয়ং হযরত (সঃ) মক্কা বিজয়ের বিশেষ ভাষণে স্পষ্টরূপে বলিয়াছিলেন। ৯৩৭ নং এবং আরও একাধিক হাদীছে উহা বর্ণিত আছে।

মহআলাহ না জানায় এহরাম অবস্থায় জামা পরিলে

বা সুগন্ধি ব্যবহার করিলে ?

প্রসিদ্ধ তাবেয়ী আতা (রাঃ) বলিয়াছেন, ভুলে বা অজ্ঞাতসারে কোন ব্যক্তি এহরাম অবস্থায় জামা পরিধান করিলে বা সুগন্ধি ব্যবহার করিলে তাহাকে কাফ্ফারা বা দম দিতে হইবে না।

এখানে হানাকী মজ্জাহাব এবং আরও বহু আলেমের মত ভিন্নরূপ। তাঁহারা বলেন, বর্তমানে শরীয়তের বিধানসমূহ স্থিরীকৃত হইয়া স্পষ্টরূপে প্রকাশিত রহিয়াছে এবং প্রত্যেক মোসলমানের জ্ঞান উহা শিক্ষা করা ও জ্ঞাত হওয়া অবশ্য কর্তব্য। যদি কেহ উহাতে ক্রটি করে তবে সে দ্বিগুণ দোষী সাব্যস্ত হইবে। অতএব এহরাম অবস্থায় জামা পরিধান করা, সুগন্ধি ব্যবহার করা ইত্যাদি শরীয়তের বিধান বিরোধী কার্যের প্রতিফল ভোগ করা হইতে তাহাকে অন্যান্যতী দেওয়া হইবে না, বরং তাহাকে শরীয়তের নির্দেশিত শাস্তি ভোগ স্বরূপ কাফকারা বা দম আদায় করিতে হইবে। তদ্রূপ ভুলবশতঃ এরূপ করিলেও কাফকারা আদায় করিতে হইবে; যেরূপ নামাযের মধ্যে ভুলে কথা বলিলে নামায নষ্ট হয়।

হজ্জের পথে মৃত্যু হইলে

মছআলাহ ঃ—হজ্জ করিতে যাত্রা করিয়াছে, অতঃপর হজ্জ পূর্ণ করার পূর্বেই মরিয়্যা গিয়াছে— সে ক্ষেত্রে যদি ৯ই জিলহজ্জ উকুফে-আরফা করার পর মৃত্যু হইয়া থাকে তবে তাহার হজ্জ সম্পূর্ণ গণ্য হইলে (৬৬৬ হাদীছ; উক্ত হাদীছের ঘটনায় হযরত (দঃ) মৃত ব্যক্তির হজ্জ পূর্ণ করার আদেশ দেন নাই)। যদিও হজ্জের দ্বিতীয় ফরজ—তওয়াফে-জেরারত সে না করিয়া থাকে; তাহার তওয়াফে-জেরারতের জ্ঞান কিছুই করিতে হইবে না। অবশ্য যদি সে অছিয়ত করিয়া বাইয়া থাকে তাহার হজ্জ পূর্ণ করার, তবে তওয়াফে জেরারতের বদলার একটি উট বা গরু কোরবানী করা ওয়াজেব (শাফী, ২—৩৩২)। আর যদি উকুফে-আরফার পূর্বে মৃত্যু হয়, এমনকি যদি মক্কায় পৌছিয়াও তাহার মৃত্যু হইয়া থাকে তবে শরীয়তের হুকুমে তাহার হজ্জ হয় নাই বলিয়া সাব্যস্ত হইবে। সুতরাং যদি সে তাহার হজ্জ করাইবার জ্ঞান অছিয়ত করিয়া থাকে তবে তাহার ওয়ারেছদের কর্তব্য হইবে তাহার সমুদয় পরিত্যক্ত ধন-সম্পদের তৃতীয়াংশ হইতে তাহার জ্ঞান হজ্জ-বদল করান। ইনাম আবু ইউসুফ ও ইনাম মোহাম্মদের মতে যে পর্যন্ত সে পৌছিয়া ছিল তথা হইতে হজ্জ-বদল করাইলেই চলিবে, অতএব যদি সে মক্কায় পৌছিয়া মরিয়্যাছিল তবে অতি সামান্য পরচে মক্কা হইতে তাহার হজ্জ-বদল করাইলেই যথেষ্ট হইবে। ইমাম আবু হানীফা (দঃ) বলেন যে, তাহার সমুদয় ধন-সম্পদের তৃতীয়াংশ যদি তাহার নিজ বাড়ী হইতে হজ্জ-বদলের ব্যয়ে যথেষ্ট হয় তবে অবশ্যই তাহার বাড়ী হইতে হজ্জ করাইতে হইবে যদিও তাহার মৃত্যু মক্কায় পৌছিয়া হইয়া থাকে। অন্ত্যায় তাহার অছিয়তের হজ্জ আদায় হইবে না এবং ওয়ারেছগণ কর্তব্য মুক্ত হইবে না। অবশ্য যদি তাহার ধন-সম্পদের তৃতীয়াংশে বাড়ী হইতে হজ্জের ব্যয় সঙ্কুলান না হয় তবে উহা দ্বারা যথা হইতে সম্ভব তথা হইতেই হজ্জ-বদল করাইবে (ফতহুল-কাদীর, ২—৩১৯)। আলোচ্য মৃত ব্যক্তির হজ্জটি যদি তাহার এই মৃত্যুর বৎসরের পূর্বেই ফরজ হইয়াছিল অর্থাৎ এই বৎসরের পূর্বেই হজ্জ ফরজ হয় পরিমাণ ধনের মালিক সে হইয়াছিল, কিন্তু হজ্জ যাত্রায় সে বিলম্ব করিয়াছিল তবে হজ্জ-বদল

করাইনার অঙ্কিত করা তাহার উপর ফরজ হইবে। আর যদি ঐ বৎসরই তাহার উপর হজ্জ ফরজ হইয়াছিল কিম্বা তাহার উপর হজ্জ আদৌ ফরজ হইয়াছিল না উক্ত হজ্জ তাহার নফল হজ্জ ছিল তবে অঙ্কিত করার প্রয়োজন হইবে না। (শামী, ২-৩৩২)

মছআলাহ্ :-এহরাম অবস্থায় মৃত্যু হইলে হানফী মজহাব মতে তাহার কাকন সাধারণ নিয়মেই করিতে হয়। কোন কোন ইমামের মজহাবে এহরাম অবস্থার ব্যক্তির ছায় তাহার মাথা অনাবৃত রাখিতে হয় এবং সুগন্ধিও দেওয়া যায় না ; (২৪৯ পৃঃ)

মৃত ব্যক্তির পক্ষে হজ্জ করা

৯৪৫। হাদীছ :-আবুল্লাহ ইবনে আব্বাস (রাঃ) বর্ণনা করিয়াছেন, একদা “জোহায়না” নামক গোত্রের একটি নারী নবী ছাল্লাল্লাহু আলাইহে অসাল্লামের নিকট উপস্থিত হইয়া আরজ করিল, আমার মাতা হজ্জ করিবার মান্ত মানিয়াছিলেন ; কিন্তু তিনি হজ্জ আদায় করিতে পারেন নাই, তাহার মৃত্যু ঘটয়াছে ; এখন আমি তাহার পক্ষ হইতে হজ্জ করিতে পারি কি ? নবী (সঃ) বলিলেন, হাঁ—তুমি তাহার পক্ষ হইতে হজ্জ আদায় কর। তোমার মাতার উপর কাহারও ঋণ থাকিলে তাহা তুমি কি আদায় করিতে না ? তক্রপ আল্লাহ ঋণও আদায় করিয়া দাও। আল্লাহ ঋণকে অগ্রাধিকার দান করা কর্তব্য।

ভ্রমণে অক্ষম ব্যক্তির পক্ষে হজ্জ করা

৯৪৬। হাদীছ :-ইবনে আব্বাস (রাঃ) বর্ণনা করিয়াছেন, বিদায়-হজ্জ কালে “খাছআম” গোত্রীয় একটি মহিলা রসুলুল্লাহ ছাল্লাল্লাহু আলাইহে অসাল্লামের নিকট উপস্থিত হইয়া আরজ করিল, আমার পিতার উপর এমন অবস্থায় হজ্জ ফরজ হইয়াছে যখন তিনি অতিশয় বৃদ্ধ, বানবাহনের উপর স্থির হইয়া বসিতে সম্পূর্ণ অক্ষম। এমতাবস্থায় আমি তাহার পক্ষ হইতে হজ্জ করিলে তাহার হজ্জ আদায় হইবে কি ? রসুলুল্লাহ ছাল্লাল্লাহু আলাইহে অসাল্লাম বলিলেন—হাঁ (তুমি তাহার পক্ষ হইতে হজ্জ আদায় কর)

মছআলাহ্ :-ইমাম বোখারী (রাঃ) উল্লিখিত হাদীছ দ্বারা আরও একটি পরিচ্ছেদ বর্ণনা করিয়াছেন যে, পুরুষের পক্ষে নারী বদলা হজ্জ করিতে পারে।

অপ্রাপ্ত বয়স ছেলে-মেয়েদের হজ্জ

৯৪৭। হাদীছ :-ছায়েব ইবনে ইয়াযীদ (রাঃ) বর্ণনা করিয়াছেন, (বিদায়-হজ্জ কালে আমার মাতা-পিতা) নবী ছাল্লাল্লাহু আলাইহে অসাল্লামের সঙ্গে আমাকে হজ্জ করাইয়াছেন ; আমার বয়স তখন সাত বৎসর মাত্র।

বিশেষ দ্রষ্টব্য :- আলোচ্য বিষয়ে আরও স্পষ্টতর হাদীছও বিद्यমান রহিয়াছে। মোসলেম শরীফের এক হাদীছে বর্ণিত আছে—একদা এক মহিলা তাহার স্বীয় শিশু ছেলেকে উত্তোলন করতঃ দেখাইয়া জিজ্ঞাসা করিল, ইয়া রসুলুল্লাহ ! এই ছেলের হজ্জ কি শুদ্ধ

হইবে? রহুল্লাহ ছালাল্লাহু আলাইহে অসাল্লাম বলিলেন, হাঁ—শুধু হইবে এবং (তুমি যে তাহাকে সাহায্য করিলে সে জন্ত) তুমিও ছওয়াবের ভাগী হইবে।

মছআলাহ :—নাবালেগ ছেলে-মেয়ের হজ্জ শুধু হয় বটে, কিন্তু নালেগ হওয়ার পর তাহাদের উপর হজ্জ করণ হইলে সেই হজ্জ পুনঃ আদায় করিতে হইবে। নাবালেগ অবস্থায় কৃত হজ্জের দ্বারা ফরজ আদায় গণ্য হইলে না।

নারীদের হজ্জ করা

ইব্রাহীম (র:) নামক মোহাম্মদেছ স্বীয় পিতার মাধ্যমে পিতামহ বিশিষ্ট তাবেরী ইব্রাহীম (র:) হইতে বর্ণনা করিয়াছেন যে, দ্বিতীয় খলীফা ওমর রাজিয়াল্লাহু তায়ালা আনহু (স্বীয় খেলাফতকালে নবী-পত্নীগণকে (নফল) হজ্জে যাইতে নিষেধ করিয়া দিগ্গম্বিলেন। কিন্তু সেই হজ্জ তাঁহার জীবনের শেষ হজ্জ ছিল সেই হজ্জের সময় তিনি নবী-পত্নীগণকে হজ্জে যাইবার অনুমতি দিয়াছিলেন এবং তাঁহাদের রক্ষণাবেক্ষণ ও সুব্যবস্থার জন্ত ওসমান (রা:) ও আবদুল রহমান (রা:) বিশিষ্ট ছাহাবীদেরকে নির্দিষ্ট করিয়া দিয়াছিলেন।

ব্যাখ্যা :—নবী-পত্নীগণ নবী ছালাল্লাহু আলাইহে অসাল্লামের সঙ্গে সকলেই হজ্জ আদায় করিয়াছিলেন, অতঃপর তাঁহাদের হজ্জ করা নফল ছিল।

হজ্জের ছফর অতি কষ্ট-ক্লেশের ছফর। তত্পরি বড় শঙ্কট এই যে, ইহার আরকান-আহকাম আদায় করার সময় প্রতি পদক্ষেপে ভীষণ ভিড় হইয়া থাকে, যাহা এড়াইবার উপায় নাই। নারী জাতির জন্ত যে সব বিধি-নিষেধ শরীয়ত কর্তৃক ফরজ, ওয়াজেব ও হারামরূপে বলবৎ রহিয়াছে, হজ্জের আরকান-আহকাম আদায় করাকালে সে সব বিধি-নিষেধ রক্ষা করিয়া চলা সহজ সাধ্যত গোটেই নহে, সম্ভবপর হওয়াও অতিশয় দুর্লভ। এতদৃষ্টে ওমর রাজিয়াল্লাহু তায়ালা আনহু স্বীয় খেলাফত কালে নবী-পত্নীগণকে পুনঃ হজ্জে যাইতে নিষেধ করিয়া দিয়াছিলেন। অতঃপর তিনি বিশেষ ব্যবস্থাদীনে অনুমতি দান করেন এবং ওসমান (রা:) ও আবদুল রহমান ইবনে আউফ (রা:) ছাহাবীদেরের স্মার ব্যক্তিবশালী দুইজনের তত্ত্বাবধানে নবী-পত্নীগণের হজ্জ গমনের ব্যবস্থা অনুমোদন করেন।

কিন্তু লক্ষ্য রাখিবেন, এসব কোন্‌ যমানার কাহিনী? তেরশত বৎসর পূর্বের কাহিনী এবং মক্কা হইতে মদীনা মাত্র প্রায় তিনশত মাইল ব্যবধানের কাহিনী।

বর্তমানে নারী জাতির যে অবস্থা দাড়াইয়াছে বিশেষতঃ মিশর, সিরিয়া, জাওয়া, মালয়েশিয়া, ইন্দোনেশিয়া, বোম্বাই, গুজরাট, ইউপি, সি-পি, পান্জাব ইত্যাদি স্থানের নারীগণ পবিত্র মক্কা মদীনাতে আসিয়াও যেরূপ বে-পর্দা বেহায়া ও বে-পরওয়াভাবে চলাফেরা করে তাহা দেখিলে শরীর শিহরিয়া উঠে।

নারীদের জন্ত পর্দা সর্বস্থানেই ফরজ এবং বে-পর্দাভাবে চলা হারাম। আরও স্মরণ রাখিবেন—পবিত্র মক্কা মদীনাতে নেক কার্যের ছওয়াব যেরূপ অধিক পাওয়া যায়—এক

রাকাত নামাযে লক্ষ্য রাকাতের ছওয়াব হয়; গোনাহের বেলায়ও ঠিক সেই হিসাব লাগাইতে হইবে। পবিত্র মকায় কোন শরীয়ত বিরোধী হারাম কার্য করিলে তাহার গোনাহ এবং শাস্তি ভীষণ ও অত্যধিক হইবে। কোরআন শরীফে স্বয়ং আল্লাহ তায়ালা ঘোষণা করিয়াছেন—

وَمَنْ يُؤَدِّ فِئَةٍ بِبِائِسَاتٍ نُذِقَهُ مِنْ عَذَابِ أَلِيمٍ

অর্থাৎ যে ব্যক্তি হরম শরীফের মধ্যে আল্লাহদ্রোহিতা ও শরীয়ত বিরোধী কার্যকলাপ করিলে আমি তাকে ভীষণ আত্মাভাব ভোগে বাধ্য করিব। (১৭ পাঃ ১০ রুঃ)

কোন মহিলার উপর হজ্জ ফরজ হইলে তাহাকে সেই ফরজ আদায় করিতে হইবে। কিন্তু লক্ষ্য রাখিতে হইবে যে, পর্দা ইত্যাদির ব্যাপারে শরীয়তের বিধান অনুসরণ ফরজ। উহার ব্যতিক্রম করিলে তাহা হারাম হইবে এবং পবিত্র মকায় হারাম কার্য করিলে উহার গোনাহ ও শাস্তি অধিক হইবে। তাই এক ফরজ আদায় করিতে অল্প ফরজের ব্যবস্থাও পূর্ণরূপে বজায় রাখিবে।

অত্যাবশ্যক কার্যের জন্য কঠিন পথে যাত্রা করিলে তাহাতে কাহারও দ্বিধা বোধ হয় না। কিন্তু আবশ্যকাত্মিত্ত কার্যের জন্য কঠিন ও আশঙ্কায়ুক্ত পথে যাত্রা করিতে দেখিলে দ্বিধা বোধ হওয়া স্বাভাবিক। অতএব মহিলাদের নফল হজ্জের বাধা দেওয়া অহেতুক নহে। তবে হ'—যদি স্বামী বা কোন সাহরাম ব্যক্তি যথোপযুক্ত সুব্যবস্থা অবলম্বনের শক্তি সামর্থ ও অভিজ্ঞতা-সম্পন্ন হয় এবং সে সেইরূপ ব্যবস্থা অবলম্বন করিলে বলিয়া নিশ্চিত হওয়া যায় তবে তাহা স্বতন্ত্র কথা।

শেখ সা'দী (রঃ) কত সুন্দর কথাই না বলিয়াছেন—“রাজ দরবারের দান সামগ্রী প্রচুর বটে, কিন্তু গলা কাটা যাওয়ার আশঙ্কাও সমধিক।”

আমাদের দেশীয় মা-বোনদেরে বিশেষরূপে সতর্ক করিয়া দিতেছি, তাঁহারা যেন মক্কা নদীনায় যাইয়া নানা দেশীয় নারীদের শরীয়ত বিরোধী বে-পরোওয়া চাল-চলনের প্রবল স্রোতে ভাসিয়া না যান। স্মরণ রাখিবেন—শরীয়তের বিধি-বিধান অতি সুস্পষ্ট ও সুদৃঢ়। উহা স্রোতে বহিয়া যাওয়ার মত বস্তু নহে।

৯৪৮। হাদীছ :—ইবনে আব্বাস (রাঃ) বর্ণনা করিয়াছেন, একদা নবী ছালাল্লাহ আলাইহে অসাল্লাম ঘোষণা করিলেন, কোন নারী স্বীয় সাহরাম ব্যক্তি (বা স্বামী) কে সঙ্গে না লইয়া কোন ছফরে বা ভ্রমণ যাত্রায় বাহির হইবে না এবং কোন নারীর সন্নিহিতে কোন পন-পুরুষ (যে কোন প্রয়োজনে) আসিতে পারিলে না, যদি তাহার সঙ্গে ঐ জীলোকটির কোন সাহরাম (বা স্বামী) না থাকে।

এই ঘোষণা শুনিয়া এক ব্যক্তি আরজ করিল, ইয়া রাসুল্লাহ। অধুক জেহাদের জন্ত সংগৃহীত সৈন্যদলের মধ্যে (আমার নাম লেখা হইয়াছে এবং উহাতে যোগদানের জন্য আমি প্রস্তুত হইয়াছি এমতাবস্থায় আমার জী হজ্জ গমনে ইচ্ছা করিয়াছে। হযরত (দঃ) বলিলেন, তুমি স্বীয় জীর সহিত হজ্জে গমন কর।

ব্যাখ্যা :—স্বীয় জীকে সংকার্যে সৎপথে সহায়তা করা স্বামীর অবশ্য কর্তব্য। আগোচ্য ঘটনার অবস্থা দৃষ্টে রসুলুল্লাহ ছালাল্লাহু আলাইহে অসাল্লাম ঐ ব্যক্তির প্রতি জীকে হজ্জব্রত পালনের সাহায্যার্থে উপস্থিত জেহাদের সুযোগ গ্রহণ করা মূলতবী রাখার অনুমতি দিলেন। কারণ, নারীদের সম্মুখে বহু বাধা বিপত্তি রহিয়াছে; তাহাদের জন্ত যে কোন সময় ইচ্ছাধীনরূপে হজ্জে গমন করা সম্ভব হয় না। পুরুষদের জন্ত জেহাদ সাধারণতঃ সেক্ষেপ নহে। এই জন্ত জীর উপস্থিত সুযোগকে স্বামীর উপস্থিত সুযোগের উপর প্রাধান্য দেওয়া হইয়াছে।

বিশেষ উদ্ভব্য :—উল্লিখিত হাদীছে নিষিদ্ধ ভ্রমণের দূরত্ব নির্ধারণে তিনটি হাদীছ বর্ণিত আছে। এক হাদীছে একদিন ভ্রমণের উল্লেখ হইয়াছে। আর এক হাদীছে দুই দিনের ভ্রমণ উল্লেখ আছে, কোন কোন হাদীছে তিন দিন ভ্রমণ উল্লেখ হইয়াছে। মূল উদ্দেশ্যের তাৎপর্য এই যে, নারীদের জন্ত মাহরাম বা স্বামীর সঙ্গ ব্যতীত দূর পথের ভ্রমণে যাত্রা করা নিষিদ্ধ। একদিন ভ্রমণের দূরত্ব হইলেও নিষিদ্ধ এবং দুই দিন ভ্রমণের দূরত্ব হইলে ততোধিক জঘন্য নিষিদ্ধ, তিনদিন দূরত্ব হইলে একেবারে হারাম।*

আলোচ্য মহুআলায় ভ্রমণের ব্যাখ্যা ঐরূপই যেরূপ শরীয়তের অন্যান্য বিধানসমূহে যথা—ছফরে নামাস কছর করা ইত্যাদিতে গণ্য। সেমতে তিন দিন তিন রাত্র ভ্রমণের দূরত্ব মাত্র ৪৮ মাইল গণ্য করা হয়।

মহুআলাহ :—ঋতুবতী নারী হজ্জের সমুদয় কার্য সম্পাদন করিবে; একমাত্র তওফাক ঋতু অবস্থায় করিতে পারিবে না। (২২৩ পৃঃ)

* প্রথ্যাত জালেম ও মোহাদ্বেহ নাওলানা আনোয়ার শাহ কাশমীরী (রঃ) বলিয়াছেন, হানাফী মজহাবের সমস্ত কেতাবেই লিখিত আছে, মহিলাদের জন্ত (স্বামী বা) মাহরাম ছাড়া ছফর করা নাজাজেম নিষিদ্ধ। কিন্তু আমার মতে মাহরাম ব্যতীত অন্ত কোন বিশেষ তদাবধায়কের সহিতও ছফর করিতে পারে—যে ক্ষেত্রে (honesty) সত্যতা ও সাধুতার বিন্দুমাত্র অভাবের আশঙ্কা না থাকে এবং ফেংনা তথা চারিত্রিক নোংরামির কোন খেয়াল দৃষ্টিরও আদৌ সম্ভাবনা না থাকে। আমার এই মতের সমর্থন অনেক হাদীছেই পাওয়া যায়। গায়েব-মাহরামের সঙ্গে মহিলার ছফরে সাধারণতঃ ঐরূপ কোন নোংরামি বা উহার খেয়াল সৃষ্টির সম্ভাবনা ও অবকাশ থাকে বলিয়াই সচরাচর উহাকে নাজাজেম বা নিষিদ্ধ বলা হইয়াছে (ফয়জুলবারী, ২—৩১৭)। অবশ্য ধরা-ছোয়ার প্রয়োজন হইলে—এইরূপ ছফরে স্বামী বা মাহরাম সঙ্গে থাকিতেই হইবে।

হাঁটিয়া কা'বা শরীফে যাওয়ার মান্নত করা

৯৪৯। হাদীছ :- আনাছ (রাঃ) বর্ণনা করিয়াছেন, নবী ছালাল্লাহ্ আলাইহে অসাল্লাম এক বৃদ্ধকে দেখিলেন, সে (স্বীয় অক্ষমতার দরুণ) তাহার হই পুত্রের কাঁধে ভর করিয়া চলিতেছে। নবী (সঃ) তাহার এই যাতনা ভোগের কারণ জিজ্ঞাসা করিলে পুত্রের উত্তর করিল, সে কা'বা শরীফে পায়ে হাঁটিয়া যাওয়ার মান্নত মানিয়াছে। এতজ্বরণে নবী (সঃ) বলিলেন, এই বৃদ্ধ স্বীয় আত্মাকে একরূপ যাতনা ভোগে বাধ্য করুক আল্লাহ তায়ালা ইহার প্রত্যাক্ষী নহেন। এই বলিয়া বৃদ্ধকে যানবাহনে আরোহণের আদেশ করিলেন।

৯৫০। হাদীছ :- ওক্বা ইবনে আমের (রাঃ) বর্ণনা করিয়াছেন, আমার ভগ্নী বাইতুল্লাহ শরীফে পায়ে হাঁটিয়া পৌছবার মান্নত করিলেন। (কিন্তু তিনি মোটা শরীর-বিশিষ্টা ছিলেন। এতদূর হাঁটিয়া চলা তাহার পক্ষে সম্ভবপর ছিল না, তাই) তিনি আমাকে এই বিষয়টি নবী ছালাল্লাহ্ আলাইহে অসাল্লামের নিকট জিজ্ঞাসা করার আদেশ করিলেন। আমি হয়রতের নিকট জিজ্ঞাসা করিলাম। হয়রত (সঃ) বলিলেন, সে পায়ে হাঁটিয়া চলিবে এবং (যখন ক্ষান্ত হইয়া পড়িবে তখন) যানবাহনে আরোহণ করিবে। +

মহআলাহ্ :- পায়ে হাঁটিয়া মক্কা শরীফে যাওয়ার মান্নত করিলে সহজ সাধ্য হইলে পায়ে হাঁটিয়াই ওমরা বা হজ্জ করা চাই। অবশ্য তাহা না করিলে কিম্বা পায়ে হাঁটিয়া যাওয়া অসাধ্য হইলে যানবাহনের সাহায্য লইতে পারিবে, কিন্তু এমতাবস্থায় তাহাকে দম আদায় করিতে হইবে।

+ আলহায্জ লিলাহ। ১৩৭৭ হিঃ ১৯৫৮ ইং হজ্জের সকরে ২১শে জিলহজ্জ ৮ই জুলাই পবিত্র মক্কা নগরীতে মেহফালাহ নামক মহল্লায় হাজ্জের পরিচ্ছেদ লেখা শেষ করা হইল।

পবিত্র মদীনার ফজীলত*

মদীনার চতুঃসীমাস্থ এলাকা হরম শরীফ

৯৫১। হাদীছঃ— عن انس رضى الله تعالى عنه
 ۞ النَّبِيُّ صَلَّى اللَّهُ عَلَيْهِ وَسَلَّمَ قَالَ الْمَدِينَةُ حَرَمٌ مِّنْ كَذَا إِلَى كَذَا لَا يُقْتَعُ شَجَرُهَا وَلَا يُحَدَّثُ فِيهَا حَدِيثٌ مِّنْ أَحَدٍ فِيهَا حَدِيثًا فَعَلَيْهِ لَعْنَةُ اللَّهِ وَالْمَلَائِكَةِ وَالنَّاسِ أَجْمَعِينَ.

অর্থ—আনাছ (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, মদীনার এই সীমা (—“আয়ের” নামক পাহাড়) হইতে ঐ সীমা (—ওহদ পাহাড়ের সংলগ্ন “ছওর” নামক ছোট পাহাড়) পর্য্যন্ত “হরম” পরিগণিত। উহার বৃক্ষাদি কাটা যাইবে না, (ঘাস-পাতা, তরু-লতা, উদ্ভিদ সমূহের ক্ষতি সাধন করা যাইবে না উহার কোন বস্তুজীবকে শিকার করা যাইবে না) এবং মদীনার মধ্যে কোন প্রকার অত্যাচার, অশাস্তি, ব্যভিচার শরীয়ত বিরোধী কার্যকলাপ ও অনৈদোলন সৃষ্টি করা বিশেষরূপে নিষিদ্ধ ও হারাম। যে ব্যক্তি পবিত্র মদীনার এলাকায় এরূপ কার্যের সৃষ্টি করিবে (বা এরূপ কার্য) সৃষ্টিকারীকে স্থান দিবে (অর্থাৎ তাহার কোন প্রকার সহযোগিতা বা সমর্থন করিবে) তাহার উপর আল্লাহ তায়ালার ও সমুদয় ফেরেশতাগণের এবং সমগ্র বিশ্ববাসীর লা’নত ও অভিশাপ।

অর্থাৎ—এরূপ কার্য যে করিবে তাহার প্রতি আল্লাহ তায়ালার স্বীয় অভিশাপের ঘোষণা জারী করিয়া রাখিয়াছেন। ঐ ব্যক্তি সেই ঘোষণা অনুসারে আল্লাহর অভিশাপে পতিত হইবে এবং এরূপ কার্যকারীর প্রতি ফেরেশতাগণ সর্বদা অভিশাপ ও বদ-দোয়া করিরা থাকেন; ফেরেশতাগণের সেই অভিশাপ তাহার উপর পতিত হইবে। আর ঐ ব্যক্তি এমনই জঘন্য যে, তাহার প্রতি অভিশাপ করা সমগ্র বিশ্ববাসীর আশু কৰ্তব্য।

৯৫২। হাদীছঃ— عن ابي هريرة ان النبي صلى الله عليه وسلم
 ۞ قَالَ حَرَمٌ مَا بَيْنَ لَابِنْتِي الْمَدِينَةَ عَلَى لِسَانِي قَالَ وَآتَى النَّبِيُّ صَلَّى اللَّهُ عَلَيْهِ وَسَلَّمَ بَنِي الْحَارِثَةِ فَقَالَ أُرَاكُمْ يَا بَنِي حَارِثَةَ قَدْ خَرَجْتُمْ مِنَ الْحَرَمِ ثُمَّ التَّفَعْتُ فَقَالَ بَلْ أَنْتُمْ فِيهِ.

* এই অধ্যায়টি ১৯৫৮ ইং সনের হজ্জ উপলক্ষে পবিত্র মদীনার লেখা হইয়াছে।

অর্থ—আবু হোরাযরা (রা:) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, মদীনার সীমানা হু এলাকাকে (আল্লাহ তায়ালায় গফ হইতে) “হরম” বলিয়া আমার মারফৎ ঘোষণা করা হইয়াছে।

বহু-হারেছা নামক গোত্র (যাহাদের বসতি ওহদ পাহাড়ের নিকট ছিল) তাহাদের নিকট একদা নবী ছালাল্লাহু আলাইহে অসাল্লাম আসিলেন এবং বলিলেন, আমার ধারণা হইতেছে, তোমরা (মদীনার) হরমের এলাকা হইতে বাহিরে বসতি অবলম্বন করিয়াছ। অতঃপর বলিলেন, না—তোমরা হরমের সীমান ভিতরেই আছ।

বিশেষ দ্রষ্টব্য :—বিভিন্ন হাদীছে মদীনা শরীফের নির্ধারিত সীমাকে “হরম” বলা হইয়াছে। অনেক ইমামের মতে ওয়াজেব রূপেই উহা হরম শরীফ; যেরূপ মক্কাস্থিত সীমা হরম শরীফ; উভয়ের মহুআলাহ সনানই। হানাফী মজহাব মতে মদীনার সীমা “হরম” হওয়ার অর্থ বিশেষ বিশেষ সম্মান ও মান-মর্যাদার স্থান। মদীনার বুক্ষাদি কাটা জায়েয আছে যেরূপ ৮৫৪নং হাদীছে উল্লেখ হইয়াছে। অনন্ত সাধারণতঃ উহা না কাটাই উত্তম। ৯৫১নং হাদীছের তাৎপর্য ইহাই।

৯৫৩। হাদীছ :—

بِإِذْنِ اللَّهِ تَعَالَى قَالَ
مَا عِنْدَنَا شَيْءٌ إِلَّا كِتَابُ اللَّهِ وَهَذِهِ الْمَحْبِئَةُ عَنِ النَّبِيِّ صَلَّى اللَّهُ عَلَيْهِ
وَسَلَّمَ الْمَدِينَةُ حَرَمٌ مَا بَيْنَ عَائِرِ إِلَى كَذَا مِنْ أَحَدٍ فِيهَا حَدِيثًا أَوْ
أَوْ مُحَدَّثًا فَعَلَيْهِ لَعْنَةُ اللَّهِ وَالْمَلَائِكَةِ وَالنَّاسِ أَجْمَعِينَ لَا يُقْبَلُ مِنْهُ
صَرْفٌ وَلَا عَدْلٌ.....

অর্থ—আলী (রা:) হইতে বর্ণিত আছে—তিনি বলিয়াছেন, (হযরত রশূলুল্লাহু ছালাল্লাহু আলাইহে অসাল্লাম বিশেষরূপে শুধু আনাকে কোন বিষয় জ্ঞাত করাইছেন—এমন) কোন বিষয়—বস্তু আমার নিকট নাই। হাঁ—নবী ছালাল্লাহু আলাইহে অসাল্লামের নিকট হইতে প্রাপ্ত যাহা আমার নিকট আছে তাহা আল্লাহর কিতাব কোরআন শরীফ এবং একখানা লিপি বাহার মধ্যে শরীয়তের এই কয়েকটি আদেশ ও বিধান লিপিবদ্ধ রহিয়াছে। (১) পবিত্র মদীনা “আয়ের” নামক পাহাড় হইতে অমুক সীমানা পর্যন্ত “হরম” পরিগণিত। মদীনার মধ্যে যে ব্যক্তি কোন অস্তর-ভাঙাচার, অশাস্তি বা শরীয়ত বিরোধী কার্যকলাপ সৃষ্টি করিবে কিম্বা ঐ কার্য অনুষ্ঠানকারী ব্যক্তিকে কোন প্রকারে সমর্থন করিবে তাহার উপর আল্লাহ তায়ালায় লানত ও অভিশাপ ও সমস্ত কেরেশতাগণের অভিশাপ বর্ণিত হইবে এবং সে সমগ্র বিশ্ববাসীর অভিশাপযোগ্য হইবে। তেমন ব্যক্তির কোন ফরজ বা নফল এবাদৎ

(আল্লাহ দরবারে) কবুল ও গ্রহণীয় হইবে না। (২) ইসলামী রাষ্ট্রের বিধান মতে কোন অমোসলমানকে নিরাপত্তা দানের ক্ষমতা ও অধিকার সকল মোসলমানেরই সমান। যে কোন একজন মোসলমান কোন অমোসলেমকে নিরাপত্তার প্রতিশ্রুতি দান করিলে সমস্ত মোসলমানের পক্ষে উহা রক্ষা করা অবশ্য কর্তব্য হইবে। যে কোন মোসলমান অথ এক মোসলমানের প্রদত্ত নিরাপত্তার প্রতিশ্রুতিকে ভঙ্গ করিবে তাহার উপর আল্লাহ তায়ালার লানত ও অভিশাপ এবং ফেরেশতাগণ ও সমগ্র বিশ্ববাসীর লানত ও অভিশাপ। ঐ ব্যক্তির কোন করজ বা নফল এবাদত আল্লাহ দরবারে কবুল হইবে না।

(৩) যে কৃতদাস স্বীয় মনিবের পরিচয় গোপন করিয়া অথ মনিবের প্রতি নিজের সম্বন্ধ প্রকাশ করিলে এবং যে ব্যক্তি স্বীয় পিতার পরিচয় গোপন রাখিয়া অথ কাহারও প্রতি স্বীয় সম্বন্ধ প্রকাশ করিলে তাহার উপর আল্লাহ তায়ালার লানত ও অভিশাপ। ঐ ব্যক্তির কোন করজ বা নফল এবাদত কবুল হইবে না।

ব্যাখ্যা :- বর্তমান যুগের পীর-মুরশিদ নামধারী ভণ্ড ও ধোকাবাজদের একদল লোক বলিয়া থাকে যে, আলী রাজিয়াল্লাহু তায়ালা আনহুর নিকট দীন ইসলামের এমন অনেক বিষয়বস্তু ছিল যাহা ছিনা-নছিনা আমরা পাইরাছি; ঐ সব বিষয়বস্তু কোরআন-হাদীছে ব্যক্ত হয় নাই। রসুলুল্লাহ ছাল্লাল্লাহু আলাইহে অসাল্লাম ঐ সব বিষয় বিশেষরূপে আলী (রাঃ)কে জ্ঞাত করিয়া গিয়াছেন, অথ কাহাকেও তাহা জ্ঞাত করান নাই। বস্তুতঃ এই সকল বে-ঈমানী ধোকাবাজীর কথা পূর্ব হইতে শিয়া সম্প্রদায়ের লোকদের দ্বারা কল্পিত ও প্রচারিত হইয়াছে। এমনকি, আলী রাজিয়াল্লাহু তায়ালা আনহুর বর্তমানেও একরূপ কুকথার পিয় লোকদের মধ্যে ছড়াইতেছিল। এইরূপ বিষয় কুকথার বিরুদ্ধে, উহার মূলোচ্ছেদ করে আলী রাজিয়াল্লাহু তায়ালা আনহুর বারংবার আলোচ্য হাদীছের অস্বীকৃতি-যুক্ত কঠোর বাণী উচ্চারণ করিয়াছেন। এমনকি, এই অস্বীকৃতির উপর তিনি কঠোর ভাষায় শপথ পর্য্যন্ত করিয়াছেন। বোধারী শরীক ২১ পৃষ্ঠায় এই হাদীছটি বর্ণিত আছে, সে স্থানে স্পষ্টই উল্লেখ আছে যে, এক ব্যক্তি আলী (রাঃ)কে জিজ্ঞাসা করিল—আপনার নিকট রসুলুল্লাহ ছাল্লাল্লাহু আলাইহে অসাল্লামের কোন লিপি আছে কি? ২২৮ পৃষ্ঠায় আছে, এক ব্যক্তি প্রশ্ন করিল, অহী দ্বারা প্রেরিত বিষয়াবলীর কোন বিশেষ বস্তু আপনার নিকট খাছভাবে বিদ্যমান আছে কি? ১০২০ পৃষ্ঠায় আছে, একরূপ প্রশ্ন করিল যে, কোরআন শরীফে নাই বা অথ কোন মাতৃষের নিকট নাই এমন কোন বিষয়বস্তু আপনার নিকট আছে কি? মোসলেম শরীফের হাদীছে আরও স্পষ্টরূপে বর্ণিত আছে—একদা এক ব্যক্তি আলী রাজিয়াল্লাহু তায়ালা আনহুর নিকট উপস্থিত হইয়া জিজ্ঞাসা করিল— রসুলুল্লাহ ছাল্লাল্লাহু আলাইহে অসাল্লাম আপনার নিকট কি কি বিশেষ বিশেষ বিষয়বস্তু চুপি চুপি বলিয়া গিয়াছেন? আলী রাজিয়াল্লাহু তায়ালা আনহু এইরূপ প্রশ্ন শ্রবণে

ভীষণ উদ্বেজিত ও ক্রোধান্বিত হইয়া বলিলেন, রসুলুল্লাহ ছালাল্লাহ আলাইহে অসালাম কখনও অশ্ল লোকদের হইতে গোপন রাখিয়া আমার নিকট চুপি চুপি কিছুই ব্যক্ত করেন নাই; হাঁ—কয়েকটি বিষয় তিনি আমাকে লিখিয়া দিয়াছিলেন তাহা এই লিপির মধ্যে লিখিত আছে। এই বলিয়া তিনি স্বীয় ভ্রনবারীর খাপ হইতে একখানা লিপি বাহির করিলেন। লিপিখানার মধ্যে (মূল আলোচ্য হাদীছে বর্ণিত বিষয় কয়টির সহিত ইহাও) লিখিত ছিল যে—(১) যে ব্যক্তি আল্লাহ ভিন্ন অশ্ল কাহারও নামের উপর কোন জীবজন্তু জব্দ করিবে তাহার উপর আল্লাহ তায়ালায় লান'ৎ ও অভিশাপ। (২) যে ব্যক্তি পথ ও রাস্তার চিহ্ন বা জায়গা-জমীনের সীমানার চিহ্ন ইত্যাদি চুরি করিবে তাহার উপর আল্লাহ তায়ালায় লান'ৎ ও অভিশাপ। (৩) যে ব্যক্তি স্বীয় পিতা-মাতার প্রতি লান'ৎ ও অভিশাপ করিবে তাহার উপর আল্লাহ তায়ালায় লান'ৎ ও অভিশাপ। (৪) যে ব্যক্তি আল্লাহ ও আল্লাহ রসুলের বিধান ও তরীকা ছাড়া অশ্ল তরীকা সৃষ্টি করিবে বা ঐরূপ তরীকার আন্দোলনকারীর প্রতি কোন প্রকার সমর্থন রাখিবে তাহার উপর আল্লাহ তায়ালায় লান'ৎ ও অভিশাপ।

এতস্তিন্ন ঐ লিপির মধ্যে আরও লিখিত ছিল যে, মোসলমান ছোট-বড় ধনী দরিদ্র সকলেরই জানের মূল্য সমান। অর্থাৎ কোন ধনী ব্যক্তি কোন দরিদ্রকে না-হক খুন করিলে বা কোন ভদ্র ব্যক্তি কোন ইতর ব্যক্তিকে না-হক খুন করিলে ঐ ধনী ভদ্র ব্যক্তিকে খুনের বদলে প্রাণদণ্ড দেওয়া হইবে। মদীনার হরম শরীফের সীমার বিষয় লিখিত ছিল যে—ঐ সীমার মধ্যে কোন ঘাস-পাতা, তরু-লতার ক্ষতি সাধন করা যাইবে না, উটের আহাৰ্য্য যোগান ব্যতীত কোন গাছ কাটা যাইবে না, কোন মোসলমানের সঙ্গে যুদ্ধ বিবাদ করার জন্য কোন অস্ত্রশস্ত্র হাতে লওয়া যাইবে না এবং উহাতে ছিল—বিভিন্ন গাঙ্গে ও বিভিন্ন পরিমাণে জখম করার শাস্তি ও দণ্ডের বিবরণ এবং কোন কোন প্রকারের খুনের বদলে বিভিন্ন বয়সের যে বহু সংখ্যক উট প্রদান করিতে হয় উহার বিবরণ। এবং উহাতে ছিল—ক্রীতদাস মুক্তি দানের কজিলত এবং উহাতে এই বিধান লিখিত ছিল যে, (ইসলামী রাষ্ট্রের অনুগত প্রজা নয় এমন) অসোসলেমদের হত্যা করার দায়ে কোন মোসলমানকে প্রাণদণ্ড দেওয়া হইবে না এবং কোন অসোসলমানকে নিরাপত্তা দান করা হইলে সেই অবস্থায় তাহাকে হত্যা করা যাইবে না।

৯৫৪। হাদীছঃ—

عن أبي هريرة رضى الله تعالى عنه

كَانَ يَقُولُ لَوِ رَأَيْتُ الطَّبَّاءَ بِالْمَدِينَةِ تَوَرَّعَ مَا ذَعَرْتُهَا قَالَ رَسُولُ

اللَّهِ صَلَّى اللَّهُ عَلَيْهِ وَسَلَّمَ مَا بَيْنَ لَابَتَيْهَا حَرَامٌ

অর্থ :—আবু হোরাযরা (রাঃ) হইতে বর্ণিত আছে, তিনি বলিয়া থাকিতেন—মদীনার এলাকায় হরিণ-পাল অনাধে ঘুরা-ফেরা করিতেছে দেখিলে আমি উহাদেরকে কোন ভয়ও দেখাইব না। রসুলুল্লাহ ছালাল্লাহু আলাইহে অসাল্লাম বলিয়াছেন, মদীনার উভয় পাশ্চাত্ত্ব সীমার মধ্যবর্তী এলাকা হরম শরীফ।

মদীনার বৈশিষ্ট্য

৯৫৫। হাদীছ :—

أبو هريرة رضى الله تعالى عنه يقول

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ أُمِرْتُ بِقُرْيَةَ تَأْكُلُ الْقُرَى يَقُولُونَ يَثْرِبُ وَهِيَ الْمَدِينَةُ تَنْفِي النَّاسَ كَمَا يَنْفِي الْكَبِيرُ خَبَثَ الْحَدِيدِ.

অর্থ :—আবু হোরাযরা (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম বলিয়াছেন, আমি আল্লাহ তায়ালায় তরফ হইতে এমন একটি বস্তুকে স্নায় বাসস্থানরূপে অবলম্বন করার আদিষ্ট হইয়াছি যে বস্তু অচ্ছা বস্তু সমূহের উপর প্রাধান্য লাভ করিবে। অনেকে উহাকে “ইয়াছরব” নামে অভিহিত করে, কিন্তু উহার সূযোগ্য নাম মদীনা। সেই বস্তু অসং লোকদিগকে নিজ সীমার ভিতর হইতে বাহিয়া বাহির করিবে যেরূপ কর্মকারের অগ্নি-চুলা লোহা হইতে উহার জং ও মরিচাকে বিচ্ছিন্ন করিয়া দেয়।

ব্যাখ্যা :—বিশ্বের উপর মদীনা শরীফের প্রাধান্য বাহ্যিক দৃষ্টিতে হযরত রসুলুল্লাহ ছালাল্লাহু আলাইহে অসাল্লামের যুগ হইতে আরম্ভ করিয়া ছাহাবীদের যুগে স্পষ্টতঃই প্রতিষ্ঠিত হইয়াছিল। কারণ সে যুগে মোসলেম জাতি বিশ্বের বুকে সর্বাধিক শক্তিশালী জাতিরূপে খ্যাতি লাভ করিতেছিল এবং তৎকালীন সেরা রাষ্ট্রসমূহ মোসলমানদের ভয়ে কম্পমান ত ছিলই, তত্পরি শেখ পর্য্যন্ত উহার প্রত্যেকটিই মোসলমানদের হস্তে উচ্ছেদ হয়। সেকালে মোসলেম জাতির সম্মুখে মাথা উঠ করার কোন শক্তি ও জাতি অবশিষ্ট ছিল না। সেই বিশ্ব বিজয়ী মোসলেম জাতির প্রধানতম কেন্দ্র ছিল পবিত্র মদীনা-তাইয়েবা।

এতদ্বিধ মতবা বা ফজিলতের দিক দিয়া সমগ্র বিশ্বের উপর পবিত্র মদীনার শ্রেষ্ঠত্ব অতি সুস্পষ্ট ও তর্কাতীত। এমনকি সমগ্র নগরী হিসাবে কোন কোন আলেম মক্কা নগরীর ফজিলতের তুলনায়ও মদীনা নগরীর ফজিলতকে আদিক্য প্রদান করিয়াছেন। অবশ্য মক্কা নগরীর মধ্যে বিশ্বের সর্বশ্রেষ্ঠ মসজিদ হরম শরীফের মসজিদ এবং অতি মহান বাইতুল্লাহ শরীফ বিদ্যমান আছে বটে, কিন্তু মদীনা নগরীতেও যে ভূখণ্ডে হযরত রসুলুল্লাহ ছালাল্লাহু আলাইহে অসাল্লাম শরীফে অবস্থানরত রহিয়াছেন, বিশেষরূপে সেই ভূখণ্ডকে আল্লাহ তায়ালা কাদা হইতে, বরং আরশ হইতেও অধিক মতবা ও ফজিলত দান করিয়াছেন—ইহা আলেমগণের একমত পূর্ণ সিদ্ধান্ত। হযরত রসুলুল্লাহ ছালাল্লাহু আলাইহে অসাল্লাম স্নায় প্রভু আল্লাহ তায়ালায় নিকট কিরূপ প্রিয় ও মাহবুব ছিলেন,

উল্লিখিত বিষয়টি তাহারই একটি স্বলম্ব নিদর্শন এবং আলেনগণ সেই হিসাবেই উল্লিখিত বিষয়টির উপর নিজেদের একমত স্থাপন করিয়াছেন।

এই হাদীছের মধ্যে মদীনা শরীফের একটি বিশেষত্ব এই বলিয়া বর্ণিত হইয়াছে যে, অসং লোকদিগকে নিজ সীমা হইতে বাছিয়া বাছিয়া বাহির করিয়া দিবে। এই বৈশিষ্ট্যের প্রতিক্রিয়া পূর্ণরূপে নিকশিত হইলে কেয়ামতের নিকটবর্তী সময়ে--যখন দজ্জালের আবির্ভাব হইবে। সেই সময় দাজ্জাল শহরসমূহ প্রদক্ষিণ করিয়া তৎকালীন অধিকাংশ লোকদিগকে নিজ দলে শামিল করিয়া লইবে, কিন্তু সে পবিত্র মক্কা-মদীনায় প্রবেশ করিতে পারিবে না। অবশ্য সে মদীনায় নিকটবর্তী এক বস্তিতে আসিবে এবং মদীনায় মোনাকেক-কাফের ব্যক্তির মদীনা হইতে বাহির হইয়া দজ্জালের দলভুক্ত হইবে; (এই বিষয়ের বিস্তারিত বিবরণ ৯৬২নং হাদীছে বর্ণিত হইবে।) তখনই পবিত্র মদীনায় উল্লিখিত বৈশিষ্ট্যটি পূর্ণরূপে বিকশিত হইবে। অবশ্য পবিত্র মদীনায় এই বিশেষত্বটি ঐ বিশেষ সময়ের পূর্বেও সময় সময় স্থান বিশেষে প্রতিক্রিয়া প্রকাশ করিয়া থাকে। এমনকি, হযরত রসুলুল্লাহ ছালাল্লাহু আলাইহে অসাল্লামের সমানায়ও এইরূপ ঘটনা ক্ষেত্রবিশেষে ঘটিয়াছে। ৯৬৪নং হাদীছে এক বেহুইনের ঘটনা বর্ণিত হইবে—সে স্বীয় বস্তি ছাড়িয়া মদীনায় আসিয়া হযরত রসুলুল্লাহ ছালাল্লাহু আলাইহে অসাল্লামের হাতে ইসলাম গ্রহণ করে, কিন্তু পর দিনই সে অরাজাস্ত হইয়া হযরতের নিকট উপস্থিত হয় এবং সে তাহার ইসলাম ফেরৎ লইবার জ্ঞ হযরতের নিকট বার বার দাবী জানাইতে থাকে। হযরত রসুলুল্লাহ ছালাল্লাহু আলাইহে অসাল্লাম তাহার দাবী প্রত্যাখ্যান করেন, কিন্তু সে শেষ পর্যন্ত ইসলাম ত্যাগ করতঃ মদীনা ছাড়িয়া চলিয়া যায়। তাহার এই ঘটনার উপর নবী (দঃ) পবিত্র মদীনায় আলোচ্য বিশেষত্বেরই উল্লেখ করিয়াছিলেন।

আল্লাহ তায়ালা আমাদের পবিত্র মদীনায় স্নেহময় কোলে এবং উহার সুশীতল ছায়াতলে স্থান দান করুন। এমনকি, শেষ সময়ের স্থানটুকুও পবিত্র মদীনায়ই দান করুন এবং পবিত্র মদীনা হইতে বিতাড়িত হওয়ার বদ-সখতি হইতে বাঁচাইয়া রাখুন—আমীন!

تَمَّيْتُ مِنْ رَبِّي جَوَارَ مَدِينَةٍ -- فَيَا لَيْتَ لِي فِيهَا ذِرَاعٌ لِمَرْقَدِي

মদীনায় স্থান লাভ হউক—ইহাই প্রভু-পরওয়ারদেগারের দরবারে আমার আকাঙ্ক্ষা। আমার স্ন-নছীন—যদি মদীনায় এক হাত জায়গাও কবরের জ্ঞ আমার ভাগে ছুটে।

رَجَائِي بِرَبِّي أَنْ أَمُوتَ بِطَيْبَةٍ -- فَأَرْقُدُ فِي ظِلِّ الْحَبِيبِ وَأُحْشَرُ

প্রভুর নিকট আমার আকাঙ্ক্ষা—আমার মৃত্যু যেন মদীনা তাইয়েবায় হয়; তবেই আমি প্রাণ প্রিয়ের ছায়ায় চির নিদ্রিত থাকিতে এবং তাঁহারই ছায়ায় হাশর ময়দানে যাইতে পারিব।

মদীনার অপৱ নাম 'তাৱাহ'

৯৫৬। হাদীছ :—

عن ابي حميد رضى الله تعالى عنه قال

اقبلنا مع النبي صلى الله عليه وسلم من نيسوك حتى اشرقتنا على

المدينة فقال هذه طابة -

অর্থ :—আবু হোমাইদ (রাঃ) বর্ণনা কৱিয়ালেহেন, আমৱা হযৱত নবী ছালালাহ আলাইহে অনালামেৱ সঙ্গে তবুকেৱ জেহাদ হইতে ফিৱাৱ পথে চলিতেছিলাম। মদীনাৱ নিকটবৰ্তী পৌছিয়া যখন মদীনা দেখা যাইতেছিল তখন নবী ছালালাহ আলাইহে অসাল্লাম বলিলেন, ইহা 'তাৱাহ' বা 'তাৱৱাহ'।

ব্যাখ্যা :— মদীনাৱ অপৱ নাম 'তাৱাহ' এৱং 'তাৱৱাহ'। উভয় আৱবী শব্দেৱই আভিধানিক অর্থ পবিত্ৰ ও উত্তম। হযৱত রসুল্লাহ ছালালাহ আলাইহে অসাল্লাম মদীনাৱ প্ৰতি স্বীয় অনুরাগ ও প্ৰীতি প্ৰকাশার্থে উহাকে এইসব নাম দ্বাৱা অভিহিত কৱিয়ালেহেন। কোন কোন হাদীছে বর্ণিত আছে সয়ং আল্লাহ তায়ালাও পবিত্ৰ মদীনাকে এই সব নামে অভিহিত কৱিয়ালেহেন।

পবিত্ৰ মদীনাৱ বসবাস ত্যাগ কৱা দুঃখজনক

৯৫৭। হাদীছ :—আবু হোৱায়রা (রাঃ) বর্ণনা কৱিয়ালেহেন, আমি রসুল্লাহ ছালালাহ আলাইহে অসাল্লামকে বলিতে শুনিয়াছি—(এক সময়) লোকেৱা মদীনাকে ত্যাগ কৱিয়া যাইবে মদীনাৱ ভাল অবস্থা বিৱাজমান থাকা নহেও। এমনকি অবশেষে উহাৱ বাসিন্দা শুধুমাত্ৰ বহু পশু-পক্ষী যাহাৱা ঘূৰিয়া-ফিৱিয়া নিজ নিজ আহাৰ্য্য যোগাৱ উহাৱাই থাকিবে। (অৰ্থাৎ পোষিত পশু-পক্ষীও তথাৱ থাকিবে না, কাৱণ পোষণকাৱী নাহুৱেৱ অস্তিত্ব তথাৱ থাকিবে না।) মদীনাৱ প্ৰতি সৰ্বশেষ আগন্তুক মোঘাৱনা গোত্ৰেৱ হই ৱাখাল তাহাদেৱ ছাগলপাল হাঁকাইতে হাঁকাইতে মদীনাৱ উদ্দেশ্যে অগ্ৰসৱ হইতে থাকিবে; বাহিৱে থাকিতেই অনুভব কৱিবে যে, মদীনা জনশূন্য—তথাৱ বহু পশু-পক্ষী তিৱ আৱ কিছু নাই। মদীনাৱ প্ৰবেশ পথেৱ দাৱস্থ 'ছানিয়াতুল-বেদা' নামক স্থানে তাহাদেৱ পৌছা মাত্ৰই (কেৱামত বা মহাপ্ৰলয়েৱ শিষ্কা-ফুক আৱস্ত হইয়া যাইবে;) তাহাৱা তথাৱ অধঃস্থানী পতিত হইয়া মৱিয়া থাকিবে।

ব্যাখ্যা :—সাৱা ভূপৃষ্ঠে একটি মানুষ 'আল্লাহ' শব্দ উচ্চাৱণকাৱী অবশিষ্ট থাকা পৰ্য্যন্ত কেৱামত তথা জগতেৱ উপৱ মহাপ্ৰলয় আসিবে না; যখন 'আল্লাহ' শব্দ উচ্চাৱণকাৱী একটি মানুষও সাৱা জগতে বিজ্ঞান থাকিবে না তখনই জগতেৱ ধ্বংস বা মহাপ্ৰলয়

আসিবে (হাদীছ—মোসলেম শরীফ)। সুতরাং হুয়া অবধারিত যে, কেয়ামতের পূর্বক্ৰমে সমগ্র ভূগতে শুধুমাত্র কাফেরদেরই অবস্থান হইবে; কোথাও একটি প্রাণী মোসলমানের অস্তিত্ব থাকিবে না। এমনকি আল্লাহর ধরের শহর মক্কায়ও তখন কাফেরই থাকিবে। তাহারা কাবা শরীফের এক একটি পাথর বিচ্ছিন্ন করিয়া কাবা শরীফকে ধ্বংস করিয়া দিবে (হাদীছ—বোখারী শরীফ)। ঐ সময়কালে মদীনায় কি অবস্থা বিরাজ করিবে? যদি তথায় নাযর পাকে তবে তাহারাও কাফের হইবে এবং সেই অবস্থায় তথায় বর্তমান হযরত রসূলুল্লাহ ছালাল্লাহু আলাইহে অসাল্লামের রওজা শরীফ তথা তাঁহার আরাম-কফের সহিত ঐ ব্যবহারের আশঙ্কা অতি সুস্পষ্ট যে ব্যবহার কাফেররা কাবা শরীফের সহিত করিবে বলিয়া হাদীছে ভবিষ্যদ্বাণী রহিয়াছে। কাফেররা হযরতের অবমাননার চেষ্টা চিত্রকালই করিয়া আসিয়াছে। মদীনায় ইতিহাসে বিদ্যমান ঘটনা—মক্কা-মদীনা যখন সুলতান নূরুদ্দীন জঙ্গী রহমতুল্লাহে আলাইহে শাসন ও হেফাজতে, তখন ইছদীরা হযরত (দঃ)কে মদীনা হইতে অপহরণের এক জঘন্য ষড়যন্ত্র করিয়াছিল। তৎকালীন ক্ষুদ্র আয়তন বিশিষ্ট মদীনা শহরের এক নিভৃত কোণে হযরতের রওজা শরীফের অদূরে দরবেশ ছদ্মবেশী দুই ইছদী নিঃসঙ্গ জীবন-যাপনের ভান ধরিয়া নির্জন বাসস্থান তৈরী করে। তথা হইতে ধীরে ধীরে অতি গোপনে ভূগর্ভে সুড়ঙ্গ করিয়া হযরতের রওজা শরীফের দিকে অগ্রসর হইতে থাকে। উদ্দেশ্য সাধনের অনতিদূরে পৌঁছিলে সুলতান নূরুদ্দীন (রঃ) স্বপ্নে দেখিলেন, হযরত রসূলুল্লাহ (দঃ) দুইটি লোককে দেখাইয়া বলিতেছেন, এই লোক দুইটি আমাকে কষ্ট দেওয়ার চেষ্টা করিতেছে। স্বপ্ন হইতে নিদ্রা ভঙ্গের সঙ্গে সঙ্গে সুলতান স্বীয় ওজীরকে ডাকাইয়া এই গুরুত্বপূর্ণ স্বপ্ন ব্যক্ত করিলে ওজীর বলিলেন, নিশ্চয় মদীনায় কোন অঘটন ঘটতেছে। সুলতান তৎক্ষণাৎ ওজীরকে সঙ্গে লইয়া রাজধানী ত্যাগ করতঃ মদীনায় পৌঁছিলেন। কিন্তু সমস্তা হইল এই যে, স্বপ্নে দেখান ব্যক্তিদ্বয়ের দৃশ্য ত সুলতানের স্মরণ রহিয়াছে; তাহাদের আর কোন পরিচয় জানা নাই; এমতাবস্থায় তাহাদেরকে শহর হইতে কিরূপে খুঁজিয়া বাহির করা যায়। বাদশাহ ওজীরের পরামর্শে বিরাট এক ঘেরাও-এর মধ্যে মদীনায় অবস্থানকারী সকলকে এক সঙ্গে দাওয়ারতে সমবেত হওয়ার বাধ্যতামূলক নির্দেশ দিলেন। ঘেরাও-এর ভিতর গমনাগমনের একটি মাত্র পথ রাখা হইল; তথায় বাদশাহ বসিয়া থাকিলেন। প্রত্যেকটি লোককে দেখা হইল; কিন্তু স্বপ্নে দেখা আকৃতি পাওয়া গেল না। বহু জিজ্ঞাসাবাদের পর বাদশাহকে বলা হইল, মদীনায় দুইজন দরবেশ নির্জনে অবস্থান করেন; তাঁহারা জন-সমাজ হইতে সম্পূর্ণ বিচ্ছিন্ন, তাই তাঁহারা এই দাওয়ারতে যোগদান করেন নাই। বাদশাহ তৎক্ষণাৎ তাহাদেরকে উপস্থিত করার নির্দেশ দিলেন। যখন তাহাদেরকে নিয়া আসা হইতেছিল তখন দূর হইতে তাহাদেরকে দেখামাত্র বাদশাহ চিৎকার করিয়া উঠিলেন যে, এই সেই আকৃতি যাহা আমাকে স্বপ্নে দেখান হইয়াছিল। তাহারা সমস্ত ঘটনা প্রকাশ করিতে বাধ্য হইল। বাদশাহ ব্যক্তিদ্বয়কে হত্যাদণ্ড

দিলেন এবং রওজা শরীফের চতুর্দিক সাধ্য পরিমাণ গভীর গর্ত করিয়া সীসা ভরিয়া দেওয়া হইল। এইভাবে হযরতের রওজা শরীফ ভূগর্ভেও সীসার দেওয়ালে সুরক্ষিত হয়।

শহীদদের পদার্থীয় দেহ অবিকৃত বিজ্ঞমান থাকে—যাহার বিবরণ তৃতীয় খণ্ড “ওহোদের জেহাদ” পরিচ্ছেদে বর্ণিত আছে। হযরতের সন্নিকটে সমাহিত খলীফা ওমরের কবর দীর্ঘ ৬৮ বৎসর পরে মসজিদে নববী পুনঃ নির্মাণে খননকালে পায়ের দিকের জমি ধসিয়া পা খুলিয়া গিয়াছিল। খলীফা ওমরের পা তখনও অবিকৃত দেখা গিয়াছে। উপস্থিত বিশিষ্ট তাবেয়ী ওরওয়া (র:) শপথের সহিত সে পা খলীফা ওমরের বলিয়া সনাক্ত করিতেও সক্ষম হইয়াছিলেন; বিস্তারিত বিবরণ প্রথম খণ্ডের শেষে “হযরতের ও খলীফাওমরের কবরের বিবরণ” পরিচ্ছেদে বর্ণিত হইয়াছে। রসুলুল্লাহ ছালাল্লাহু আলাইহে অসাল্লামের দেহ মোবারকের কথা আলোচনার উল্লেখ; ইহা কেয়ামত পর্যন্ত সর্বাধিক সুরক্ষিত। শহীদদের বরযখী-জীবন অপেক্ষা হযরতের বরযখী-জীবন লক্ষ-কোটি গুণ বেশী শক্তিশালী।

সমস্ত জগতে যখন কাফেরই কাফের থাকিবে যাহারা কাবা শরীফকে ছিন্ন ভিন্ন করিবে এই সময় তাহারা মদীনায় থাকিলে হযরতের রওজা পাকের সহিত কি করিবে তাহা সহজেই লোপগম্য এবং হযরত (র:) তাহার রওজায় বরযখী-জীবনে জীবন্ত।

এ সময় কাবা শরীফের সুরক্ষণের প্রয়োজন ত থাকিবে না যাহার বিবরণ “কাবা শরীফের বিনাশ সাধন” পরিচ্ছেদে বর্ণিত হইয়াছে। কিন্তু হযরত রসুলুল্লাহ ছালাল্লাহু আলাইহে অসাল্লামের মান-মর্যাদা এবং তাহার রওজা শরীফের সুরক্ষণ ত কোন মূহুর্তেই নিশ্চয়োজনীয় হইতে পারে না, তাই এই সময়ের প্রয়োজন নির্বাহের ব্যবস্থা আল্লাহ তায়ালা এই নির্ধারিত করিয়া রাখিয়াছেন যে, এই সময় মদীনায় কোন মানুষের বসবাস মোটেই থাকিবে না, সম্পূর্ণ মদীনা এলাকা এই কালে জনশূন্য অবস্থায় ভাব-গভীররূপে বিরাজমান থাকিবে। উহার সমুদয় প্রাকৃতিক সৌন্দর্য্য তথা বল-ফলাদির বাগ-বাগিচা, সেই বাগ-বাগিচার সবুজ-শ্যামলতা উহাতে বহু পশু-পক্ষীর কোলাহল ইত্যাদি সবই বিরাজমান থাকিবে, থাকিবে না শুধু মানুষের বসবাস। কারণ, আল্লাহ তায়ালা প্রিয় নবীর এলাকার অবস্থানের উপযোগী তাহার অমুরাগী নোমেন-মোসলমানের অস্তিত্বই তখন ভূপৃষ্ঠে থাকিবে না। আর রসুলের শত্রুদেরকে ত একচ্ছত্র ভাবে তথায় বসবাসের সুযোগ দেওয়া যায় না; সুতরাং এই সময় সোনার মদীনা তাহার সোনালী সৌন্দর্য্য ও প্রাকৃতিক সম্পদ বল-ফলাদি ও বাগ-বাগিচার বাহক হওয়া সত্ত্বেও উহা সম্পূর্ণ জনশূন্য অবস্থায় থাকিবে। এই অবস্থা ত অক্ষয় হঠাৎ একদিনে সম্পন্ন হইয়া যাইবে না, উহার জন্ত প্রকৃতি এই ব্যবস্থা করিবে যে, এই সময়কাল নিকটবর্তী হইয়া আনিলে কোনরূপ অভাব-অভিযোগ ব্যতিরেকেই মদীনাবাসীরা মদীনা ত্যাগ করিয়া যাইতে আরম্ভ করিবে; যাহার ভবিষ্যদ্বাণী সন্মুখের হাদীছে উল্লেখ রহিয়াছে। মদীনার অধিবাসীগণ মদীনা ত্যাগ করিয়া চলিয়া যাইবে এবং

মদীনার প্রতি হুতন আগন্তকের আগমন হইলে না—এইভাবে মদীনা জনশূন্য অবস্থায় রূপান্তরিত হইবে। সেই কেয়ামতের পূর্বকালের বিশেষ সময় কালের অবস্থারই ভবিষ্যদ্বাণী রহিয়াছে আলোচ্য হাদীছটিতে*। উল্লিখিত প্রয়োজন সমাধানে যে, আল্লার কুদরতে ঐ সময়ের নিকটবর্তীকালে মদীনাবাসীরা মদীনা ত্যাগ করিয়া বাইতে থাকিলে রসুলুল্লাহ (সঃ) কর্তৃক উহার বর্ণনা দানে তাহার আক্ষেপ অল্পভাগের ভাব প্রকাশিত হইয়াছে; তিনি মদীনার প্রতি এতই অল্পরক্ত ছিলেন। সুতরাং স্বাভাবিক অবস্থায় প্রাপের প্রিয় সোনার মদীনা ত্যাগীদের প্রতি রসুলুল্লাহ ছালাল্লাহু আলাইহে অসাল্লামের দুঃখজনক ভাব কিরূপ হইবে এবং এই শ্রেণীর লোক যে কিরূপ ভাগ্য বিতাড়িত তাহা অতি সুস্পষ্ট। ইহাই ছিল আলোচ্য হাদীছের পরিচ্ছেদের মর্ম।

আম আল্লাহ! এই নরাধম দীন-হীনকে সদা সোনার মদীনার প্রতি আসক্ত অল্পরক্ত রাখিও, মদীনার জিন্দেগীর সুযোগ দান করিও এবং জীবনের শেষ সময় মদীনার আশ্রয়ে থাকিয়া মৃত্যর পর মদীনার কোলেই কবরের স্থান লাভ করা নহীবে জ্বোটাইও! আমীন! ইয়া রাক্বাল আলামীন !!

৯৫৮। হাদীছঃ— **عن سفیان بن ابی زهير رضى الله تعالى عنه**
سَمِعْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقُولُ تَفْتَحُ الْيَمَنُ نِيَّاتِي قَوْمٌ
يَبْسُونَ نِيَّتَهُمْ بِأَهْلِيهِمْ وَمَنْ أَطَاعَهُمْ وَالْمَدِينَةُ خَيْرٌ لَهُمْ لَوْ كَانُوا
يَعْلَمُونَ وَتَفْتَحُ الشَّامُ نِيَّاتِي قَوْمٌ يَبْسُونَ نِيَّتَهُمْ بِأَهْلِيهِمْ وَمَنْ أَطَاعَهُمْ
وَالْمَدِينَةُ خَيْرٌ لَهُمْ لَوْ كَانُوا يَعْلَمُونَ وَتَفْتَحُ الْعِرَاقُ نِيَّاتِي قَوْمٌ يَبْسُونَ
نِيَّتَهُمْ بِأَهْلِيهِمْ وَمَنْ أَطَاعَهُمْ وَالْمَدِينَةُ خَيْرٌ لَهُمْ لَوْ كَانُوا يَعْلَمُونَ

অর্থ—ছুকিয়ান ইবনে যোহায়ের (রাঃ) বর্ণনা করিয়াছেন, আমি রসুলুল্লাহ ছালাল্লাহু আলাইহে অসাল্লামকে এই কথা বর্ণনা করিতে শুনিয়াছি যে, (এমন এক সময় সম্মুখে আসিতেছে, যখন) ইয়ামান দেশ মোসলমানদের করতলগত হইবে এবং মদীনাবাসী কিছু সংখ্যক লোক (সুখ-স্বাচ্ছন্দ্যের লিপ্সায়) মদীনায় অবস্থান ত্যাগ করতঃ স্বীয় পরিবারবর্গ ও সঙ্গী-সাথীগণকে লইয়া দ্রুতবেগে ইয়ামান দেশে ছুটিয়া আসিবে। কিন্তু মদীনা তাহাদের জন্য অতি উত্তম, অতি উত্তম। হায়—যদি তাহাদের জ্ঞান-বুদ্ধি থাকিত!

* আলোচ্য হাদীছ বর্ণিত মদীনা জনশূন্য হওয়ার ঘটনা সম্পর্কে ইয়াম নব্বী (রাঃ) বলিয়াছেন, জগতের আয়ুষ্কালের শেষ দিবে কেয়ামতের নিকটবর্তী সময়ে এই অবস্থা ঘটবে। (ফতহুলবারী, ৪—৭২)

এইরূপে সিরিয়ায় অঞ্চল মোসলমানদের করতলগত হইবে এবং একদল লোক (সুখ-স্বাচ্ছন্দ্যের লালসায়) মদীনায় অবস্থান ত্যাগ করতঃ পরিবারবর্গ ও সঙ্গী-সাথীগণকে লইয়া ক্রতবেগে সিরিয়ায় ছুটিয়া আসিবে। কিন্তু মদীনা তাহাদের জন্ত অতি উত্তম, অতি উত্তম। হায়—যদি তাহাদের জ্ঞান-বুদ্ধি থাকিত।

এইরূপে ইরাক দেশ মোসলমানদের করতলগত হইবে। তখন একদল লোক খীয় পরিবারবর্গ ও সঙ্গী-সাথীগণকে লইয়া (সুখ-স্বাচ্ছন্দ্যের লিপ্সায়) ক্রতবেগে মদীনা ত্যাগ করতঃ ইরাকে চলিয়া আসিবে, কিন্তু মদীনা তাহাদের জন্ত সর্বোত্তম; হায়—যদি তাহাদের জ্ঞান-বুদ্ধি থাকিত।

ব্যাখ্যাঃ—শেষ যমানায় তথা কেয়ামতের নিকটবর্তী সময়ে আল্লাহ তায়ালার কুদরতেই মদীনা শহর জনশূন্য হইবে; সেই জন্ত হুনিয়ার লিপ্সায় মদীনা ত্যাগ করা ছঃখজনক হইবে না—তাহা নহে। উক্ত হাদীছে উহারই বর্ণনা রহিয়াছে।

মদীনাবাসীকে ধোকা দেওয়ার ভয়াবহ পরিণতি

৯৫৯। হাদীছঃ—
 عن سعد رضى الله تعالى عنه قال سمعت
 النَّبِيَّ صَلَّى اللَّهُ عَلَيْهِ وَسَلَّمَ يَقُولُ لَا يَكِيدُ أَهْلَ الْمَدِينَةِ أَحَدٌ إِلَّا أَتَمَّاعَ
 كَمَا يَنْمَاعُ الْمِلْحُ فِي الْمَاءِ -

অর্থ—সাদ্দ (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, যে ব্যক্তি মদীনাবাসীদের কতি ও অনিষ্ট সাধনের উদ্দেশ্যে ফন্দি আটবৈ, সে অনিবার্যতঃ একরূপ ধ্বংস হইবে যেরূপ নিমক পানির মধ্যে গলিয়া নিশ্চিহ্ন হইয়া যায়।

দজ্জাল মদীনায় প্রবেশ করিতে পারিবে না

৯৬০। হাদীছঃ—
 عن أبى بكر رضى الله تعالى عنه
 عَنِ النَّبِيِّ صَلَّى اللَّهُ عَلَيْهِ وَسَلَّمَ لَا يَدْخُلُ الْمَدِينَةَ رَبُّبُ الْمَسِيحِ الدَّجَالِ
 لَهَا يَوْمَئِذٍ سَبْعَةُ أَبْوَابٍ عَلَى كُلِّ بَابٍ مَلَكَانِ -

অর্থ—আবু বকর (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, মদীনায় দজ্জালের প্রভাব প্রবেশ করিতে পারিবে না। তখন দজ্জালের প্রভাব বিস্তার হইবে সেই সময় মদীনা শহরে নাতিটি প্রবেশ দ্বার থাকিবে, প্রত্যেক প্রবেশ দ্বারে দুই দুইজন ফেরেশতা পাহারারত থাকিবেন।

عن ابي هريرة رضى الله تعالى عنه قال
 ১৬১। হাদীছঃ— قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ عَلَى أَنْقَابِ الْمَدِينَةِ مَلَائِكَةٌ لَا يَدْخُلُهَا الظَّالِمُونَ وَلَا الدَّجَالُ .

অর্থ—আবু হোরায়রা (রাঃ) হইতে বর্ণিত আছে, রসূলুল্লাহ ছালাল্লাহু আলাইহে অসাল্লাম বলিয়াছেন, মদীনার প্রতি প্রবেশ পথে ফেরেশতাগণ বিচক্ষমান রহিয়াছেন; প্লেগের মহামারী এবং দজ্জাল মদীনা প্রবেশ করিতে পারিবে না।

حدث انس رضى الله تعالى عنه
 ১৬২। হাদীছঃ— عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ لَيْسَ مِنْ بَلَدٍ إِلَّا سَيْطُونُ الدَّجَالِ إِلَّا مَكَّةَ وَالْمَدِينَةَ لَيْسَ لَهَا مِنْ نِقَابِهَا نِقَبٌ إِلَّا عَلَيْهِ الْمَلَائِكَةُ وَالَّذِينَ يَخْرُسُونَهَا ثُمَّ تَرْجَفُ الْمَدِينَةُ بِأَهْلِهَا ثَلَاثَ رَجَعَاتٍ فَيُخْرِجُ اللَّهُ كُلَّ كَاذِبٍ وَمُنَافِقٍ -

অর্থ—আনাছ (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম বলিয়াছেন, দজ্জাল সমস্ত শহর প্রদক্ষিণ করিবে, কিন্তু মক্কা ও মদীনা নগরদ্বয়ে আসিতে পারিবে না; মদীনার প্রতিটি প্রবেশ পথে ফেরেশতাগণ কাতার বাঁধিয়া পাহারা দিতে থাকিবেন। ঐ সময় মদীনা শহরে পর পর তিনবার ভূমিকম্প হইবে—যদ্বরন মদীনার অবস্থানরত প্রত্যেকটি কাকের ও মোনাক্ফক মদীনা হইতে বাহির হইয়া আসিবে (এবং দজ্জালের দলভুক্ত হইবে)।

ان ابا سعيد الخدري رضى الله تعالى عنه
 ১৬৩। হাদীছঃ— قَالَ حَدَّثَنَا رَسُولُ اللَّهِ صَلَّى اللَّهُ عَلَيْهِ وَسَلَّمَ حَدِيثًا طَوِيلًا عَنِ الدَّجَالِ فَكَانَ فِيهَا حَدِيثًا بِهِ أَنْ قَالَ يَا تَى الدَّجَالُ وَهُوَ مُعْرَمٌ عَلَيْهِ أَنْ يَدْخُلَ نِقَابَ الْمَدِينَةِ يَنْزِلُ بَعْضُ السَّبَاحِ الَّتِي بِالْمَدِينَةِ فَيُخْرِجُ إِلَيْهَا يَوْمَئِذٍ رَجُلٌ هُوَ خَيْرُ النَّاسِ فَيَقُولُ أَشْهَدُ أَنَّكَ الدَّجَالُ الَّذِي حَدَّثَنَا عَنْكَ

رَسُولُ اللَّهِ صَلَّى اللَّهُ عَلَيْهِ وَسَلَّمَ حَدِيثُهُ فَيَقُولُ الدَّجَالُ أَرَأَيْتَ إِنْ قَتَلْتُ هَذَا ثُمَّ أَحْيَيْتَهُ هَلْ تُشْكُونَ فِي الْأَمْرِ فَيَقُولُونَ لَا فَيَقْتُلُكَ ثُمَّ يُحْيِيكَ فَيَقُولُ حِينَ يُحْيِيكَ وَاللَّهِ مَا كُنْتُ قَطُّ أَشَدَّ بَعِيرَةً مِنِّي الْيَوْمَ فَيَقُولُ الدَّجَالُ أَقْتُلُكَ فَلَا يَسْلُطُ عَلَيْكَ .

অর্থ—আবু ছারীদ খুদরী (রাঃ) বর্ণনা করিয়াছেন, একদা রসুলুল্লাহ ছালাল্লাহু আলাইহে অসাল্লাম আশাদিগকে দজ্জাল সম্পর্কে সুদীর্ঘ বর্ণনা শুনাইলেন। তাঁহার বয়ানের মধ্যে ইহাও ছিল যে, দজ্জাল (মদীনার উদ্দেশ্যে) বাত্মা করিলে, কিন্তু মদীনার রাস্তায় প্রবেশ করা তাহার জন্য অসম্ভব হইবে। (অপারণ হইয়া) সে মদীনার নিকটবর্তী কোন একটি লোনা জমিনে অবতরণ করিলে। এমতাবস্থায় একজন নেককার সংলোক তাহার সম্মুখে উপস্থিত হইয়া বলিবেন—আমি সাক্ষ্য দিতেছি, তুই সেই দজ্জাল যাহার বিষয়ে রসুলুল্লাহ ছালাল্লাহু আলাইহে অসাল্লাম আশাদিগকে অবহিত করিয়া গিয়াছেন। তখন দজ্জাল স্বীয় সান্দ্রো-পান্দ্রোদেরকে বলিবে, আমি যদি বেটাকে হত্যা করতঃ পুনরায় জীবিত করিতে পারি তবুও কি আনার খোদায়ী দাবীর প্রতি তোমাদের কোন সন্দেহ থাকিবে? তাহারা সকলেই উত্তর করিবে—না, না। তখন দজ্জাল ঐ লোকটিকে বধ করিয়া (ছই খণ্ড করিয়া) ফেলিবে; অতঃপর জীবিত করিয়া দিবে। ঐ নেককার ব্যক্তি জীবিত হইয়াই বলিয়া উঠিবেন—আমি আল্লাহর শপথ করিয়া বলিতেছি, তুই-ই যে দজ্জাল সেই বিষয়ে বর্তমান সময়ের আশ্রয় এত দৃঢ় বিশ্বাস আমার আর কখনও জন্মে নাই। তখন দজ্জাল পুনরায় তাহাকে হত্যা করিতে চাহিবে, কিন্তু সেই কমতা তাহার আর হইবে না।

মদীনা অসৎ লোকদিগকে বাহির করিয়া দেয়

৯৬৪। হাদীছ:—

عن جابر رضى الله تعالى عنه قال

جاء أعرابي النبي صلى الله عليه وسلم فبايعه على الإسلام فجاء من الغد متحموما فقال أفلنى فابى ثلاث مرار فقال الودينة كال كبير تنفني خبتها وينع طيبها .

অর্থ—জাবের (রাঃ) বর্ণনা করিয়াছেন, এক গ্রাম্য ব্যক্তি নবী ছালাল্লাহু আলাইহে অসাল্লামের নিকট উপস্থিত হইয়া তাহার হাতে ইসলামের দীক্ষা গ্রহণ করিল। দ্বিতীয়

দিন সে স্বরাকান্ত অবস্থায় নবী ছালাল্লাহ্ আলাইহে অসাল্লামের খেদমতে উপস্থিত হইয়া খীর দীক্ষা ফেরৎ দেওয়ার দাবী জানাইল। নবী (দঃ) তাহার কথা প্রত্যাখ্যান করিলেন, এইরূপ তিনবার তাহার কথা প্রত্যাখ্যাত হইল। অতঃপর নবী (দঃ) বলিলেন, মদীনা কর্মকারের অগ্নি-চুলার স্মার; সে অসং লোককে বাহির করিয়া দেয় এবং সংলোকগণই সেখানে থাকিয়া যায়।

ব্যাখ্যা :- পবিত্র মদীনার এই গুণ ও বৈশিষ্ট্য সর্বদাই বিদ্যমান আছে, অবশ্য ইহ-জগৎ পরীক্ষার স্থল বলিয়া সর্বদা তাহা প্রয়োগ হয় না। পূর্বেও বলা হইয়াছে যে, এই বিশেষত্বের পূর্ণ বিকাশ দজ্জালের আবির্ভাবের সময় হইবে, যেমন ২৬২নং হাদীছে বর্ণিত হইয়াছে। কিন্তু সময় এবং ক্ষেত্র বিশেষে সর্বদাই ইহা প্রকাশ পাইতে পারে ও হইয়া থাকে—যে রূপ আলোচ্য হাদীছের ঘটনায় ঘটয়াছিল।

এতদ্বিধা মদীনার এই ভাল-মন্দ বাছাই-এর গুণটির ক্রিয়া ক্ষেত্র বিশেষে শুধু ইহাও হয় যে, মন্দকে মন্দরূপে পৃথক করিয়া প্রকাশ করিয়া দেয়; যদিও তাহারা মদীনায়াই থাকিতে পারে, কিন্তু মন্দরূপে প্রকাশ পাইয়া; ভাল-মন্দে পরিচয়হীন মিশ্রিত রূপে নয়; মন্দ হওয়ার পরিচয়ে চিহ্নিত হইয়া থাকিতে পারে। যেমন—ওহোদ-জেহাদের সময় তিনশত মোনাকেক লোক মোসলমান সৈন্য বাহিনীর সঙ্গে আসিল এবং একটা জঘন্য ছুতা পরিয়া মানা পূর্ণ হইতে কিরিয়া চলিয়া গেল—যাহাতে সকলের সম্মুখে তাহাদের মোনাকেকী স্পষ্ট হইয়া গেল এবং তাহারা মোনাকেক বলিয়া চিহ্নিত হইয়া গেল। তাহাদের সম্পর্কে নবী (দঃ) মদীনার এই গুণটি উল্লেখ করিয়াছিলেন বলিয়া এক হাদীছে স্পষ্ট বর্ণনা আছে। হাদীছটি তৃতীয় খণ্ড “ওহোদেদ জেহাদ” পরিচ্ছেদে অনূদিত হইবে। এই মোনাকেক দল মদীনায়াই বসবাস করিত, কিন্তু মোনাকেক হওয়ার পরিচয় ও চিহ্নের সহিত।

যেহেতু পবিত্র মদীনার এই গুণ ও বিশেষত্ব সর্বদাই বিদ্যমান আছে এবং সময় সময় ক্ষেত্রবিশেষে উহা প্রয়োগও হইয়া থাকে, তাই সকলের আতঙ্কিত ও সতর্ক থাকা আশু কর্তব্য। যে রূপ শক্তিশালী পাহেলোরান ব্যক্তি যদিও সর্বদা সকলের উপর খীর বল প্রয়োগ করে না, কিন্তু সকলেই তাহার শক্তিমত্তা হইতে সর্বদা আতঙ্কিত ও সতর্ক থাকে।

হে আল্লাহ! আমাদের পিত্র মদীনার অনুস্থানের সুযোগ ও তৌফিক দান কর; বিশেষতঃ যত্নের পর কবরের স্থানটুকু যেন তথায়ই লাভ হয়—আমীন!

মদীনার জগ্ন হযরতের দোয়া ও অনুরাগ

৯৬৫। হাদীছ :-

عن انس رضى الله تعالى عنه

عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ اللَّهُمَّ اجْعَلْ بِالْمَدِينَةِ ضِعْفِي مَا جَعَلْتَ

بِمَكَّةَ مِنَ الْبَرَكَاتِ.

অর্থ:—আনাছ (রাঃ) হইতে বর্ণিত আছে, নবী ছালাম্মাহ্ আলাইহে অসাল্লাম এই দোয়া করিয়াছেন—হে আল্লাহ! মক্কা নগরীৰ নগ্নে বত বনকত দান করিয়াছ মদীনা নগরীতে উহাৰ দিগ্গণ বনকত দান কর।

৯৬৬। হাদীছ:—
 عَنْ أَنَسٍ رَضِيَ اللَّهُ تَعَالَى عَنْهُ
 أَنَّ النَّبِيَّ صَلَّى اللَّهُ عَلَيْهِ وَسَلَّمَ كَانَ إِذَا قَدِمَ مِنْ سَعْرٍ فَنَظَرَ إِلَى جُدْرَاتِ
 الْمَدِينَةِ أَوْضَعَ رَأْسَهُ وَإِنْ كَانَ عَلَى دَابَّةٍ حَرَّكَهَا مِنْ حُبِّهَا.

অর্থ:—আনাছ (রাঃ) বর্ণনা করিয়াছে, নবী ছালাম্মাহ্ আলাইহে অসাল্লামের বিদেশ হইতে কিয়দ পথে যখন মদীনার বস্তি দৃষ্টিগোচর হইত তখন হযরত (দঃ) মদীনার প্রতি তাহার প্রণাম করিত ও অমুরাগে আকৃষ্ট হইয়া মদীনার প্রতি স্বীয় যানবাহনকে দ্রুত পরিচালিত করিতেন।

বিশেষ দ্রষ্টব্য:—মদীনা শহরের সৌন্দর্য্য নষ্ট হয় বলিয়া রসূলুল্লাহ্ ছালাম্মাহ্ আলাইহে অসাল্লাম মদীনার শহরতলী বস্তিহীন করাও পছন্দ করিতেন না। যেরূপ ৪০৩নং হাদীছে বর্ণিত হইয়াছে।

ঈমান মদীনার প্রতি ধাবিত হয়

অর্থাৎ মোসলমান ব্যক্তি যেখানেই বসবাস করুক পবিত্র মদীনার প্রতি তাহার অমুরাগী ও আকৃষ্ট হওয়া এবং সর্বদা সর্বাবস্থায় মদীনার প্রতি তাহার প্রাণে আবেগ ও আকাঙ্ক্ষা টেউ খেলিতে থাকা ঈমানের একটি বিশেষ নিদর্শন।

৯৬৭। হাদীছ:—
 عَنْ أَبِي هُرَيْرَةَ رَضِيَ اللَّهُ تَعَالَى عَنْهُ
 أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ إِنَّ الْإِيمَانَ لَيَأْرِزُ إِلَى
 الْمَدِينَةِ كَمَا تَأْرِزُ الْحَيَّةُ إِلَى جُحْرِهَا.

অর্থ:—আবু হুরায়রা (রাঃ) হইতে বর্ণিত আছে, রসূলুল্লাহ্ ছালাম্মাহ্ আলাইহে অসাল্লাম বলিয়াছেন, নিশ্চয় ঈমান মদীনার প্রতি এরূপ আকৃষ্ট ও ধাবিত হইয়া আসিবে যেরূপ সর্প স্বীয় গর্তের প্রতি আকৃষ্ট ও ধাবিত হইয়া আসে।

ব্যাখ্যা:—ঈমানের আঙ্গো একমাত্র পবিত্র মদীনা হইতেই বিশ্বের কোণে কোণে ছড়াইয়াছে, তাই এই আলো কাহারো অন্তরে বিশ্বের যে কোন স্থানেই থাকুক না কেন সে তাহার কেন্দ্রের প্রতি আকৃষ্ট ও ধাবিত হইবেই। যেরূপ সর্প স্বীয় গর্ত হইতে বাহির

হইয়া যেখানে যত দূরেই চলিয়া থাকি না কেন সে নিশ্চয় স্বীয় কেন্দ্র গঠের প্রতি আকৃষ্ট হইবেই হইবে। খাঁটি ঈমানের নিদর্শন এই হইবে যে, মোমেন ব্যক্তি স্বীয় ঈমানের প্রতিক্রিয়া ও আকর্ষণে উহার কেন্দ্র পবিত্র মদীনার প্রতি আকৃষ্ট ও ধাবিত না হইয়া থাকিতে পারিলে না। যাহার অন্তরে এই আকর্ষণ নাই বুদ্ধিতে হইবে, তাহার অন্তরে খাঁটি ঈমান নাই।

যাবৎ আলো বিতরণকারী হযরত রসূলুল্লাহ ছালাল্লাহ আলাইহে অসাল্লাম পবিত্র মদীনার ভূপৃষ্ঠের উপর অবস্থানরত ছিলেন তাবৎ এই আকর্ষণের কোন সীমাই ছিল না; যে কোন ব্যক্তি যেখানে যত দূরে ঈমানের আলো লাভ করিয়াছে সে-ই সর্বস্ব ত্যাগ করতঃ মদীনার প্রতি পাগল হইয়া ছুটিয়া আসিয়াছে, এরূপ ঘটনার শত শত নজীর ছাহাবীগণের ইতিহাসে বিদ্যমান রহিয়াছে।

আলো বিতরণকারী হযরত রসূলুল্লাহ (সঃ) যদিও বাহ্যিক মৃত্যুর আবরণে ঢাকিয়া যাওয়ার দরুন সাধারণ দৃষ্টিশক্তি সঙ্কীর্ণ আওতা হইতে বাহিরে চলিয়া গিয়াছেন, কিন্তু তিনি আল্লাহ তায়ালায় কুদরতে বরযখী-জীবনে জীবিত অবস্থার মদীনার মাটিতে অবস্থানরত আছেন। তরুপরি বেহেশতের বাগান সম্বলিত তাঁহার মসজিদ তথায় বিদ্যমান; যাহার এক নামায়ে পঞ্চাশ হাজার নামাযের অধিক ছওয়াব হয়, তরুপরি নবী ছালাল্লাহ আলাইহে অসাল্লামের বহু নিদর্শন উহাতে উজ্জল নক্ষত্রের স্থায় উদ্ভিত রহিয়াছে। মদীনার ভিতরে বাহিরে অলিতে-গলিতে প্রিয় নবী হযরত রসূলুল্লাহ ছালাল্লাহ আলাইহে অসাল্লামের জন্মের শত শত নিদর্শন এবং ঐ সবেয় বরকত হাসিল করার সুযোগ আজও বিদ্যমান রহিয়াছে। তাই এই সোনার মদীনা—প্রাণের প্রিয় শহরের প্রতি মোমেনের প্রাণ আকৃষ্ট ও ধাবিত হইবেই। ঈমানের আলো পবিত্র মদীনা হইতে আসিয়াছে সে কখনও প্রিয় মদীনাকে ভুলিবে না। তাই খাঁটি ঈমানদার ব্যক্তিও পবিত্র মদীনাকে প্রাণ দিয়া ভাল-বাসিবে, আত্মজীবন উহার প্রতি ছুটিয়া আসিতে সচেষ্ট থাকিবে।

জগতের বৃক্কে বেহেশতের বাগান সোনার মদীনায়

৯৬৮। হাদীছ :-

عن أبي هريرة رضي الله تعالى عنه

عن النبي صلى الله عليه وسلم قال ما بين بيئتي ومنبري روضة من

رياض الجنة ومنبري على حوضي -

অর্থ :- আবু হোরায়রা (রাঃ) হইতে বর্ণিত আছে, নবী ছালাল্লাহ আলাইহে অসাল্লাম বলিয়াছেন, (মসজিদ সংলগ্ন) আমার গৃহ এবং (মসজিদে অবস্থিত) আমার মিন্বার এই

উভয়ের মধ্যবর্তী স্থান ও ভূখণ্ড বেহেশতের বাগান সমূহ হইতে একটি বাগান এবং আমার এই মিন্দার (হাশরের নয়দানে) আমার হাওজে-কাওসানের কিনারায় স্থাপিত হইবে ।

● আবুল্লাহ ইবনে মাসুদ মায়নী (রাঃ) বর্ণিত ৬৩২ নম্বরে অনূদিত হাদীছখানাও ঠিক এই মর্মেই বর্ণিত হইয়াছে ।

পাঠক ! আল্লাহ তায়ালার লাখ লাখ শোকর—আলোচ্য হাদীছে বর্ণিত বিশিষ্ট মোবারক স্থানে বসিয়াই হাদীছ খানার তরজমা ও অনুবাদ করা হইল ।

যেই সর্বশক্তিমান আল্লাহ তায়ালার কা'না শরীফে অবস্থিত হজুরে-আসওয়াদ পাথরখানা বেহেশত হইতে পাঠাইয়াছেন ; তিনি স্বীয় মাহবুবের মসজিদে বেহেশতের উল্লেখ হইতে একটি ব'ণ্ড আনিয়া দিবেন ইহাতে দৈচিত্রের কি আছে ?

স্বীয় অকিঞ্চিৎকর জ্ঞান, বুদ্ধি, দৃষ্টি ও অনুভবশক্তির সঙ্গীর্ণতা স্মরণ রাখিয়া আল্লাহর অসীম কুদরতের প্রতি লক্ষ্য করতঃ সুযোগ প্রাপ্তে প্রাণ ভরিয়া বেহেশতের বাগানের স্বাদ গ্রহণ করিবে—সঙ্গীর্ণতার বেষ্টনীতে আবদ্ধ থাকিবে না ।

হে আল্লাহ পাক-পরওয়ারদেগার ! আমি নরাদমকে ক্ষণস্থায়ী ছনিয়াতে তুমি স্বীয় কৃপাবলে তোমার মাহবুবের জন্ত প্রেরিত বেহেশতের বাগানে প্রবেশের সুযোগ দান করিয়াছ, চিরস্থায়ী আখেরাতেও তুমি তোমার অসীম কৃপাবলেই বেহেশতের মধ্যে স্থান দান করিও । তোমার কৃপা ভিন্ন নরাদমের আর কোন অছিলি নাই । হে খোদা ! তোমার প্রেরিত বেহেশতের বাগানে তোমার প্রিয় নবীর দরবারে বসিয়া তোমার নিকট আমার এই আরজ তোমার প্রিয় নবী ছালাল্লাছ আলাইহে অসাল্লামের অছিলায় কবুল কর—আমীন !

স্থূল ও বাহ্যিক পারিপাশিকতায় আবদ্ধ দৃষ্টি, ভাবধারা ও অনুভবশক্তি যদি এই বেহেশতের বাগানকে বাস্তবরূপে উপলব্ধি করিয়া লইতে সক্ষম না হয় তবে দৃঢ়রূপে এতটুকু বিশ্বাস ত নিশ্চয় রাখিবে যে, এই স্থানে এবাদত-বন্দেগী বেহেশতের বিশেষ স্থান ও বাগান লাভে এতই শক্তিমান সহায়ক যে, রসুলুল্লাহ (দঃ) এই স্থানকে বেহেশতের বাগান নামে আখ্যায়িত করিয়াছেন । তাই সুযোগ প্রাপ্তে ঐ স্থানে অধিক এবাদৎ করিতে যথাসাধ্য চেষ্টার ক্রটি করিবে না ।

বিশেষ দ্রষ্টব্য :—রসুলুল্লাহ ছালাল্লাছ আলাইহে অসাল্লাম মক্কা হইতে হিজরত করতঃ মদীনায়া পৌছিয়া প্রথমে মদীনায়া সংলগ্ন “কোবা” নামক স্থানে অবতরণ করিলেন এবং তথায় চৌদ্দ দিন অবস্থান করার পর খাস মদীনায়া আসিবার মনস্থ করিলেন । হযরত রসুলুল্লাহ ছালাল্লাছ আলাইহে অসাল্লামের দাদার মাতুল বংশ বনী-নাজ্জার গোত্রের লোকগণ জাঁকজমকপূর্ণ অভ্যর্থনার সহিত হযরত (দঃ)কে কোবা হইতে মদীনায়া লইয়া

আসিলেন। প্রত্যেকের প্রাণেই হযরত রসুলুল্লাহ ছালাল্লাহু আলাইহে অসাল্লামকে নিজ নিজ বাড়ীতে লইয়া যাওয়ার জন্ত আকাঙ্ক্ষার ঢেউ পেলিতেছিল। কিন্তু হযরত (দঃ) সকলকে জানাইয়া দিলেন যে, আমার যানবাহন উটের প্রতি আল্লার আদেশ আছে— আল্লার মজ্বি সেই স্থানে সেই স্থানেই সে বসিবে। অবলীলাক্রমে হযরত রসুলুল্লাহ ছালাল্লাহু আলাইহে অসাল্লামের উট আবু আইয়ুব আনছারী রাজিয়াল্লাহু তায়ালা আনছর বাড়ীর সম্মুখে পৌঁছিয়া বসিয়া পড়িল। হযরত (দঃ) সেই বাড়ীতে অবতরণ করিলেন, অতঃপর মসজিদ তৈরীর ব্যবস্থা করিলেন। আবু আইয়ুব আনছারী রাজিয়াল্লাহু তায়ালা আনছর বাড়ী সংলগ্ন নাজ্জার গোত্রীয় লোকদের একটি খেজুর বাগান মসজিদের স্থানরূপে নির্বাচন করিলেন। তথায় মসজিদ তৈরী হইল। অতঃপর হযরত রসুলুল্লাহ ছালাল্লাহু আলাইহে অসাল্লামের আবাস গৃহও মসজিদ সংলগ্ন স্থানেই তৈরী হয় এবং সেই আবাস গৃহেই আয়েশা রাজিয়াল্লাহু তায়ালা আনছর বশের মধ্যে ইহজগতের নির্দিষ্ট জীবনকালের শেষ দিনগুলি নবী (দঃ) অতিবাহিত করেন এবং তথায়ই সমাহিত হইয়া জীবিত অবস্থায়ই এখনও তথায় বাস করিতেছেন। (ছালাল্লাহু তায়ালা আলাইহে ওয়া-আলা আলিহী ওয়া-আছহাবিহী ওয়া-বারাক্বা অসাল্লাম)।

উক্ত আবাসগৃহ এবং মসজিদে অবস্থিত মিন্বারের মধ্যবর্তী স্থান সম্পর্কেই আলোচ্য হাদীছটি। ঐ স্থানটি বেহেশতের বাগান-খণ্ড হওয়া আল্লাহ তায়ালা বিশেষ কুদরতের লীলা। আমাদের জ্ঞান, বোধশক্তি এবং দৃষ্টিশক্তি জ্ঞতি নগণ্য ও নেহাৎ সীমাবদ্ধ।

নবীজীর (দঃ) অবতরণ-স্থান—আবু আইয়ুব আনছারী রাজিয়াল্লাহু তায়ালা আনছর বাড়ী কিছুক্ষণ পূর্বে জেয়ারত করিয়া আসিলাম। নবী ছালাল্লাহু আলাইহে অসাল্লামের আবাসগৃহ সম্মিলিত বর্তমান মসজিদে-নবীর পূর্ব-দক্ষিণ কোণ বরাবর রাস্তার অপর পারে; বর্তমানে তথায় তিনতলা দালান রহিয়াছে।

হযরত রসুলুল্লাহ ছালাল্লাহু আলাইহে অসাল্লামের মিন্বার ঝাউ কাঠের তৈরী ছিল। কালক্রমে উহার বিলুপ্তি ঘটিয়াছে; যেরূপ মানবদেহের বিলুপ্তি ঘটে। পরকালে মানবদের শ্রায় উক্ত মিন্বারও পুনরুত্থানরূপে হাওজে-কাওছারের ফুলে স্থাপিত হইবে এবং হযরত (দঃ) উহার উপর উপবেশন পূর্বক হাওজে-কাওছারের পানি পান করাইবেন। আলোচ্য হাদীছের শেষাংশের মর্ম ইহাই।

মদীনার প্রতি ভালবাসা ও অনুরাগ

১৬৯। হাদীছ :- আয়েশা (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম (তাঁহার সঙ্গীণ সহ) মদীনার আসিলে পর আবু বকর (রাঃ) এবং বেলাল (রাঃ) জরাজ্ঞাস্ত হইয়া পড়িলেন। আবু বকর রাজিয়াল্লাহু তায়ালা আনছর জ্বরের উত্তাপ যখন অধিক হইত তখন তিনি এই দয়োগ্রহণ করিতেন—

كُلُّ امْرِئٍ مُّصَبِّحٌ فِيْ اَهْلِهِ — وَالْمَوْتُ اَدْنٰى مِنْ شِرَاكِ نَعْلِكَ

“প্রত্যেক নাহয়ই স্রী স্রী-পূত্রবর্গের মধ্যে থাকিয়া আনন্দ উপভোগে লিপ্ত থাকে, অথচ মৃত্যু তাহার নিকটবর্তী—অতি নিকটবর্তী।”

বেলাল রাজ্জিয়ারাহ্ তায়ালা আনছ ছর উপশমে এই নয়ত দুইটি বলিতেন—

اَلَا لَيْتَ شِعْرِيْ هَلْ اَبِيْتَنِّ لَيْلَةً — بَوَادٍ وَحَوْلِيْ اِذْ خِرُّوْا وَجَلِيْلٍ

وَ هَلْ اُرْدَنَ يَوْمًا مِّبَاةَ مَجْنَّةٍ — وَ هَلْ يَبْدُوْنَ لِيْ شَا مَةً وَ طَغِيْلٍ

অর্থাৎ—তিনি মক্কা নগরীর দুই প্রকার তৃণ-লতার নাম উল্লেখ করিয়া অনুতাপের সহিত বলিতেছেন, হায়! পুনরায় এই সব তৃণ-লতার মধ্যে অবস্থানের সুযোগ পাইব কি? এবং মক্কা নগরীর একটি ঝর্ণা বা কূপের নাম উল্লেখ করিয়া বলিতেছেন, ঐ ঝর্ণার পানি পুনঃ পান করিবার সুযোগ পাইব কি? এবং মক্কার নিকটবর্তী দুইটি পাহাড়ের নাম উল্লেখ করিয়া বলিতেছেন, পুনরায় উহা আমার নয়নে দেখিতে পাইব কি?

(মক্কা নগরীর নিচ্ছেদে বেলালের এই ব্যথা ও অশাস্তির ভাব লক্ষ্য করতঃ) হযরত রসুলুল্লাহ্ ছালায়াহ্ আলাইহে অসালাম মক্কা হইতে বিতাড়িত হওয়ার অন্ততম হইয়া বিতাড়নের ভূমিকায় অগ্রণী মক্কার কতিপয় ছুই কাফেরের নাম উল্লেখ পূর্বক অভিশাপ করিলেন—হে আল্লাহ! শায়বা ইবনে রবিয়া, ওতবা ইবনে রবিয়া এবং উমাইয়া ইবনে খলফ—তাহারা আমাদের নাতুভূমি হইতে আনাদিপকে বিতাড়িত করিয়া স্বরের মহামারীর দেশে আসিতে বাধ্য করিয়াছে, তুমি তাহাদের প্রতি লানৎ ও অভিশাপ বর্ষণ কর।

অতঃপর হযরত রসুলুল্লাহ্ ছালায়াহ্ আলাইহে অসালাম দোয়া করিলেন—

اَللّٰهُمَّ حَبِيْبِ اَلْبَيْتِ الْمَدِيْنَةِ كَحَبِيْبِنَا مَكَّةَ اَوْ اَشَدَّ اَللّٰهُمَّ بَارِكْ لَنَا فِيْ مَا عِنَّا وَفِيْ مَدَنَانَا وَصَحْحَهَا لَنَا وَانْقُلْ حُمَاهَا اِلَى الْجَهَنَّمَ .

“হে আল্লাহ! আমাদের অন্তরে মদীনার প্রীতি ও মহকত সৃষ্টি করিয়া দাও, যেসকল প্রীতি ও মহকত মক্কা নগরীর প্রতি ছিল, বরং আরও অধিক। হে আল্লাহ! আমাদের (মদীনার) উৎপন্ন দ্রব্যের মধ্যে বরকত দান কর এবং মদীনা নগরীকে স্বাস্থ্যকর স্থান করিয়া দাও এবং স্বরের মহামারী মদীনা হইতে স্থানান্তরিত করিয়া (মদীনার দূরে) জোহফা (নাসীয়) বস্তুতে পাঠাইয়া দাও।”

আয়েশা (রাঃ) বলেন, প্রথম যখন মোসলমানগণ মদীনার আসিয়াছিলেন তখন মদীনা ছর ইত্যাদি রোগের মহামারীর স্থান ছিল। কারণ উহার সংলগ্ন “বোতহান” এলাকার পানি দূষিত ছিল, মদীনার আবহাওয়াও দূষিত থাকিত।

পাঠকবর্গ! আল্লাহ তায়ালা মদীনার প্রতি স্নীয় প্রিয় নবী ছালাল্লাহু আলাইহে অসাল্লামের দোরাসমূহ অক্ষরে অক্ষরে ক্রমে পূর্ণ করিয়া দিয়া মদীনাকে সোনার মদীনা পবিত্র করিয়াছেন তাহা চোখে দেখিবার ও ব্যবহারে অনুভব করিবার বস্তু, মুখে বা কাগজে কলমে বুঝাইবার বস্তু নহে।

আল্লাহ তায়ালা লাখ লাখ শোকর যে, তিনি এই নরাক্ষকে অত্র নিয়ম বস্তু লেখাকালীন তৃতীয়বার সোনার মদীনায় হাজির হইয়া রসুলুল্লাহ ছালাল্লাহু আলাইহে অসাল্লামের দোরাস কলাফল নয়ন জুড়াইয়া দেখিবার এবং প্রাণ ভরিয়া খাইবার ও অনুভব করিবার সুযোগ দান করিয়াছেন। সবকিছু স্বচক্ষে দেখিয়া এবং স্বজ্ঞানে অনুভব করিয়াই সামান্য ইঙ্গিত স্বরূপ ইহা লিখিলাম।

৯৭০। হাদীছ :- উম্মুল-মোমেনীন হাফ্ছা (রাঃ) বর্ণনা করিয়াছেন, তাঁহার পিতা খলীফা ওমর (রাঃ) এই দোওয়া করিয়া থাকিতেন—

اَللّٰهُمَّ ارْزُقْنِيْ شَهِادَةً فِىْ سَبِيْلِكَ وَاجْعَلْ مَوْتِيْ نِيْ بِبَدْرِ رَسُوْلِكَ
(صَلَّى اللّٰهُ تَعَالَى عَلَيْهِ وَسَلَّمَ -)

উচ্চারণ :— আল্লাহ্ম্মার-মুকনী শাহাদাতান ফী-ছাবীলেকা, ওয়াজ্-আল মোতী ফী বাদাদে রাসুলেকা (ছালাল্লাহু আলাইহে অসাল্লাম।)

অর্থ—হে আল্লাহ! তোমার রাস্তায় শহীদ হওয়ার সুযোগ আমাকে দান কর এবং আমার মৃত্যু তোমার রসুল ছালাল্লাহু আলাইহে অসাল্লামের শহরে (পবিত্র মদীনায়) অচ্যুত কর।

ব্যাখ্যা :- জাউফ ইবনে মালেক নামক এক বিশিষ্ট ব্যক্তি একদা স্বপ্নে দেখিতে পাইলেন, ওমর রাজিয়াল্লাহু তায়ালা আনহুকে শহীদ করা হইয়াছে এবং তিনি শাহাদৎ বরণ করিয়াছেন। এই স্বপ্ন ওমর রাজিয়াল্লাহু তায়ালা আনহুর নিকট ব্যক্ত করা হইলে পর প্রথমে তিনি আশ্চর্যম্বিত হইয়া নৈরাশ্ব স্বরে বলিয়া উঠিলেন, শাহাদতের সুযোগ আমি ক্রমে পাইতে পারি? (বর্তমান বিশ্ব-বিজয়ী মোসলেম জাতির সর্বশক্তি-কেন্দ্র) আরব দেশের মধ্যে আমি (খলীফাতুল-মোসলেমীনরূপে) অবস্থান করিতেছি। আমি (বর্তমানে) কোথাও যুদ্ধ-জেরাহাদে যাই না, সর্বদা মোসলেম জাহানের বেঠনীর ভিতর অবস্থান করিতেছি। অতঃপর তিনি এই উক্তির বিপরীত বলিলেন, হাঁ হাঁ—আল্লাহ তায়ালা ইচ্ছা করিলে এই অবস্থায়ও আমার শাহাদৎ ঘটাইতে পারেন। এই ঘটনার পর হইতেই তিনি উক্ত দোয়া করিয়া থাকিতেন।

মনে হয়—ওমর রাজিয়াল্লাহু তায়ালা আনহুর দৃষ্টিতে শাহাদৎ নহীব হওয়ার সুসংবাদের আনন্দকে এই আশঙ্কা মলিন ও ঘোলাটে করিয়া দিয়াছিল যে, হয়! প্রাণের প্রিয়

সোনার মদীনার বাহিরে মৃত্যু বরণ করিতে হয় না—কি? কারণ মোসলেম জাহানের রাজধানী মদীনা—যেখানে সর্বশক্তি মোসলমানদেরই। এমন স্থানে ওমর রাজিরাল্লাহ্ তায়ালা আনছর ছায় খলিফাতুল-মোসলেমীনের শহীদ হওয়ার কোন ব্যবস্থা সম্ভবের আয়ত্বে দেখা যাইতেছিল না, তাই তিনি আতঙ্কিত। শাহাদতের মর্তবা অতি বড় অতি উচ্চ বটে, কিন্তু স্বপ্নে প্রদত্ত এত বড় মর্তবার সুসংবাদেও ওমর (রাঃ) প্রাণের প্রিয় সোনার মদীনায় মৃত্যু নছীব হওয়ার মর্তবা ও স্বাদকে ভুলিতে পারিতেছিলেন না। উভয় নেয়ামতই আল্লাহ্ তায়ালায় বড় দান, তাই তিনি সর্বশক্তিমান মাবুদের দরবারে উভয় নেয়ামত লাভ করার জন্ত দরখাস্ত পেশ করা আরম্ভ করিলেন। আল্লাহ্ তায়ালা সর্বশক্তিমান; তাঁহার রহস্যের অস্ত নাই, তিনি ওমরের ছায় প্রিয় বান্দাকে বিমুগ্ধ করিবেন কেন।

ওমর রাজিরাল্লাহ্ তায়ালা আনছর ইতিহাস সকলেই জ্ঞাত-আছেন যে, তিনি পবিত্র মদীনায় হযরত রসুলুল্লাহ্ ছাল্লাল্লাহু আলাইহে অসাল্লামের মসজিদের ভিতরে মেহরাবের মধ্যে নানানদৃশ্য শাহাদৎ লাভ করিয়াছিলেন এবং স্বীয় মাহবুব হযরত রসুলুল্লাহ্ ছাল্লাল্লাহু আলাইহে অসাল্লামের আরাম-কক্ষে স্থান লাভ করিয়া স্বীয় মনোবাঞ্ছা পূর্ণ হওয়ার সুযোগ লাভ করিয়াছিলেন।

السلام عليك يا سيدنا محمد بن الخطاب - السلام عليك يا شهيد المحراب -
السلام عليك يا خليفة رسول الله - السلام عليك يا مهنبي الله المطفى
صلى الله تعالى عليه وسلم رضى الله تعالى عنك وارضاك وجعل
الجنة مثواك -

“হে আমাদের সম্মানিত মহামনীষী ওমর ইবনুল খাত্তাব! আপনার প্রতি সালাম; হে হযরত রসুলুল্লাহ্ ছাল্লাল্লাহু আলাইহে অসাল্লামের মসজিদের মেহরাবে শাহাদৎ বরণকারী! আপনার প্রতি সালাম; হে রসুলুল্লাহ্ ছাল্লাল্লাহু আলাইহে অসাল্লামের খলীফা—স্থলাভিষিক্ত! আপনার প্রতি সালাম।

হে নবী ছাল্লাল্লাহু আলাইহে অসাল্লামের স্বস্তর! আপনার প্রতি সালাম! আল্লাহ্ তায়ালা আপনার প্রতি সন্তুষ্ট থাকুন এবং আপনাকে সন্তুষ্ট করুন; আর আপনার স্থান বেহেশতের মধ্যে প্রতিষ্ঠা করুন—আমীন!*

* আলোচ্য বিদ্যুটি ওমর রাজিরাল্লাহ্ তায়ালা আনছর পবিত্র কবর শরীফের নিকটবর্তী স্থানে বসিয়া দেখা হইল, তাই সেই আত্মপাতিক আদব ও রীতি অধুসারেই তাঁহার প্রতি সালাম দিওয়া দেওয়া হইল।

পাঠকবর্গ! ওমর (রাঃ) যে আকাঙ্ক্ষা পোষণ করিয়া থাকিতেন এবং যে দোয়া তিনি করিয়া থাকিতেন; ছাহাবা, তাবেরীন, তাবয়ে-তাবেয়ীন ও আওলিয়া কেয়ামতের মধ্যে বহু মহামনীষী এই আকাঙ্ক্ষা ও দোয়া করিয়া গিয়াছেন।

আমি নরাদম আল্লাহ তায়ালায় হাবীবের মসজিদে বিশিষ্ট স্থান—বেহেশতের বাগানে বসিয়া আল্লাহর দরবারে এই দোয়া করিতেছি—হে আল্লাহ! তুমি আমাকে তোমার রাস্তায় শাহাদৎ ও পবিত্র মদীনায় মৃত্যু দান কর এবং পবিত্র জায়াতুল-বাকির মধ্যে আমাকে দাফন হওয়ার সৌভাগ্য দান কর। হে আল্লাহ! তোমার প্রিয় নবী হযরত রসুলুল্লাহ ছাল্লাল্লাহু আলাইহে অসাল্লামের অছিলায় আমি নরাদমের এই আরাধনা কবুল কর—আমীন! ✕

مَنْ كُنَّ فِي قَلْبِي غُرْسَتْ بِطَيْبَةٍ — فَيَأْسُقِي بِدَمْعٍ وَالدَّمَاءِ لَتَجْتَدِي

অন্তরে বহু আশা-আকাঙ্ক্ষার বীজ ছিল—উহা পবিত্র মদীনায় বপন করিয়াছি। এখন চোখের পানি এবং রক্ত-অশ্রু দ্বারা উহার সিঞ্জন করিল যেন উহাতে ফল আসে।

وَهَلْ لَدَدَّةٌ لِي فِي الدُّنْيَا وَنَعِيمِهَا — إِذَا أَنَا مِنْ مَدِينَةِ سَيِّدِي

ছনিয়া এবং ছনিয়ার সামগ্রী-সস্তার কি আমার নিকট স্বাদময় হইতে পারে—যখন আমি আমার মহানের মদীনা হইতে দূরে থাকি?

تَمَنَيْتُ مِنْ رَبِّي جِوَارَ مَدِينَةٍ — فَيَأْتِيَتُ لِي فِيهَا ذِرَاعٌ لِمَرْقَدِي

মদীনার আশ্রয়ই আমি আমার পরওয়ারদেগারের নিকট বিশেষভাবে কামনা করিয়াছি। হায় ...! আমার কবরের জগ্ন মদীনার মধ্যে এক হাত জায়গা আমার ভাগ্যে ছুটিবে কি?

رَجَائِي بِرَبِّي أَنْ أَمُوتَ بِبَيْبَةِ — فَارْقُدَ فِي ظِلِّ الْكَبِيبِ وَأُخْشِرَ

আমার প্রভুর দরবারে আমার আকাঙ্ক্ষা এই যে, আমার মৃত্যু যেন মদীনায়-তায়োবায় হয়; তাহা হইলে আমি প্রাণ-প্রিয় হাবীবের ছায়ায় চিরনিজা যাইতে পারিব এবং তাঁহারই ছায়ায় হাশরে যাইতে পারিব।

إِلٰهِي عَلَىٰ بَابِ الْكَبِيبِ رَجَوْتُهُ — فَهَلْ أَنْتَ تُعْطِينِيهِ حَتْمًا مُقَدَّرًا

হে আমার মাবুদ! হাবীবের দরওয়াজায় অর্থাৎ তাঁহার মসজিদে তাঁহার রওজা পাকের নিকটে থাকিয়া তোমার দরবারে এই আকাঙ্ক্ষা রাখিলাম; তুমি নিশ্চিতরূপে আমার এই আকাঙ্ক্ষার বাস্তবায়ন আমার ভাগ্যে রাখিবা ত?

একাদশ অধ্যায়

রোযা

রমজান শরীফের রোযা করজ

আল্লাহ তায়ালা কোরআন শরীফে করমাইয়াছেন—

يَا أَيُّهَا الَّذِينَ آمَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ
مِن قَبْلِكُمْ لَعَلَّكُمْ تَتَّقُونَ -

অর্থ--হে মোসেনগণ! তোমাদের উপর রোযা করজ করা হইয়াছে, যেরূপ তোমাদের পূর্ববর্তীদের উপর করজ করা হইয়াছিল। রোযা করজ করার উদ্দেশ্য এই যে, তোমরা যেন মোস্তাকী—খোদাতীক ও সংযমী হইতে পার।

৯৭১। হাদীছ :-আবহুলাহ ইবনে ওমর (রা:) হইতে বর্ণিত আছে, নবী ছালাল্লাহ আলাইহে অসাল্লাম (১০ই মহরর—) আশুরার দিনের রোযা নিজে রাখিয়াছেন এবং উক্ত রোযা রাখিবার আদেশও করিয়াছেন; (সে মতে উহা করজ ছিল।) অতঃপর যখন রমজানের রোযা করজ করা হইল তখন আশুরার রোযা করজ হওয়া পরিত্যক্ত হইল।

এই বিষয়ে আয়েশা (রা:) বর্ণিত হাদীছ ৮২৯ নম্বরে অহুদিত হইয়াছে।

রোযার ফজীলত

৯৭২। হাদীছ :-
عن أبي هريرة رضى الله تعالى عنه
قال رسول الله صلى الله عليه وسلم الصيام جنة فلا يرفث ولا يجهل
وإن امرؤ قاتله أو شاتمه فليقل إنى صائم مرتين والذي نفسى
بيده لخلوف فم الصائم أطيب عند الله تعالى من ريح المسك
يترك طعامه وشرابه وشهوته من أجلي الصيام لى وأنا أجرى به
والحسنة بعشر أمثالها .

অর্থ—আবু হোরায়ারা (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম ফরমাইয়াছেন, রোযা (দোজখের আছাব হইতে বাঁচাইবার পক্ষে) ঢাল স্বরূপ। (ঢাল ছর্বল হইলে শত্রুর আক্রমণ হইতে জীবন রক্ষা করা কর্তন। অতএব প্রত্যেক মোমেনের কর্তব্য, যে সব কারণে রোযা ছর্বল হয় তাহা হইতে বিরত থাকা।) সুতরাং রোযাদার ব্যক্তি গালি-গাঁবত ইত্যাদি কোন খারাপ কথা মুখে উচ্চারণ করা হইতে বা কোন খারাপ কাজ করা হইতে বিশেষরূপে বিরত থাকিবে। যদি কোন ব্যক্তি তাহার সহিত ঝগড়া-বিবাদ বা গালাগালি করে তবে (তাহার কর্তব্য হইবে—কোন প্রকার প্রতিউত্তর না করিয়া নিজেই পূর্ণ সংশয়ী রাখিবে এই ভাবিয়া যে, আমি রোযাদার আসি এরূপ কার্য বা কথার প্রতিউত্তর করিতে পারি না; আনশুক বোধে ঐ ব্যক্তিকে ক্ষান্ত করিবার জন্ত মুখেও ইহা) প্রকাশ করিয়া দিবে যে, আমি রোযাদার (আমি ঝগড়ার লিপ্ত হইব না। প্রয়োজন হইলে একাধিকবার এইরূপ বলিবে। রসুলুল্লাহ (সঃ) আরও বলেন—যেই আল্লাহ হাতে আমার প্রাণ সেই আল্লাহ শপথ করিয়া বলিতেছি, রোযাদার ব্যক্তি না খাইয়া থাকার দরূণ তাহার মুখে যে বিকৃত গন্ধ সৃষ্টি হয় (মূল্য ও প্রতিদানের দিক দিয়া) উহা আল্লাহ তায়ালার নিকট মেশক ও কল্লুর মত সুগন্ধি অপেক্ষা উত্তম গণ্য হইবে।

(রোযাদারের প্রতি সন্তুষ্টি প্রকাশ ও তাহার প্রশংসা স্বরূপ আল্লাহ তায়ালার বলিয়া থাকেন—এই বন্দা) আমার আদেশ পালনার্থে ও আমার সন্তুষ্টি লাভের আশায় স্বীয় খাল, পানীয় ও কাম-স্পৃহা পরিত্যাগ করিয়াছে। সে মতে রোযা খাছ আমার জন্ত—আমার উদ্দেশ্যে। সুতরাং আমিই (আমার মনঃপূত ও মনোমত) উহার যথোপযুক্ত প্রতিদান দিব।

নেক আমলের প্রতিফল দানে সাধারণ নিয়ম এই রাখা হইয়াছে যে, দশগুণ (হইতে সত্তর গুণ পর্য্যন্ত) দেওয়া হইয়া থাকে। (কিন্তু রোযার প্রতিদানের জন্ত নির্দিষ্ট সংখ্যার নিয়ম রাখা হয় নাই; রোযার জন্ত রহিয়াছে আল্লাহ তায়ালার এই ঘোষণা, রোযা আমার জন্ত; উহার প্রতিদান আমিই দিব।)

ব্যাখ্যা ৩:—রোযাদার ব্যক্তির মুখের বিকৃত গন্ধের বিষয় যাহা বলা হইয়াছে, উহার তাৎপর্য্য এই যে, ছুনিয়াতে রোযার দ্বারা মুখকে ছর্গন্ধমুক্ত করার কলে বেহেশতে মেশকের খোশবুর চেয়েও উত্তম এবং অধিক মূল্যবান সুগন্ধ রোযাদারের মুখে দান করা হইবে।

রোযার বিষয় আল্লাহ তায়ালার যাহা বলিয়া থাকেন উহার প্রথম বাক্যটি হইল ‘রোযা আমার জন্ত’। ইহার তাৎপর্য্য এই যে—যদিও প্রকৃত প্রস্তাবে সমুদয় এবাদতই আল্লাহ তায়ালার জন্ত তাঁহারই সন্তুষ্টি লাভের উদ্দেশ্যে হইয়া থাকে, কিন্তু রোযা এবং অছাখ এবাদতের মধ্যে একটি বিশেষ পার্থক্য রহিয়াছে। তাহা এই—অছাখ এবাদত

সমূহের ক্রিয়া-কলাপ আকার-আকৃতি ও নিয়ম-পদ্ধতি এইরূপ যে, মুখে প্রকাশ না করিয়াও উহার মধ্যে রিয়া তথা লোকদেখানো ভাব সৃষ্টি হইতে পারে এবং অনেক সময় আবেদ তথা এবাদতকারীর অন্তরে, তাহার অন্তঃকৃতির অন্তরালে ঐ ভাবটি লুকাইয়া থাকে। সে উহা অনুভব করিতে না পারিলেও অন্ততঃ উহা তাহার ভিতরে থাকে, যদ্বারা তাহার নফছ এক প্রকার স্বাদও গ্রহণ করিয়া থাকে। পক্ষান্তরে রোযা এমন পদ্ধতির এবাদত যে, রোযাদার ব্যক্তি নিজ মুখে প্রকাশ না করিলে সাধারণতঃ উহা একমাত্র অন্তর্ভাগী আল্লাহ তায়াল্লা ব্যতীত লোক-সম্মুখে প্রকাশিত হওয়ার মত নহে। তাই রোযার মধ্যে আল্লাহ সন্তুষ্টি ব্যতীত নফছের আশ্বাদক হওয়ার সুযোগ উহার আকার-আকৃতি ও নিয়ম-পদ্ধতির মধ্যে নাই। তবে কোন বদ-নছীব যদি মুখে গাহিয়া স্বাদ লাভ করিতে চায় তবে সে কথা স্বতন্ত্র। এই পার্থক্যটির প্রতিই এক হাদীছের বর্ণনায় স্পষ্টরূপে ইঙ্গিত দেওয়া হইয়াছে—

كل عمل ابن آدم له الا الصيام فانه لى وانا اجزى به

“প্রত্যেক এবাদতই এবাদতকারী ব্যক্তির জন্ত। (অর্থাৎ প্রত্যেক এবাদতই এইরূপ নিয়ম-পদ্ধতি আকার-আকৃতির যে আল্লাহ সন্তুষ্টি লাভের উদ্দেশ্য ছাড়াও এবাদতকারীর নফছের আশ্বাদক হওয়ার সুযোগ উহাতে বিদ্যমান রহিয়াছে।) পক্ষান্তরে রোযা—উহা একমাত্র আমার জন্ত। (অর্থাৎ রোযার নিয়ম-পদ্ধতি আকার-আকৃতি এরূপ যে, আল্লাহ সন্তুষ্টি লাভের উদ্দেশ্য ছাড়া এবাদতকারী রোযাদারের নফছের আশ্বাদক হওয়ার সুযোগ উহাতে নাই।)

এতদ্ভিন্ন রোযা হইল—খাদ্য, পানীয় ও রতিক্রিয়া হইতে বিরত থাকা; তথা না-করণ কার্য যাহা অদৃশ্য জামল। গোপনে পানাহার বা কামম্প্হা চরিতার্থ করিলে তাহা অজ্ঞ লোকে জানিতে পারে না, সুতরাং মানবীয় প্রেরণার অতি লোভনীয় বস্তু পানাহার ও কামম্প্হাকে চরিতার্থের লোভকে খাটীভাবে সংবরণ করার কষ্ট-সহিষ্ণুতা একমাত্র আল্লাহ প্রতি প্রগাঢ় ভক্তি আসক্তি ব্যতিরেকে কেউ স্বীকার করিতে পারে না। অতএব আল্লাহ বলেন, রোযা একমাত্র আমার জন্ত—অর্থাৎ বস্তুতঃ রোযা খাছভাবে আমার ভক্তি ও আসক্তিতেই সম্পন্ন হইয়া থাকে।

দ্বিতীয় বাক্যটি হইল “উহার প্রতিদান আমিই দান করিব”। ইহার তাৎপর্য এই যে, যদিও সমস্ত এবাদতের প্রতিদানই একমাত্র আল্লাহ তায়াল্লাই দান করিবেন; তিনিই “مالك يوم الدين—প্রতিফল দান দিবসের একচ্ছত্র মালিক”; এবং সর্বক্ষেত্রেই কর্ম অনুপাতে প্রতিফল বহুগুণে বেশী দেওয়া হইবে। কিন্তু প্রত্যেক নেক কার্যের প্রতিফল দানের ব্যাপারেই কর্ম ও কর্মফল উভয়ের মধ্যে আনুপাতিক হিসাব ও নিয়মের একটি

ধারা স্বয়ং আল্লাহ তায়ালাই প্রবর্তন করিয়া রাখিয়াছেন এবং তাহা স্বীয় বাণী ও রসুলের মারফত ব্যক্তও করিয়া দিয়াছেন যে, প্রতি নেক কাজে দশগুণ হইতে সাত শত গুণ পর্য্যন্ত বা ততোধিক গুণ নেকী ও তাহার প্রতিকূল দেওয়া হইবে।

রোযার প্রতি আল্লাহ তায়ালা স্বীয় আদর, প্রীতি ও অনুরাগ প্রকাশার্থে ঘোষণা করেন যে, উহার প্রতিদান আমি দয়ালু অফুরন্ত খাজানার মালিক নিজ ইচ্ছা, আউরুটি ও তৃপ্তি পরিমাণ মনঃপূত ও মনোমতরূপে দান করিব—বাহার মধ্যে কোন নিয়ম বা আত্মপাতিক হিসাবের সীমাবদ্ধতা থাকিবে না। কি দিব? কত দিব? তাহা আমিই জানি।

● আলোচ্য হাদীছ দ্বারা ইমান বোখারী (রাঃ) একটি পরিচ্ছেদ উল্লেখ করিয়াছেন যে, ঝগড়া-বিবাদ বারণ করা ইত্যাদি উত্তম উদ্দেশ্যে যদি নিজের রোযাকে অল্পের নিকট প্রকাশ করে তবে তাহা দোষগীর্ণ নহে। (২৫৫ পৃঃ)

৯৭৩। হাদীছঃ—

عن سهل رضى الله تعالى عنه

عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ إِنَّ فِي الْجَنَّةِ بَابًا يُقَالُ لَهُ الرَّيَّانُ يَدْخُلُ مِنْهُ الْمُؤْمِنُونَ يَوْمَ الْقِيَامَةِ لَا يَدْخُلُ مِنْهُ أَحَدٌ غَيْرُهُمْ يُقَالُ أَيْنَ الْمُؤْمِنُونَ فَيَقُولُونَ لَا يَدْخُلُ مِنْهُ أَحَدٌ غَيْرُهُمْ فَيَا ذَا دَخَلُوا أُغْلِقْ فَلَمْ يَدْخُلْ مِنْهُ أَحَدٌ .

অর্থ—সাহল (রাঃ) হইতে বর্ণিত আছে, নবী ছালাল্লাছ আলাইহে অসাল্লাম বলিয়াছেন, (বিভিন্ন বেহেশত এবং সেই) বেহেশতের (বিভিন্ন প্রবেশ দ্বার ও ফটক সমূহের মধ্যে প্রত্যেকটিই বিশেষ বিশেষ নামে অভিহিত) একটি ফটকের (এবং উহার এলাকাস্থ বেহেশতটির) নাম হইল “রাইয়্যান”। পরকালে সেই ফটক দ্বারা একমাত্র ঐ মোমেনগণ প্রবেশ করিতে পারিবে যাহারা (ত্বনিয়াতে) রোযার অভ্যস্ত ও অনুরাগী ছিলেন।* অল্প কেহ ঐ ফটকে প্রবেশ করিতে পারিবে না। রোযাদারগণকে বিশেষরূপে আহ্বান করা হইবে এবং তাহারা (সেই ফটকের প্রতি) অগ্রসর হইবেন, অল্প কেহ উহাতে প্রবেশ করিতে পারিবে না। রোযাদারগণ উহাতে প্রবেশ করার পর উহাকে বন্ধ করিয়া দেওয়া হইবে; অল্প কেহই উহাতে প্রবেশ করিতে পারিবে না।

* “রাইয়্যান” শব্দের আভিধানিক অর্থ পিপাসামুক্ত। রোযাদারগণ ক্ষুধা-তৃষ্ণা ভোগ করতঃ রোযা রাখিয়াছিল, সেই আনন্দের স্মরণে উহার প্রতিদানে স্বর্গের বাসস্থানকে এই নামে নামকরণ করা হইয়াছে।

৯৭৪। হাদীছঃ—

عن ابي هريرة رضى الله تعالى عنه

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ مَنْ أَنْفَقَ زَوْجَيْنِ فِي سَبِيلِ اللَّهِ
 نُودِيَ مِنْ أَبْوَابِ الْجَنَّةِ يَابَعِدُ اللَّهُ هَذَا خَيْرٌ. فَمَنْ كَانَ مِنْ أَهْلِ الصَّلَاةِ
 دُعِيَ مِنْ بَابِ الصَّلَاةِ. وَمَنْ كَانَ مِنْ أَهْلِ الْجِهَادِ دُعِيَ مِنْ بَابِ الْجِهَادِ.
 وَمَنْ كَانَ مِنْ أَهْلِ الْمَيْمِمْ دُعِيَ مِنْ بَابِ الرِّيَّانِ. وَمَنْ كَانَ مِنْ أَهْلِ
 الْمَدَقَةِ دُعِيَ مِنْ بَابِ الْمَدَقَةِ. فَقَالَ أَبُو بَكْرٍ رَضِيَ اللَّهُ تَعَالَى عَنْهُ بِأَبِي
 أَنْتَ وَأُمِّي يَا رَسُولَ اللَّهِ مَا عَلَى مَنْ دُعِيَ مِنْ تِلْكَ الْأَبْوَابِ مِنْ ضَرُورَةٍ
 فَهَلْ يَدْعَى أَحَدٌ مِنْ تِلْكَ الْأَبْوَابِ كُلِّهَا قَالَ نَعَمْ وَأَرْجُو أَنْ تَكُونَ مِنْهُمْ.

অর্থ—আবু হোরায়রা (রাঃ) হইতে বর্ণিত আছে, রসূলুল্লাহ ছালাল্লাহ আলাইহে অসাল্লাম করমাইয়াছেন—যে ব্যক্তি এক জোড়া জিনিস আল্লার রাস্তায় দান করিবে তাহাকে বেহেশতের যতগুলি গেট আছে প্রত্যেকটি গেট হইতে ডাকা হইবে—হে আল্লার খাছ বন্দা ! (এদিকে আসুন ;) এইটি ভাল ।

অতঃপর যাহারা আহলে-ছালাত হইবেন তথা যাহাদের নামাযের সঙ্গে বেশী মহব্বত এবং নৈশিষ্ঠা ছিল—অর্থাৎ যাহারা করজ এবাদৎ সমূহ আদায় করিয়া অতিরিক্ত নফল নামায পড়িতে বেশী ভালবাসিতেন তাঁহাদিগকে বাবোছ-ছালাত তথা নামায-গেট হইতে ডাকা হইবে । যাহারা আহলে-জেহাদ হইবেন অর্থাৎ জেহাদ বেশী ভালবাসিতেন তাঁহাদিগকে বাবোল-জেহাদ তথা জেহাদ-গেট হইতে ডাকা হইবে । যাহারা আহলে-ছিয়াম হইবেন, অর্থাৎ যাহারা অশ্রাফ এবাদৎ করজ পরিমাণ আদায় করিয়া অতিরিক্ত নফল রোযা করিতে বেশী অনুরাগী ছিলেন তাঁহাদিগকে বাবোল-রাইয়্যান তথা রাইয়্যান নামক গেট হইতে ডাকা হইবে । যাহারা আহলে-ছদকা হইবেন অর্থাৎ দান-সাহায্যকারী তাঁহাদিগকে বাবোছ-ছদকা তথা দান-গেট হইতে ডাকা হইবে ।

হযরত রসূলুল্লাহ ছালাল্লাহ আলাইহে অসাল্লামের মুখে এই বর্ণনা শ্রবণ করিয়া আবু বকর হিন্দীক রাজিয়াল্লাহ তায়ালা আনহু বলিলেন, ইয়া রসূলুল্লাহ ! একজন লোককে সমস্ত গেট হইতে ডাকা হউক, ইহার প্রয়োজন ত নাই, কিন্তু (আপনি যেরূপ বলিয়াছেন,

প্রকৃত প্রস্তাবেই কি (সেইরূপে) কোন লোককে সমুদয় গেট হইতে ডাকা হইবে? নবী ছালাল্লাহ্ আলাইহে অসাল্লাম বলিলেন, হাঁ—সেইরূপও হইবে এবং আশা করি, আপনি ঐ দলেরই একজন হইবেন।

ব্যাখ্যা ঃ—এখানে তিনটি বিষয়ের তাৎপর্য উপলব্ধি করা আবশ্যিক।

(১) আল্লাম রাস্তায় দান করার তাৎপর্য (২) এক জোড়া জিনিসের তাৎপর্য (৩) এবং নেহেশতের গেট সমূহের বিষয় উক্তি “এইটি ভাল” ইহার তাৎপর্য।

● আল্লাম রাস্তায় দান করার অর্থ আল্লাম দীন জারী করার এবং দীন ছারী রাখার যে কোন কাজে দান করা। আল্লাম দীন জারী করতে বাধা দেয় যে কাকের শক্রগণ তাহাদের সঙ্গে জেহাদ ও যুদ্ধ পরিচালনা কার্যে হউক বা আল্লাম দীন শিক্ষাদান কার্যে হউক বা মৌখিকভাবে কিম্বা লিখিত আকারে আল্লাম দীন প্রচার করার কাজে হউক। আল্লাম দীন অর্থে আল্লাম রসুল যাহা কিছু আল্লাম দাবার হইতে আনিয়া মানব জাতির মুক্তি ও মঙ্গলের জন্ম তাহাদিগকে দান করিয়াছেন—কোরআন আকারে বা হাদীছ আকারে তথা রসুলের কথা ও কার্য দ্বারা কোরআনের ব্যাখ্যা আকারে। যেহেতু দীন জারী করার মধ্যে দীনের সব শাখাই অন্তর্ভুক্ত, সুতরাং আল্লাম দীন জারী করার কাজে সাহায্যকারী ও দানকারীকে সব গেট হইতে আহ্বান করা হইবে। এবাদৎ সমূহের করত্ব পরিমাণ আদায়ের পর নফল পর্যায়ে যাহার যে প্রকার এবাদতের প্রতি মহক্বত এবং অধিক অনুরাগ ছিল তাহাকে সেই সংশ্লিষ্ট গেট হইতে আহ্বান করা হইবে।

নামানের প্রতি যাহার অধিক মহক্বত, অধিক অনুরাগ ও বৈশিষ্ট্য ছিল তাহাকে নামায়-গেট হইতে আহ্বান করা হইবে। দান-ছাখাওয়াত, খয়রাত, যাকাতের প্রতি এবং খেদমতে-খাল্ক ও পরোপকারের প্রতি যাহার অধিক অনুরাগ, মহক্বত ও বৈশিষ্ট্য ছিল তাহাকে যাকাত-গেট হইতে আহ্বান করা হইবে। রোযার প্রতি যাহার বেশী মহক্বত এবং অধিক অনুরাগ ও বৈশিষ্ট্য ছিল তাহাকে রোযার দরওয়াজা--রাইয়ান নামক গেট হইতে আহ্বান করা হইবে। জেহাদের প্রতি যাহার বেশী মহক্বত ছিল অর্থাৎ কাকেরদের বিরুদ্ধে জেহাদ করিতে যে অধিক অনুরাগী ছিল তাহাকে জেহাদ-গেট হইতে আহ্বান করা হইবে।

এইরূপে যেই ব্যক্তি অধিক পরিমাণে এবং বরাবর আল্লাম নিকট তওবা এস্তেগফার করতঃ ক্ষমা প্রার্থনা করিতে বেশী ভালবাসিত তাহাকে বাবোত-তওবা তথা তওবা-গেট হইতে আহ্বান করা হইবে। যে ব্যক্তি স্বীয় অধীনস্থ ক্রটিকারীকে ক্ষমা করিতে এবং ক্রোধ দমন করিয়া রাখিতে অধিক অভ্যস্ত ছিল তাহাকে বাবোল-কাযেমীনালা-গয়ম-অল আকীনা আনিলাহ্ তথা ক্রোধ দমনকারী ক্ষমাকারীদের গেট হইতে আহ্বান করা হইবে। যে ব্যক্তি সুখে-দুখে সর্গবস্থায় আল্লাহ্ তাযালার শোকর ও কৃতজ্ঞতা জ্ঞাপন

অধিক পরিমাণে করিয়া থাকিত এবং কষ্ট-ক্লেশ অবস্থায়ও ছবর ও ধৈর্যধারণ করতঃ শাস্ত, সন্তুষ্ট ও তুষ্ট থাকিত । হাকে বাবোর-রাবীন তথা তুষ্ট ও শাস্তদের গেট হইতে আহ্বান করা হইবে । বেহেশতের এই আটটি গেট বা দরওয়াজার বিষয়ই হাদীছে উল্লেখ আছে ।

● এক জোড়া জিনিস নিছের তহবিল হইতে বাহির করিয়া দান করার অর্থ এই যে, প্রত্যেক বারই যখন দান করে—যে কোন জিনিসই দান করুক না কেন, তখন একটি মাত্র জিনিসই দান করে না, বরং এক জোড়া জিনিস দান করে । যেমন—এক জোড়া কাপড়, এক জোড়া ঘোড়া, এক জোড়া ঢাল-তলওয়ার ইত্যাদি । এবং প্রত্যেক বারই পূর্বের দানের কথা ভুলিয়া গিয়া বর্তমানের একবারের সঙ্গে ভবিষ্যতের আরও একবারকে মিলাইয়া জোড়া বানাইবার নিয়ত ও আশা রাখে । দানকারীর জ্ঞান পূর্বকৃত দান ভুলিয়া যাওয়াই অধিক ভাল এবং আগামীতে আরও এইরূপ দান করিবে এই আশা ও নিয়ত করাই অধিক ফজিলতজনক । কিন্তু দান এহীতার জ্ঞান ইহার বিপরীত অর্থাৎ পূর্বের কিঞ্চিৎ দানও জীবনে কখনো ভুলিয়া যাওয়া চাই না এবং ভবিষ্যতে পুনঃ পুনঃ দান গ্রহণের আশা বা ইচ্ছা মনে পোষণ করা চাই না ।

● বেহেশতের গেট ও দরওয়াজা সমূহের প্রত্যেকটির বিষয় এই উক্তি যে, “এইটা ভাল” ইহার অর্থ এই যে, বেহেশত সবই ভাল, সেখানে মন্দের নাম-নিশানও নাই, কিন্তু যে ফেরেশতা যেই গেট ও দরওয়াজার তহাবধায়ক তিনি সেইটিকেই সবচেয়ে ভাল মনে করিতেছেন এবং এই অনুসারেই ইহা বলিতেছেন ।

রমজান মাসের মর্যাদা

৯৭৫। হাদীছ :-

يقول ابو هريرة رضى الله تعالى عنه

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ إِذَا دَخَلَ شَهْرُ رَمَضَانَ فَتَكَّتْ أَبْوَابُ

السَّمَاءِ وَغُلِقَتْ أَبْوَابُ جَهَنَّمَ وَسُلِسِلَتِ الشَّيَاطِينُ -

অর্থ—আবু হোরায়রা (রাঃ) বর্ণনা করিয়াছেন, রসূলুল্লাহ ছালাল্লাহ আলাইহে অসাল্লাম বলিয়াছেন, যখন রমজান মাস আরম্ভ হয় তখন হইতে উর্ক জগতের (তথা রহমতের) দরওয়াজা সমূহ খুলিয়া দেওয়া হয়, (সেমতে বেহেশতের দরওয়াজাসমূহও খুলিয়া দেওয়া হয়) এবং জাহান্নামের সমুদয় দরওয়াজা বন্ধ করিয়া দেওয়া হয় এবং (অধিক তুষ্ট, নেতৃস্থানীয়) শয়তানগুলিকে শৃঙ্খলে আবদ্ধ করিয়া দেওয়া হয় ।

ব্যাখ্যা :-আলোচ্য রেওয়াজেতে উর্ক জগতের দরওয়াজা খুলিয়া দেওয়ার উল্লেখ হইয়াছে ।

অন্য এক রেওয়াজেতে রহমতের দরওয়াজা খোলার উল্লেখ আছে এবং এক রেওয়াজেতে

বেহেশতের দরওয়াজা খোলা উল্লেখ আছে। সব রেওয়াজেতের মূল তাৎপর্য একই। রমজান মাসে বিশেষরূপে অতি নাজায় এবং কোন নির্দিষ্ট সময়ের বিশেষত্ব লক্ষ্য না করিয়া সর্বদা আল্লার রহমত নাযেল হইতে থাকে। তাই আকাশে আল্লার রহমত-বাহক ফেরেশতা নাযেল হওয়ার দরওয়াজাসমূহ সর্বদা খোলা থাকে এবং আল্লাহ তায়ালার প্রধান কেন্দ্র বেহেশতের দরওয়াজাসমূহ রমজান মাসের সম্মানার্থে খুলিয়া রাখা হয়।

● রমজান মাসের বিশেষত্ব হিসাবে জগদ্বাসীর প্রতি যেরূপ রহমত নাযেল করার ব্যবস্থা রাখা হয় তদ্রূপ রহমতের বিপরীত আল্লাহ তায়ালার গজব ও আজাবের কারণ তথা শয়তানী আন্দোলন ও কার্যকলাপ কম করার ব্যবস্থাও করা হয় যে—বড় বড় শয়তানগুলিকে আবদ্ধ করিয়া দেওয়া হয়।

আল্লাহ তায়ালা সর্বশক্তিমান। শয়তানী আন্দোলন ও কার্যকলাপকে সমূলে উচ্ছেদ করার ইচ্ছা করিলে মুহূর্তের মধ্যে তিনি তাহা করিতে পারেন, কিন্তু ইহাতে জাগতিক জীবনের পরীক্ষার উদ্দেশ্য পও হয়, তাই আল্লাহ তায়ালা তাহা করেন না। এই জন্তই ইনলিসের সাধারণ অল্পচরবন্দ এবং মানুষের আকৃতিতে শয়তান প্রকৃতির ব্যক্তিবর্গ এবং মানুষের নফছে-আম্মারা তত্ত্বপরি এগার মাস শয়তানী আন্দোলনের প্রতিক্রিয়া প্রভৃতির সক্রিয়তা বন্ধ করা হয় না। অবশ্য আল্লাহ তায়ালা রমজান মাসের সম্মানার্থে স্বীয় বন্দাগণকে বিশেষ সুযোগ প্রদানার্থে নেতৃস্থানীয় বড় বড় শয়তানগুলিকে আবদ্ধ করিয়া দেন। যদ্রূপ আল্লার প্রতি ধাবিত হওয়ার পথ ধরা সহজ হইয়া যায়। মানব যেন এই সুবর্ণ সুযোগ হেলায় না হারায় সেজ্ঞ ককণাময় আল্লাহ তায়ালার তরফ হইতে একজন ফেরেশতা পবিত্র রমজান মাসে আল্লার বন্দাদিগকে প্রতি দিন এই আহ্বান জানাইতে থাকেন, **يا باغي الخير اقبل ويا باغي الشر اقم** “হে সত্যাস্থেবী সুপথের পথিক! (এই পবিত্র রমজানের সুবর্ণ সুযোগে) দ্রুত সম্মুখপানে অগ্রসর হও, উন্নতি লাভ কর। হে কু-পথগামী! (হেলায় এই সুযোগ হারাইও না। এই পবিত্র রমজানে স্বীয় আত্ম-সংশোধন ও পবিত্রতা লাভে স্বেচ্ছ হও এবং কু-কার্য হইতে) কাস্ত হও, সতর্ক হও।”

অর্থাৎ—সেহেতু পবিত্র রমজান মাসে আল্লাহ তায়ালার রহমতের দরওয়াজাসমূহ সর্বদা খোলা থাকে, রহমত লাভ করা সহজ সুলভ হয়; তাই এই সুযোগের প্রতিটি মুহূর্তকে স্বীয় উন্নতির সম্বলরূপে গ্রহণ কর। আপন জীবনের উন্নতি সাধনে অগ্রসর হও, অগ্রণী হওয়ার চেষ্টা কর, যেরূপ কোন ব্যবসায়ী স্বীয় ব্যবসায়ের জন্ত মৌসুম, সুযোগ ও হাট-ঘাট, মেলা বা প্রদর্শনীকে উন্নতির বিশেষ সহায়ক ও সম্বলরূপে গ্রহণ করিয়া থাকে।

পক্ষান্তরে রমজান মাসে অসত্যের ও কু-পথের বড় বড় আন্দোলনকারীরা আবদ্ধ রহিয়াছে, কু-পথ হইতে ফিরিয়া আসা ও কু-কার্যকে ত্যাগ করা অপেক্ষাকৃত সহজসাধ্য হইয়াছে, অসংখ্য বাধা-বিপত্তির উপশম হইয়াছে, ফিরার পথের বেড়াঙ্কাল সমূহের লাঘব ঘটিয়াছে।

এই সুবর্ণ সুযোগকে হেলায় হারাইও না, এই সোনালী সময়কে চৈতন্যহীন অবস্থায় অতিবাহিত করিও না। সুযোগের সদ্ব্যবহার কর, অতীত জীবনের অন্ধকারময় পথে আর অগ্রসর হইও না, থাম। এই সুযোগেই পশ্চাদে পরিত্যক্ত আলোর পথে ফিরিয়া আস।

আল্লাহ তায়ালা কত মেহেরবান করুণাময়! স্বীয় বন্দাদিগকে সুযোগ দান করিয়া সেই সুযোগের যোষণা এবং আত্মানও জানাইয়া দিতেছেন। শুধু এক ছই বার নয়, বরং সুযোগের প্রতিটি দিনেই এই আত্মান আসিতে থাকে। যাহাদের রুহানী শ্রবণশক্তি আছে, তাঁহারা সরাসরি সেই আত্মান শুনিতে পারেন। যাহারা সেই স্তরে পৌঁছিতে পারে নাই, আল্লাহ তায়ালা তাহাদিগকে সত্য রসুলের মারফৎ সেই আত্মানের সংবাদ পৌঁছাইয়া দিয়াছেন।

পরীক্ষাক্ষেত্রের অল্পপুঙ্ক্ত—পরীক্ষা-বিষয়ে পরীক্ষার্থীর স্বায়ত্বশাসিত স্বাধীনতাকে খর্বকারী—বাধ্য-বাধকতামূলক ব্যবস্থা ব্যতীত পরম দয়ালু আল্লাহ তায়ালা স্বীয় বন্দাদের জন্ত সকল প্রকার ব্যবস্থাই করিয়া রাখিয়াছেন। কোন ব্যক্তি যদি এসব ব্যবস্থার সুযোগ গ্রহণ না করিয়া স্বীয় ভ্রষ্টতাকেই আঁকড়াইয়া থাকে তবে তাহার পক্ষে এসব সুযোগের কোন মূল্যই হইবে না।

রোযা অবস্থায় মিথ্যার লিপ্ত হওয়ার বিষময় ফল

৯৭৬। হাদীছ:—
 عَنْ أَبِي هُرَيْرَةَ رَضِيَ اللَّهُ تَعَالَى عَنْهُ
 قَالَ النَّبِيُّ صَلَّى اللَّهُ عَلَيْهِ وَسَلَّمَ مَنْ لَمَّ يَدَّعِ قَوْلَ الزُّورِ وَالْعَمَلَ بِهِ فَلَيْسَ
 لِلَّهِ حَاجَةٌ فِي أَنْ يَدَّعِ طَعَامَهُ وَشَرَابَهُ .

অর্থ—আবু হুরায়রা (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, যে ব্যক্তি মিথ্যা কথা ও মিথ্যা কার্য পরিত্যাগ না করিবে ঐ ব্যক্তির পানাহার পরিত্যাগ করার কোনই মূল্য আল্লার নিকট নাই।

ব্যাখ্যা :—এই হাদীছের উদ্দেশ্য মিথ্যাবাদীকে রোযা পরিত্যাগ করার পরামর্শ দেওয়া নহে। বরং মিথ্যাবাদীকে মিথ্যা পরিত্যাগ করতঃ রোযার পূর্ণ সুফল লাভ করার প্রতি আত্মান করাই এই হাদীছের একমাত্র উদ্দেশ্য। যেহেতু কোন চিকিৎসক স্বীয় রোগীকে ঔষধ প্রদান করতঃ সতর্ক করিয়া দিয়া থাকে যে—অমুক অমুক কু-পথ্য ব্যবহার করিলে ঔষধ ব্যবহারে কোন ফল হইবে না। এই সতর্কবাণী শুনিয়া যদি ঐ সকল কু-পথ্যকেই আঁকড়াইয়া থাকে এবং নিষ্ফল মনে করিয়া ঔষধ ব্যবহারে বিরত থাকে তবে তাহার ধ্বংস অনিবার্য।

রোযাদারের আনন্দ

يقول ابو هريرة رضى الله تعالى عنه
 ৯৭৭। হাদীছ :-
 قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ... لِلصَّائِمِ فَرَحَتَانِ يَفْرَحُهُمَا إِذَا
 أَفْطَرَ فَرِحَ وَإِذَا لَقِيَ رَبَّهُ فَرِحَ بِصَوْمِهِ -

অর্থ—আবু হোরায়রা (রা:) বলিয়াছেন, যখনত রসূলুল্লাহ হাল্লাল্লাহু আলাইহে অসাল্লাম বলিয়াছেন.....যাহারা রোযা রাখিয়া থাকে তাহাদের জন্ম আনন্দ উপভোগের বিশেষ দুইটি সুযোগ রহিয়াছে। প্রথমত:—এফতার করার সময়। দ্বিতীয়ত:—যখন স্বীয় পালন-কর্তার নিকট উপস্থিত হইবে তখন রোযার (প্রতিকল প্রত্যক্ষরূপে দেখা ও উপভোগ করার) দরুন সে আনন্দিত হইবে।

ব্যাখ্যা :- প্রথম আনন্দের কারণ স্পষ্ট যে, আল্লাহ তায়ালার তৌফিক দানে রোযা পূর্ণ হইয়াছে, এখন আল্লাহ তায়ালার নেয়ামত সামগ্রী উপভোগ করার অল্পমতি লাভ হইয়াছে। এই প্রথম আনন্দেরও দুইটি সুযোগ রহিয়াছে। প্রথম হইল প্রাতেদিন এফতারের সময় যখন ঘরে আনন্দের হিল্লোল প্রবাহিত হইতে দেখা যায়। দ্বিতীয় হইল যখন সমগ্র রমজান মাসের রোযা সম্পূর্ণ করিয়া দীর্ঘকালের জন্ম এফতার করা হয় অর্থাৎ ঈদুল-কেতরের দিনে; যখন ঘরে-বাহিরে, পথে-ঘাটে, হাটে-মাঠে, সমগ্র দেশময় ও সমগ্র মোসলেম জাতির ভিতরে বাহিরে আনন্দ উল্লাসের শ্রোত বহিয়া যায়। নারী-পুরুষ, শিশু-যুবক, আবাল-বৃদ্ধ-বণিতা নিবিশেষে সকলের মুখেই হাসি-খুশীর ঢেউ খেলিয়া থাকে।

দ্বিতীয় আনন্দ—ইহাই স্থায়ী এবং পূর্ণ ও আসল আনন্দ। উহা লাভ হইবে যখন পরজগতে যাইয়া আল্লাহর দরবার হইতে তাহারই বিঘোষিত **بِهَ وَأَنَا اجزى به** “রোযা আমার বস্তু, উহার প্রতিদানে আমি আমার মন:পুত ও মনোমত প্রতিকল দান করিব” এই প্রতিশ্রুতি লাভ করিলে।

যৌন উত্তেজনা রোধে রোযা

قال عبد الله بن مسعود رضى الله تعالى عنه
 ৯৭৮। হাদীছ :-
 كُنَّا مَعَ النَّبِيِّ صَلَّى اللَّهُ عَلَيْهِ وَسَلَّمَ فَقَالَ مَنِ اسْتَطَاعَ الْبَاءَةَ فَلْيَتَزَوَّجْ
 فَإِنَّهُ أَغْضُ لِلْبُرِّ وَأَحْصَنُ لِلْفَرْجِ وَمَنْ لَمْ يَسْتَطِعْ فَلْيَصُمْ بِالصَّوْمِ فَإِنَّهُ لَكَ وَجَاءُ -

অর্থ—আবুল্লাহ ইবনে মসউদ (রাঃ) বর্ণনা করিয়াছেন, একদা আমরা নবী ছালাল্লাহু আলাইহে অসাল্লামের সঙ্গী ছিলাম। তিনি বলিলেন, যাহার বিবাহ করার সামর্থ্য আছে, তাহার বিবাহ করা কর্তব্য। কারণ, বিবাহ চক্ষুর দৃষ্টিকে সংযত রাখিতে এবং যৌন উত্তেজনাকে প্রশমিত রাখিতে বিশেষ সহায়ক হয়। যে ব্যক্তি অপারক; বিবাহের (খরচ ও স্ত্রীর ভরণ-পোষণের) সামর্থ্য রাখে না তাহার কর্তব্য হইলে রোযা রাখিয়া যাওয়া— ধারাবাহিক রোযা রাখিয়া যাওয়া। ধারাবাহিক রোযার দ্বারা তাহার কাম-রিপুর দমন সাধিত হইবে, যৌন উত্তেজনার উপশম হইবে।

চাঁদ দেখার উপর রোযা ও ঈদ নির্ভরশীল

বিশিষ্ট ছাহাবী আশ্কার (রাঃ) হইতে বর্ণিত আছে, যে ব্যক্তি সন্দের দিনে (অর্থাৎ ২৯শে শা'বান চাঁদ দেখার কোন প্রমাণ না থাকা সত্বেও শুধু সম্ভাবনা সূত্রে) রমজানের রোযা রাখিলে, সে রসুলুল্লাহ ছালাল্লাহু আলাইহে অসাল্লামের অব্যাহত গণ্য হইবে।

৯৭৯। হাদীছ :— عن ابن عمر رضى الله تعالى عنه قال
 إِنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ ذَكَرَ رَمَضَانَ فَقَالَ لَا تَرَوْهُمَا حَتَّى
 تَرَوْا الْهِلَالَ وَلَا تَهْطِرُوا حَتَّى تَرَوْهُ فَإِنَّ غُيُوبَكُمْ فَأَقْدُرُوا لَهُ.

অর্থ—আবুল্লাহ ইবনে ওমর (রাঃ) হইতে বর্ণিত আছে, একদা রসুলুল্লাহ ছালাল্লাহু আলাইহে অসাল্লাম রমজানের আলোচনা করতঃ বলিলেন, যাবৎ (রমজানের) চাঁদ দেখা (প্রমাণিত) না হয় তাবৎ রোযা রাখিও না। তদুপ যাবৎ (শওরালের) চাঁদ দেখা (প্রমাণিত) না হয় রোযা পরিত্যাগ করিও না। যদি (চুতন) চাঁদ প্রকাশিত না হয় তবে (রোযা রাখা না রাখার ব্যাপারে ত্রিশ দিনে মাসের) হিসাব গ্রহণ করিতে হইবে।

৯৮০। হাদীছ :— عن ابن عمر ان رسول الله صلى الله عليه وسلم
 قَالَ الشَّوْرُ تِسْعٌ وَعِشْرُونَ لَيْلَةً فَلَا تَرَوْهُمَا حَتَّى تَرَوْهُ فَإِنَّ غُيُوبَكُمْ
 فَأَكْمِلُوا الْعِدَّةَ ثَلَاثِينَ.

অর্থ—আবুল্লাহ ইবনে ওমর (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম বলিয়াছেন, কোন কোন মাস উনত্রিশ দিনেও হইয়া থাকে, কিন্তু (শা'বানের উনত্রিশ তারিখে) চাঁদ না দেখা পর্যন্ত রোযা রাখিও না। যদি (সেই দিন) চাঁদ প্রকাশ না হয় তবে ত্রিশ দিনের গণনা পূর্ণ কর।

৯৮১। হাদীছঃ— يقول ابن عمر قال النبي صلى الله عليه وسلم

الشَّهْرُ هَكَذَا وَخَنَسَ الْإِبْهَامَ فِي الثَّلَاثَةِ

অর্থ—আবুল্লাহ ইবনে ওমর (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম বলিয়াছেন, রোযার মাস কোন সময় উনত্রিশ দিনেও হয় এবং এইরূপে ইশারা করিয়া দেখাইয়াছেন—উভয় হাতের আঙ্গুল সমূহ উন্মুক্ত করিয়া তিনবার দেখাইয়াছেন, কিন্তু তৃতীয়বার একটি আঙ্গুল আবদ্ধ রাখিয়াছেন।

৯৮২। হাদীছঃ— يقول أبو هريرة رضى الله تعالى عنه

قَالَ النَّبِيُّ صَلَّى اللَّهُ عَلَيْهِ وَسَلَّمَ صَوْمُوا لِرُؤُوسِكُمْ فَإِنَّ غِيْبِي عَلَيْكُمْ فَأَكْمَلُوا

عِدَّةَ شَعْبَانَ ثَلَاثِينَ

অর্থ—আবু হোরায়রা (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম আদেশ করিয়াছেন, তোমরা (রমজানের) চাঁদ দেখিয়া রোযা রাখ এবং (শওরালের) চাঁদ দেখিয়া রোযা পরিত্যাগ কর। যদি (রমজানের) চাঁদ (শা'বানের ২৯ তারিখে) প্রকাশ না হয় তবে (শা'বানের) গণনা ৩০ দিন পূর্ণ কর।

৯৮৩। হাদীছঃ— عن أبي بكر عن النبي صلى الله عليه وسلم

قَالَ شَهْرَانِ لَا يَنْتَقِمَانِ شَهْرًا عِيدَ رَمَّانٍ وَذُو الْحِجَّةِ

অর্থ—আবু বকর (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, দুই ঈদের দুই মাস অর্থাৎ রমজান মাস ও জিলহজ্জ মাস (কোন অবস্থাতেই) অসম্পূর্ণ গণ্য হয় না।

ব্যাখ্যাঃ—রমজান মাস প্রথম হইতে শেষ পর্যন্ত সম্পূর্ণ মাসই অতি ফজিলতের মাস। জিলহজ্জ মাসও তজ্জপ; ইহার প্রথম দশ দিন ত বিশেষ ফজিলতের আছেই, সম্পূর্ণ মাসেরও অপেক্ষাকৃত ফজিলত আছে। এই মাসদ্বয়ের ফজিলত ত্রিশ দিন হইলে যেরূপ উনত্রিশ দিন হইলেও তজ্জপ। উনত্রিশ দিন হইলে এইরূপ ধারণা করা ভুল হইবে যে, এ বৎসর এই মাস অসম্পূর্ণ রহিয়া গেল।

বর্তমান যুগে রমজান মাস উনত্রিশ দিনের হইলে কোন কোন লোককে এই বলিয়া অমুতাপ করিতে শুনা যায় যে, এবার আমাদের রমজান পূরা হইল না। এরূপ উক্তি ও অমুতাপ আলোচ্য হাদীছের পরিপন্থী, এরূপ করা চাই না।

৯৮৪। হাদীছ:— **عن ابن عمر عن النبي صلى الله عليه وسلم**
قَالَ إِنَّا أُمَّةٌ أُمِّيَّةٌ لَا نَكْتُبُ وَلَا نَحْسِبُ الشَّيْرَ هَكَذَا وَهَكَذَا يَعْنِي مَرَّةً
تِسْعَةً وَعِشْرِينَ وَمَرَّةً ثَلَاثِينَ -

অর্থ—ইবনে ওমর (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম বলিয়াছেন, আমাদের মধ্যে বহু লোক বিদ্যাহীন নিরক্ষর আছে এবং হইবে—যাহারা লেখা-পড়া এবং (নক্ষত্রের ভ্রমণ ও তিথির) হিসাব-নিকাশ হইতে অজ্ঞ। অতঃপর হযরত (দঃ) ইশারা করিয়া দেখাইলেন—মাস কোন সময় উনত্রিশ দিনের হয় এবং কোন সময় ত্রিশ দিনেও হয়।

ব্যাখ্যা:—শরীয়তের অধিকাংশ বিষয় চাঁদের হিসাবের উপর ন্যস্ত করা হইয়াছে, কারণ চাঁদ অতিশয় স্পষ্ট ও উজ্জ্বল দীপ্তিমান বস্তু এবং এরূপ প্রকাশ্য পরিবর্তনশীল যে, বিশেষ কোনও হিসাব-নিকাশ বা দৃষ্টির অগোচর বিষয়বস্তুর উপর নির্ভর না করিয়া উহার দ্বারা মাসের হিসাব নির্ধারিত করা যায়। উহার হিসাব সর্ব-সাধারণের জন্য সহজ সাধ্য এবং অকাট্য। তাই চাঁদের হিসাবের উপরই ইসলামের বিভিন্ন হুকুম-আহকাম স্থাপন করা হইয়াছে, কারণ উম্মতের মধ্যে অনেক লোক শিক্ষা-দীক্ষাহীন হইবে যাহারা লেখা-পড়া হিসাব-কিতাব হইতে অজ্ঞ। অদৃশ্য সূক্ষ্ম হিসাব নিকাশের উপর শরীয়তের হুকুম স্থাপন করা হইলে অধিকাংশের জন্যই তাহা সহজ সাধ্য হইত না।

রমজানের চাঁদ দেখার পূর্বেই রোযা আরম্ভ করা নিষিদ্ধ

৯৮৫। হাদীছ:— **عن ابي هريرة عن النبي صلى الله عليه وسلم**
قَالَ لَا يَتَّقِدَنَّ مَنْ أَحَدَكُمْ رَمَضَانَ بِصَوْمِ يَوْمٍ أَوْ يَوْمَيْنِ إِلَّا أَنْ يَكُونَ
رَجُلٌ كَانَ يَصُومُ دَوْمًا فَلَيْسَ ذَلِكَ الْيَوْمَ -

অর্থ—আবু হোরায়রা (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, খবরদার! কোন ব্যক্তি রমজানের চাঁদ দৃষ্ট হওয়ার এক ছই দিন পূর্ব হইতে রোযা রাখা আরম্ভ করিবে না। হাঁ—যদি কোন ব্যক্তির স্থিরকৃত ও রোযায় অভ্যস্ত দিন এরূপ তারিখে হয়, তবে সে ঐ দিন রোযা রাখিতে পারে। (যেমন কোন ব্যক্তি প্রতি সপ্তাহের বৃহস্পতি ও শুক্রবারের রোযা রাখায় অভ্যস্ত। ঘটনাক্রমে কোন সপ্তাহের এই ছইটি বার রমজানের এক ছই দিন পূর্বে আসিল, সেই ব্যক্তি ঐ দিনের রোযা রাখিতে পারিবে।)

রমজানের রাতে পান-আহার ইত্যাদি জায়েয

আল্লাহ তায়ালা কোরআন শরীফে ফরমাইয়াছেন—

أَحِلَّ لَكُمْ لَيْلَةَ الصِّيَامِ الرَّفَثُ إِلَىٰ نِسَائِكُمْ - فَمِنْ لِبَاسٍ لَكُمْ وَأَنْتُمْ
 لِبَاسٌ لَهُنَّ - عَلِمَ اللَّهُ أَنَّكُمْ كُنْتُمْ تَخْتَلِفُونَ أَلْفَافًا مِنْكُمْ فَمَآ بَدَّلَكُمْ
 وَغَيَّرَ عَلَيْكُمْ - فَأَلَانَ بَشْرُوهنَّ

অর্থ—বোখার রাতে তোমাদের জন্তু স্ত্রী ব্যবহার করা জায়েয ও হালাল করা হইল। স্ত্রীদের প্রতি তোমাদের অভীষ্মা, অমুরাগ ও গার সম্পর্ক এরূপ যেন পরস্পর একে অন্নের পরিবেশ পোষাক, (মদ্রুগ) তোমাদের (কাহারও কাহারও সেই আকর্ষণের ফলে শরীয়ত বিরোধী) নিজের ক্ষতিকারক কার্যে পতিত হওয়ার ঘটনা আল্লাহ তায়ালা জ্ঞাত হইয়াছেন। তাই তিনি দয়াপরবশ হইয়া তোমাদের তওবা কবুল করিয়াছেন এবং তোমাদের গোনাহ মাফ করিয়া দিয়াছেন (এবং শরীয়তের বিধান বদলাইয়া দিয়াছেন)। এখন হইতে তোমরা (রমজানের রাতে) স্ত্রীদের সহিত সহবাস করিতে এবং আল্লাহ কতৃক নির্ধারিত ভাগ্যানুপাতিক বস্ত্র (সস্তান) লাভের চেষ্টা করিতে পার। (২ পাঃ ৭ কঃ)

ব্যাখ্যা :- ইসলামের প্রাথমিক যুগে রোমার নিয়ম ও বিধান এই ছিল যে, নিদ্ৰামগ্ন হওয়ার মুহূর্ত হইতেই রোমা আরম্ভ হইয়া যাইত। অর্থাৎ পানাহার ও স্ত্রী-সহবাস ইত্যাদি নিষিদ্ধ হইয়া যাইত। কলে কোন কোন ছাহাবীর দ্বারা এরূপ ঘটনা ঘটয়া গেল যে, তাহার স্ত্রীর নিদ্ৰা আসিয়া গেল। কিন্তু বাড়ী পৌঁছিয়া সে স্বীয় স্ত্রীর নিদ্ৰামগ্নতাকে বৃথা অজুহাত মনে করতঃ তাহার কথায় কর্ণপাত না করিয়া স্ত্রী-সহবাস করিল, অথচ স্ত্রীর নিদ্ৰামগ্ন হওয়ার দরুণ তাহার রোমা আরম্ভ হইয়া গিয়াছিল। এমতাবস্থায় তাহাকে সহবাসে বাধ্য করা শরীয়ত বিরোধী কার্য ছিল। তাই এইরূপ ঘটনা অনুষ্ঠানকারী ব্যক্তিগণ পরে শীতল মস্তিষ্কে প্রকৃত অবস্থা উপলব্ধি করার পর ভীষণ অমৃতপ্ত হইয়া নিজে নিজেও তওবা করিলেন এবং হযরত রশূলুল্লাহ ছালাল্লাহু আলাইহে অসাল্লামের দরবারেও ঘটনা ব্যক্ত করিলেন। এইরূপ ঘটনার উপরই উল্লিখিত আয়াত নাযেল হইল এবং চিরতরে শরীয়তের বিধান এই বিষয়ে সহজ করিয়া দেওয়া হইল যে, ছোবেহ-ছাদেক না হওয়া পর্যন্ত নিদ্ৰামগ্ন হওয়ার পরও পানাহার এবং স্ত্রী-সহবাস জায়েয এবং ছোবেহ-ছাদেক হইতে রোমা আরম্ভ হইবে।

৯৮৬। হাদীছঃ—বরা (রাঃ) বর্ণনা করিয়াছেন, হযরত নোহাঈদ ছালাল্লাহু আলাইহে অসাল্লামের ছাহাবীগণের উপর (রোগা ফরজ হওয়ার প্রাথমিক যুগে) এই বিধান বলবৎ ছিল যে, কোন রোগাদার এক্তারের সময় উপস্থিত হওয়ার পর এক্তারের বস্তু সম্মুখে রাখিয়া এক্তার করার পূর্ব যুক্তিতে নিজামগ্ন হইয়া পড়িলে সে পরবর্তী দিনসের সূর্যাস্ত পর্যন্ত কোন প্রকার পানাহার করিতে পারিত না। (কারণ, রাত্রে যে কোন অংশের নিদ্দা হইতে পরবর্তী দিনসের সূর্যাস্ত পর্যন্ত রোগার সময় নির্ধারিত ছিল।)

কায়েস ইবনে ছেরমা আনছারী (রাঃ) নামক (এক বৃদ্ধ) ছাহাবী রোগাদার ছিলেন। এক্তারের সময় উপস্থিত হইলে পর তিনি গৃহে আসিয়া স্বীয় স্ত্রীকে জিজ্ঞাসা করিলেন, খাওয়ার কোন বস্তু আছে কি? স্ত্রী বলিল, উপস্থিত কিছুই নাই, কিন্তু আমি চেষ্টা করিয়া কিছু সংগ্রহ করিয়া আনিতে বাইতেছি। কায়েস ইবনে ছেরমা (রাঃ) সমস্ত দিন কঠোর পরিশ্রম করিয়া ক্লাস্ত অবস্থার বাড়ী আসিয়াছিলেন, তাই অল্প সময়ের মধ্যেই তাহার চক্ষুদয় নিদ্দামগ্ন হইয়া গেল। এদিকে তাহার স্ত্রী (কিছু খাওয়া বস্তুর ব্যবস্থা করিয়া) উপস্থিত হইলে পর তাহাকে নিদ্দামস্থায় দেখিয়া অন্নতাপ করতঃ বলিল, আপনার ত কিসমত কাটা গিয়াছে। (নিদ্দা ভঙ্গ করিয়া স্ত্রী তাহাকে খাওয়া গ্রহণে অনুরোধ করিল, কিন্তু তিনি আল্লাহ ও আল্লামার রসূলের তথা শরীয়তের আদেশ লক্ষ্যে অস্বীকৃতি জ্ঞাপন করতঃ কোন কিছু না খাইয়া দ্বিতীয় দিনের রোগা রাখিয়া দিলেন।) দ্বিতীয় দিন দ্বিপ্রহরে তিনি বেছশ—সচেতন হইয়া পড়িয়া গেলেন। নবী ছালাল্লাহু আলাইহে অসাল্লামের খেদমতে সম্পূর্ণ ঘটনা বর্ণনা করা হইল। এইরূপ ঘটনার পরিপ্রেক্ষিতে কোরআন শরীফের আয়াত নামোল হইল যাহার অংশ বিশেষ এই—

وَكُلُوا وَاشْرَبُوا حَتَّىٰ يَتَبَيَّنَ لَكُمُ الْخَيْطُ الْأَبْيَضُ مِنَ الْخَيْطِ الْأَسْوَدِ

“এবং রমজানের রাত্রে তোমরা পানাহার করিতে পার যাবৎ কালো রেখা (রাত্রে অন্ধকার) শেষ হইয়া সাদা রেখা (প্রভাতের আলো) উদ্ভিত না হয়।”

৯৮৭। হাদীছঃ—আদী ইবনে হাতেম (রাঃ) বর্ণনা করিয়াছেন, যখন কোরআন শরীফে অবতারণিত এই আয়াতটি আমি পাঠ করিলাম—

حَتَّىٰ يَتَبَيَّنَ لَكُمُ الْخَيْطُ الْأَبْيَضُ مِنَ الْخَيْطِ الْأَسْوَدِ

এবং كَلِمَاتُ “খায়েত” শব্দের অভিধানিক অর্থ হইল—সূতা বা তাগা। যে অনুসারে আয়াতের অর্থ হয়—“তোমরা রমজানের রাত্রে পানাহার করিতে পার যাবৎ সাদা সূতা কাল সূতা হইতে পৃথক হইয়া দৃষ্ট না হয়। তাই আমি একটি সাদা তাগা এবং একটি কাল তাগা আনিয়া তাগাদ্বয়কে আমার বালিশের নীচে রাখিয়া দিলাম এবং রাত্রির

অন্ধকারে উহাদের প্রতি বারবার দেখিতে লাগিলাম, রাত্রে অন্ধকার পূর্ণরূপে অপসারিত হইয়া দিনের আলো আসিবার পূর্ব পর্য্যন্ত তাগাদয়ের পূর্ণ পার্শ্বকা উপলব্ধি করা যাইতে ছিল না; (এবং আমি সেহেরী খাওয়ার ক্ষম্য করিতেছিলাম না।) ভোর বেলা আমি রসুলুল্লাহ ছালাল্লাহু আলাইহে অসাল্লামের নিকট উক্ত ঘটনা বক্ত করিলাম। হযরত (দঃ) আমাকে বলিলেন, হে বুদ্ধিমান! এখানে **الْخَيْطُ الْأَبْيَضُ** “সাদা খায়তুল আবয্যাভু”—সাদা তাগার উদ্দেশ্য প্রভাতের আলো রেখা এবং “আল-খায়তুল আহওয়াদ”—কাল তাগার উদ্দেশ্য হইল রাত্রে অন্ধকার রেখা। অর্থাৎ যাবৎ রাত্রে অন্ধকার বিনুণ হইয়া প্রভাতের আলো-রেখা—ছোবহে-ছাদেক উদিত না হয় তাবৎ তোমরা পানাহার করিতে পারিবে।

৯৮৮। হাদীছঃ—সাহল ইবনে সায়াদ (রাঃ) বর্ণনা করিয়াছেন, প্রথমে যখন—
وَكُلُّوْا وَاشْرَبُوْا حَتَّىٰ يَتَبَيَّنَ لَكُمُ الْخَيْطُ الْأَبْيَضُ مِنَ الْخَيْطِ الْأَسْوَدِ
 নাযেল হইল তখন **من الفجر** বাক্যটি—(যদ্বারা **الْخَيْطُ الْأَبْيَضُ** “সাদা তাগা”—এর উদ্দেশ্যের স্পষ্ট ব্যাখ্যা করা হইয়াছে যে, উহার উদ্দেশ্য “প্রভাত” উহা) নাযেল হইয়াছিল না; তাই সাধারণ লোকদের মধ্যে অনেকেই **الْخَيْطُ الْأَبْيَضُ** ও **الْخَيْطُ الْأَسْوَدِ**—এর আভিধানিক অর্থ অনুযায়ী রোযার সময় একটি সাদা তাগা এক পায়ে এবং একটি কাল তাগা অপর পায়ে বাঁধিয়া রাখিল। যাবৎ সাদা তাগা ও কাল তাগা পৃথকরূপে দৃষ্ট না হইত তাবৎ তাহারা পানাহার করিত। তাহাদের এই ভুল ধারণা দূর করার জন্ত পরে **من الفجر** নাকাটি নাযেল হয়, অর্থাৎ **الْخَيْطُ الْأَبْيَضُ** সাদা তাগার উদ্দেশ্য প্রভাত বা ছোবহে-ছাদেক। অতঃপর তাহারা বুঝিতে পারিল যে, সাদা ও কাল তাগার উদ্দেশ্য যথাক্রমে প্রভাতের আলো অর্থাৎ ছোবহে-ছাদেক ও রাত্রির অন্ধকার।

তাহাজ্জুদ নামাযের আজান সেহেরী খাওয়ার প্রতিবন্ধক নহে

৯৮৯। হাদীছঃ—আয়েশা (রাঃ) বর্ণনা করিয়াছেন, বেলাল (রাঃ) ছোবহে-ছাদেকের (ঘণ্টাখানেক) পূর্বে—রাত্রি বাকি থাকাবস্থায় তাহাজ্জুদ নামাযের উদ্দেশ্যে আজান দিয়া থাকিতেন। রসুলুল্লাহ ছালাল্লাহু আলাইহে অসাল্লাম সকলকে জ্ঞাত করিয়া দিলেন যে, যাবৎ আবুল্লাহ ইবনে উম্মে-মাকতুম আজান না দেয় তাবৎ তোমরা পানাহার করিতে পার। কারণ, সে-ই ফজরের আজান দিয়া থাকে। (উহার পূর্বে বেলাল (রাঃ) সে আজান দেন, উহা তাহাজ্জুদ নামাযের আজান হইত)।

বিলম্বে সেহেরী খাওয়া

৯৯০। হাদীছঃ—সাহল ইবনে সায়াদ (রাঃ) বর্ণনা করিয়াছেন, আমি আমার ঘরে সেহেরী খাইয়া রসুলুল্লাহ ছালাল্লাহু আলাইহে অসাল্লামের সঙ্গে ফজরের নামাযে শরীক হওয়ার জন্য আমাকে ক্ষতবেগে যাইতে হইত।

সেহেরী খাওয়া ও কজর নামাযের মধ্যকার ব্যবধান

৯৯১। হাদীছ :—আনাছ (রাঃ) হইতে বর্ণিত আছে, যারদে ইবনে ছাবেত (রাঃ) একদা বর্ণনা করিলেন, আমরা এমন সময় রসুলুল্লাহ ছাল্লাল্লাহু আলাইহে অসাল্লামের সঙ্গে সেহেরী খাইয়াছি যে, সেহেরী শেষ করিয়াই রসুলুল্লাহ ছাল্লাল্লাহু আলাইহে অসাল্লাম নামাযের জন্য প্রস্তুত হইলেন। আনাছ (রাঃ) জিজ্ঞাসা করিলেন, কজরের নামাযের আজান ও সেহেরী শেষ করার মধ্যে কি পরিমাণ ব্যবধান ছিল? তিনি বলিলেন—কোরআন শরীফের পঞ্চাশটি আয়াত (সাধারণরূপে) তেলাওয়াত করা যায় এই পরিমাণ সময় ছিল।

সেহেরী খাওয়া ওরাজেব না হইলেও উহাতে বরকত লাভ হয়

৯৯২। হাদীছ :—আবুছল্লাহ ইবনে মসউদ (রাঃ) বর্ণনা করিয়াছেন, এক সময় নবী ছাল্লাল্লাহু আলাইহে অসাল্লাম বিরতি না ঘটাইয়া লাগালাগি রোযা রাখিলেন। (অর্থাৎ একতার, সেহেরী এবং রাজের কোন অংশে কোন প্রকার পানাহার না করিয়া পর পর কতিপয় রোযা রাখিলেন।) ছাহাবীগণও এইরূপ করিলেন, কিন্তু তাঁহাদের জন্ত এরূপ করা অত্যধিক কষ্টকর হইল। তাই নবী (সঃ) তাঁহাদিগকে এরূপ করিতে নিষেধ করিলেন। ছাহাবীগণ আরজ করিলেন, আপনি ত এরূপ করিয়া থাকেন। নবী (সঃ) বলিলেন, আমার অবস্থা তোমাদের মত নয়—আমাকে (আল্লাহ তায়ালার পক্ষ হইতে) পানাহার (-এর শক্তি) দান করা হইয়া থাকে।

৯৯৩। হাদীছ :— قال انس رضى الله تعالى عنه

قَالَ النَّبِيُّ صَلَّى اللَّهُ عَلَيْهِ وَسَلَّمَ تَسْتَهْرُوا فَيَأْتِي السُّهُورَ بِرَكْعَةٍ

অর্থ—আনাছ (রাঃ) বর্ণনা করিয়াছে, নবী ছাল্লাল্লাহু আলাইহে অসাল্লাম বলিয়াছেন, তোমরা সেহেরী খাও ; কারণ সেহেরী খাওয়ার মধ্যে বরকত লাভ হইবে।

দিনের বেলায় রোযার নিয়ত করিলে ?

উম্মুদ-দ-দুদা (রাঃ) খীম খামী—নিশিষ্ট ছাহাবী আবু দারুদা রাজিয়াল্লাহু তায়ালার আনছর ঘটনা বর্ণনা করিয়াছেন যে, তাঁহার অভ্যাস ছিল—তিনি (সকাল বেলা নাস্তার সময় বাড়ী আসিয়া) জিজ্ঞাসা করিতেন, তোমাদের নিকট কিছু খাদ্য বস্তু তৈয়ার আছে কি? যদি বলিতাম, কিছুই নাই, তবে তিনি বলিতেন—তাহা হইলে আমি (নফল) রোযার নিয়ত করিয়া নিলাম।

আবু তালহা (রাঃ) আবু হুরায়রা (রাঃ) ইবনে আকাস (রাঃ) এবং হোজারফা (রাঃ) ও এইরূপ করিতেন।

৯৯৪। হাদীছ :- সালামাতুল-মুল আকওয়া (রাঃ) হইতে বর্ণিত আছে, একদা (১০ই মহরর) আশুরার দিন নবী ছালাল্লাছ আলাইহে অসাল্লাম এক ব্যক্তিকে এই ঘোষণা প্রচারের আদেশ করিয়া পাঠাইলেন—তোমাদের যে ব্যক্তি ছোবহে-ছাদেক হওয়ার পর কিছু পানাহার করিয়াছে (তাহার রোগা হওয়ার কোন সম্ভাবনা না থাকিলেও) সে বাকি দিন পানাহার হইতে বিরত থাকিলে এবং যে ব্যক্তি এখন পর্য্যন্ত পানাহার করে নাই, সে রোগার নির্যাত করিয়া লইবে (অধ্য আশুরার দিন বলিয়া প্রমাণিত হইয়াছে)।

ব্যাখ্যা :- ঘটনা এই ছিল যে, একবার জিলহজ্জ মাসের ২৯ তারিখে মহররের চাঁদ সম্পর্কে সঠিক প্রমাণ পাওয়া যাইতে ছিল না। সেই দিনকে মহররের নয় তারিখ ধারণা করা হইতেছিল ; সেই দিনের কিছু অংশ কাটিয়া যাওয়ার পর হযরত রসুলুল্লাহ ছালাল্লাছ আলাইহে অসাল্লামের নিকট এরূপ প্রমাণ উপস্থিত হইল যদ্বারা তিনি ঐ দিনকে দশ তারিখ আশুরার দিন বলিয়া সত্য্য এবং উল্লিখিত ঘোষণা প্রচারের ব্যবস্থা করিলেন। কারণ, সেকালে রমজানের রোগা করজ হইরাছিল না, বরং আশুরার রোগা করজ ছিল। বর্তমানে রমজানের রোগার ব্যাপারে উল্লিখিত বিধানই বলবৎ আছে।

মছআলাহ :- নফল ও রমজানের নির্যাত দিনের বেলা করা যায়। কিন্তু তাহা অবশুই সেহেরীর শেষ সীমা হইতে সূর্যাস্তের পূর্ব পর্য্যন্ত সময়ের মধ্য ভাগের পূর্বে হইতে হইবে। অন্ততঃ দ্বিপ্রহরের পূর্বে হইলেও কোন কোন আলেমের মতে রোগা শুদ্ধ হইবে।

রোগাদার ব্যক্তির জানাবত অবস্থার প্রভাত করা

৯৯৫। হাদীছ :- উম্মুল-মোমেনীন আয়েশা (রাঃ) ও উম্মুল-মোমেনীন উম্মে-সালামা (রাঃ) উভয়েই এই ঘটনা বর্ণনা করিয়াছেন যে, কোন কোন সময় রসুলুল্লাহ ছালাল্লাছ আলাইহে অসাল্লাম (তাহাজ্জুদের পর) স্বীয় স্বী পানাহার করার জানাবত অবস্থার ছোবহে-ছাদেক হইয়া যাইত। অতঃপর গোছল করিতেন এবং (ফজরের নামায পড়িতেন ও) রোগা রাখিতেন।

রোগা অবস্থার স্ত্রীর সহিত দাম্পত্য-মূলভ ভালবাসা ও আসক্তির আচার-ব্যবহার করা

৯৯৬। হাদীছ :- আয়েশা (রাঃ) বর্ণনা করিয়াছেন, নবী ছালাল্লাছ আলাইহে অসাল্লাম (স্বীয় স্বীকে) রোগা অবস্থায় চুম্বন করিতেন এবং এক সঙ্গে এক বিছানায় শয়ন করিতেন (অতঃপর আয়েশা (রাঃ) সাধারণ লোকদিগকে হাশিয়ার করার জন্ত সতর্কবাণী উচ্চারণ করেন যে,) নবী (রাঃ) স্বীয় প্রযুক্তিকে আয়ত্বানীনে রাখিতে যেরূপ সক্ষম ছিলেন অল্প কেহ তদ্রূপ সক্ষম নহে।

ব্যাখ্যা :- রোগা অবস্থায় স্ত্রীর সহিত একমাত্র সহবাস ব্যতীত অল্প রকম আচার-ব্যবহারের অঙ্গমতি আছে বটে, কিন্তু আয়েশা (রাঃ) যে বিষয়টির প্রতি ইঙ্গিত করিয়াছেন

মে—সাধারণ লোক খ্রীয প্রবৃত্তিকে আয়ত্তে রাখিতে সক্ষম হয় না, সুতরাং পূর্ব হইতেই সাবধান ও সতর্ক থাকা আবশ্যিক। প্রয়োজনবোধে এক বিছানায় অঙ্গাঙ্গি ভাবে শোওয়া অথবা চুমন করা হইতে বিরত থাকিবে।

৯৯৭। হাদীছ ঃ—আয়েশা (রাঃ) বর্ণনা করিয়াছেন, ইহা সত্য যে, রসূলুল্লাহ হাল্লাল্লাহু আলাইহে অসাল্লাম রোযা অবস্থায় এক স্ত্রীকে চুমন করিয়াছেন; ইহা বর্ণনা করিয়া আয়েশা (রাঃ) হাসিলেন।

ব্যাখ্যা ঃ—প্রসিদ্ধ আছে, আয়েশা (রাঃ) হইতে ইসলামের প্রায় এক-চতুর্থাংশ মহলা-মাছায়েল বণিত। আল্লাহ তারালাও তাঁহাকে স্মরণ দিতেন বেশী; নবী (সঃ) বলিয়াছেন, আয়েশার বিছানায় অহী যত আসে অতদূর তত আসে না। আয়েশা (রাঃ) উন্নতকে মহলা-মাছায়েল পৌছাইতেও অত্যধিক তৎপর ছিলেন।

রোযাদারের জন্ত স্ত্রীকে চুমন করা রোযা ভঙ্গকারী নহে এই মহআলাহটি হযরতের প্রত্যক্ষ ঘটনার দ্বারা প্রমাণ ও বর্ণনা করায় আয়েশা (রাঃ)কে তাঁহার লজ্জাবোধ বাধা দেওয়া স্বাভাবিক ছিল, কিন্তু বিরত রাখিতে পারে নাই। আপন ভাগিনাকে শিক্ষা দান সুযোগে শালীনতার সহিত তিনি উহা প্রকাশ করিয়া ছাড়িয়াছেন।

রোযা অবস্থায় গোসল করা

আবুছল্লাহ ইবনে ওমর (রাঃ) রোযা অবস্থায় একটি কাপড় ভিজাইয়া (ঠাণ্ডার জন্ত) উহাকে শরীরের উপর রাখিয়াছেন।

শাব্বী (সঃ) রোযা অবস্থায় হাম্মান খানায় (গোসল করার জন্ত) গিয়াছেন।

আবুছল্লাহ ইবনে আব্বাস (রাঃ) বলিয়াছেন, রোযা অবস্থায় (আবশ্যিক বশতঃ) কোন বস্তুকে জিহ্বা দ্বারা চাখা ও আশ্বাদন করাতে রোযা ভঙ্গ হইবে না। (কিন্তু গলার ভিতরে উহার কিঞ্চিৎ অংশও প্রবেশ করিলে রোযা ভঙ্গ হইয়া যাইবে। সুতরাং অতি প্রয়োজন ও বিশেষ সতর্কতা ছাড়া এইরূপ করিবে না।)

হাসান বহরী (সঃ) বলিয়াছেন, রোযা অবস্থায় কুলি করা বা যে কোন উপায়ে শীতলতা গ্রহণ করাতে কোন দোষ নাই।

আবুছল্লাহ ইবনে মসউদ (রাঃ) বলিয়াছেন, রোযার সময় শরীরে বা মাথায় তৈল ব্যবহার করা এবং মাথা আচড়ান চাই। (অর্থাৎ রোযার সময় এলোমেলো ভাবে থাকা ভাল নয়)।

আনাছ (রাঃ) বলিয়াছেন, আমার একটি পাথরের তৈরী টব আছে। উহাতে পানি ভরিয়া রাখি এবং রোযা অবস্থায় বিশেষ উত্তাপ অনুভব করিলে আমি উহাতে নামিয়া শীতলতা হাসিল করিয়া থাকি।

মছআলাহ ঃ—চুষন করায় বা উভয়ের অঙ্গাঙ্গী করায় বা শুধু ধরা-ছোয়ায় যদি বীর্য বাহির হইয়া যায় তবে রোযা ভঙ্গ হইয়া যাইবে, এমনকি যদি দুই জন পুরুষ বা দুইজন নারীর মধ্যেও পরস্পর ঐরূপ হয়। তদ্রূপ হস্তমৈথুনেও বীর্য বাহির হইলে রোযা ভঙ্গ হইবে। (শামী, ২—১৪২)

মছআলাহ ঃ—কোন প্রকার ধরা-ছোয়া ব্যতিরেকে শুধু কল্পনা করায় বা দৃষ্টি করায় যদিও গুপ্ত অঙ্গের প্রতিই দৃষ্টি হউক—উহাতে বীর্য বাহির হইলেও রোযা ভঙ্গ হয় না; রোযা চালু রাখিতেই হইবে। যেক্রপ বীর্যপাত ব্যতিরেকে চুষন বা অঙ্গাঙ্গী করায় রোযা ভঙ্গ হইবে না, রোযা চালু রাখিতে হইবে। (শামী)

বিশেষ দ্রষ্টব্য ঃ—প্রথম মছআলায় রোযা ভঙ্গ হওয়ার উহার শুধু কাজাই করিতে হইবে; কাফ্ফারা দিতে হইবে না। কিন্তু একদিন ঐরূপে রোযা ভঙ্গ হওয়া সত্ত্বেও পুনঃ রোযা ভঙ্গের পরওয়া না করিয়া ঐরূপে রোযা ভঙ্গের কাজ করিলে সে ক্ষেত্রে কাফ্ফারাও আদায় করিতে হইবে। (শামী, ২—৪৫)

আনাছ (রাঃ) হাছান বছরী (রাঃ), ইব্রাহীম নখরী (রাঃ) তাঁহারা রোযা অবস্থায় স্মরণ ব্যবহার করাকে দোষণীয় মনে করিতেন না।

৯৯৮। হাদীছ ঃ—আয়েশা (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লাম রমজান মাসে কোন দিন (অনিচ্ছাকৃত) স্বপ্নদোষের দরুণ নয়, বরং ইচ্ছাকৃত (ছোবেহ-ছাদেকের পূর্বে স্ত্রী ব্যবহারের দরুণ) জানাবত অবস্থায় রাত্রি ভোর করিয়াছেন এবং তৎপর গোছল করিয়া রোযা রাখিয়াছেন।

রোযা অবস্থায় ভুলবশতঃ পানাহার করা

আ'তা (রাঃ) বলিয়াছেন, নাকে পানি দেওয়ার সময় অনিচ্ছাকৃত ভাবে পানি গলায় চলিয়া গেলে রোযা ভঙ্গ হইবে না। (ইহা কোন কোন আলেমের অভিমত। কিন্তু হানাফী মজহাব মতে মছআলাহ এই ঃ—রোযা স্মরণ থাকা অবস্থায় অনিচ্ছাকৃত ভাবেও গলার ভিতর পানি চলিয়া গেলে রোযা ভঙ্গ হইয়া যাইবে।)

হাসান বছরী (রাঃ) বলিয়াছেন, হঠাৎ মাছি হলকুমের ভিতর চলিয়া গেলে রোযা ভঙ্গ হইবে না।

হাসান বছরী (রাঃ) ও মোজাহেদ (রাঃ) বলিয়াছেন, ভুল বশতঃ স্ত্রী-সহবাস করিলেও রোযা ভঙ্গ হইবে না।

৯৯৯। হাদীছ ঃ—
عن أبي هريرة عن النبي صلى الله عليه وسلم
إِذَا نَسِيَ فَاكَلَ وَشَرِبَ فَلَيْتِمٌ ۖ يَوْمَهُ فَاثِمًا ۖ أَطْعَمَهُ اللَّهُ وَسَقَاهُ

অর্ধ—আবু হোরাযরা (রাঃ) হইতে বর্ণিত আছে, নবী ছালালাহ আলাইহে অসালাম বলিয়াছেন, কোন ব্যক্তি রোগা অবস্থায় ভুলে পানাহার করিলে (তাহার রোগা ভঙ্গ হইবে না ;) সে ঐ রোগা পূর্ণ করিবে। কারণ, এই পানাহার আল্লাহর তরফ হইতে হইয়াছে। (অর্থাৎ ইচ্ছাকৃত ভাবে হয় নাই, স্মরণাৎ দোষণীয়ও হয় নাই।)

রোগা অবস্থায় মেছওয়াক করা

আমের ইবনে রবীয়া (রাঃ) হইতে বর্ণিত আছে, তিনি বলিয়াছেন, আমি নবী ছালালাহ আলাইহে অসালামকে রোগা অবস্থায় মেছওয়াক করিতে দেখিয়াছি—অসংখ্য বার যাহার গণনা নাই।

শুক বা কাঁচা তাজা ও পানিতে ভিজা ইত্যাদি সব রকম মেছওয়াক দ্বারাই রোগা অবস্থায় মেছওয়াক করা যায়।

ইবনে সিরীন (রাঃ) বলিয়াছেন, কাঁচা ডালের মেছওয়াক করায় রোগার কোন ক্ষতি হয় না। কোন ব্যক্তি বলিল, উহার ত আশ্বাদ আছে। তিনি বলিলেন, পানিরও ত আশ্বাদ আছে, অথচ তুমি রোগাবস্থায় কুল্লি করিয়া থাক (২৫৮ পৃঃ)।

আবুহুলাহ ইবনে ওমর (রাঃ) রোগা অবস্থায় দিনের প্রথম ও শেষ উভয় দিকেই মেছওয়াক করিতেন (২৫৭ পৃঃ)। তিনি বলিয়াও থাকিতেন, রোগাদার দিনের প্রথম ও শেষ উভয় ভাগেই মেছওয়াক করিতে পারে ; তবে মেছওয়াক করার খুখু গিলিবে না। আ'তা (রাঃ) বলিয়াছেন, যদি খুখু গিলিয়া ফেলে তবে রোগা ভঙ্গ হইবে বলি না। (ফতহুলবারী, নোসখার বোখারী ২—১২৪ পৃঃ)। কাতাদাহ (রাঃ) ও আ'তা (রাঃ) বলিয়াছেন, (মেছওয়াক করা) খুখু গিলিতে পারে। অবশ্য যদি মেছওয়াকের কুচি খসিয়া থাকে এবং উহা নগণ্য না হয় তবে উহা গিলিবে না, উহা অবশ্যই ফেলিয়া দিবে (ফতহুলবারী, ২—১২৮ পৃঃ)।

রোগা অবস্থায় নাকে পানি দেওয়া

নাকের ছিদ্রের শুধু বহিরাংশে পানি দেওয়াতে দোষ নাই ; অঙ্গুর মধ্যে নাকে পানি দেওয়ার আদেশ অনেক হাদীছেই উল্লেখ আছে এবং সেখানে রোগা-বেরোগার পার্থক্য করা হয় নাই। অবশ্য যথাসাধ্য ছিদ্রের উপর অংশেও পানি পৌছাইতে তৎপর হওয়ার আদেশ বর্ণনার হাদীছে স্পষ্ট উল্লেখ আছে যে, রোগাদার তাহা করিবে না। (ফতহুলবারী, ২—১২৯)।

হাসান বছরী (রাঃ) বলিয়াছেন, নাকের ভিতর ঔষধ বা তৈলের ফোটা বহাইলে উহা যদি নাকের মধ্যেই সীমাবদ্ধ থাকে, উহার কিঞ্চিৎ অংশও হলকুম বা মস্তিক পর্য্যন্ত না ছড়ায় তবে রোগার পক্ষে ক্ষতিকর হইবে না।

অবশ্য সাধারণতঃ মস্তিকে পৌছাইবার জগুই তৈল বা ঔষধ নাকে ঢালা হইয়া থাকে এবং অতি সহজে ও অবিলম্বেই উহা হলকুম ও মস্তিক পর্য্যন্ত ছড়াইয়া পড়ে, তাই ফেকার কেতাবসমূহে কোন প্রকার বিভক্তি ছাড়াই বলা হইয়া যে, নাকের মধ্যে ঔষধ

বা তৈল ঢালিলে রোয়া ভঙ্গ হইয়া যাইবে এবং সাধারণভাবে তাহাই প্রযোজ্য, অবশ্য যদি সঙ্গে সঙ্গে তৎপর হইয়া উহা নাকের সীমা অতিক্রম না করার ব্যবস্থা করা হয় তবে তাহা স্বতন্ত্র কথা এবং সে ক্ষেত্রে রোয়া ভঙ্গ না হওয়া বস্তুতঃই সুস্পষ্ট।

কানে ঔষধ বা তৈল বহাইলে তৎপরই রোয়া ভঙ্গ হইবে। কিন্তু অনিচ্ছায় হঠাৎ কানের ভিতর পানি প্রবেশ করিলে তাহাতে রোয়া ভঙ্গ হইবে না। অবশ্য নিজে কানের ভিতর পানি প্রবেশ করাইলে রোয়া ভঙ্গ হওয়া সম্পর্কে সতর্কতাই আছে বটে, কিন্তু রোয়া ভঙ্গ হওয়ার সতাসতই অগ্রগণ্য ও অধিক বিধেয় (ফতোয়া কাজিখান, কতছল-কাদীর ২—৭৩)।

আ'তা (রঃ) বলিয়াছেন, ক্লিন্ন পানি মুখ হইতে ফেলিয়া দিয়া তারপর থুথু গিলিলে রোয়ার ক্ষতি হইবে না। কারণ, সে ক্ষেত্রে মুখে পানির অংশ অতি নগণ্যই থাকে। যাহা পাকে তাহা মুখে লাগিয়া পাক। অংশ মাত্র; উহাতে রোয়ার ক্ষতি হইবে না।

“গোন্দ” নামীয় এক প্রকার বস্ত্র যাহা শত চিবাইলেও কোন রস বা স্বাদ নির্গত হয় না এবং উহার কোন অংশও ছিন্ন হয় না—যে রূপ “রবার”; সাধারণতঃ মহিলারা উহা চিবাইয়া থাকে। আ'তা (রঃ) বলিয়াছেন, রোয়া অবস্থায় উহা চিবাইয়া থুথু গিলিলেও রোয়া ভঙ্গ হইবে বলি না, কিন্তু ঐরূপ করা নিষিদ্ধ।

রমযানে স্ত্রী-সহবাস ইত্যাদি রোয়া ভঙ্গকারী কার্য করিলে

আবু হোরাযরা (রাঃ) রসুলুল্লাহ ছালাল্লাহু আলাইহে অসাল্লাম হইতে বর্ণনা করিয়াছেন, যে ব্যক্তি রমযান মাসের একদিন কোন প্রকার ওষধ বা অসুস্থতা ব্যতীত রোয়া ভঙ্গ করিলে, সে ঐ একদিন রোয়া ভঙ্গের ক্ষতি এক যুগ রোয়া রাখিয়াও পূরণ করিতে পারিবে না।

ব্যাখ্যা :—উল্লিখিত হাদীছের তাৎপর্য এই যে, রমযানের এক একটি রোয়া এমনই অমূল্য বস্তু যে, উহা হেলায় হারাইলে তাহার ক্ষতিপূরণ দীর্ঘ এক যুগের রোয়ার দ্বারাও হইতে পারিবে না। কিন্তু ইহার অর্থ এই নয় যে, উহার কাপা করিতে হইবে না। কাপা এবং কাফ্কারার মহাআলাহ শরীয়তে যাহা নিষিদ্ধ আছে তদনুসারে তাহা করিতে হইবে। যেমন কোন সাধারণ ব্যক্তি কোনও বিশিষ্ট ব্যক্তিকে খুন করিয়া ফেলিয়াছে, তখন সকলেই এই কথা বলিলে যে, এই ব্যক্তির ছায় হাজার জনকে কাঁসি দিলেও মৃত ব্যক্তির ক্ষতিপূরণ হইতে পারে না। কিন্তু ইহার অর্থ কখনও এইরূপ হইবে না যে, আদালত কর্তৃক নির্দোষিত শাস্তি হইতে আসামি অব্যাহতি পাইয়া যাইবে।

১০০০। হাদীছ :—আয়েশা (রাঃ) বর্ণনা করিয়াছেন, এক ব্যক্তি নবী ছালাল্লাহু আলাইহে অসাল্লামের নিকট উপস্থিত হইয়া অত্যন্ত অনুতাপের সহিত আরজ করিল “এই বদনছীব ধ্বংস হইয়া গিয়াছে।” হযরত (দঃ) তাহাকে জিজ্ঞাসা করিলেন, তোমার কি হইয়াছে? সে আরজ করিল, আমি রমযানের রোয়ার মধ্যে স্ত্রী-সহবাস করিয়া ফেলিয়াছি। রসুলুল্লাহ (দঃ) তাহাকে জিজ্ঞাসা করিলেন, তোমার কি একজন স্ত্রীতদাস আজাদ করার

কমতা আছে ? সে আরজ করিল—না। তখন রসুলুল্লাহ ছালাল্লাহ আলাইহে অসাল্লাম জিজ্ঞাসা করিলেন, একাপারে দুই মাস রোযা রাখিতে সক্ষম হইবে কি ? সে আরজ করিল—না। তারপর রসুলুল্লাহ ছালাল্লাহ আলাইহে অসাল্লাম জিজ্ঞাসা করিলেন, ষাট জন মিছকীনকে খানা দেওয়ার সামর্থ তোমার আছে কি ? সে আরজ করিল—না। এই প্রশ্নোত্তরের পর কিছু সময়ের মধ্যেই নবী ছালাল্লাহ আলাইহে অসাল্লামের নিকট এক বড় পাত্ৰ ভরা খেজুর (কাফ্ফারও পক্ষ হইতে ছদকা স্বরূপ) উপস্থিত হইল। তখন রসুলুল্লাহ ছালাল্লাহ আলাইহে অসাল্লাম ঐ ব্যক্তিকে বলিলেন, এই খেজুরগুলি তুমি লইয়া যাও এবং খীয় গোনাহের কাফ্ফার স্বরূপ ছদকা করিয়া দাও। তখন সে আরজ করিল—ইহা কি আমার চেয়ে অধিক অভাবগ্রস্তকে দান করিব ? ইয়া রসুলুল্লাহ ! আমি শপথ করিয়া বলিতেছি, এই নগরীর চতুঃসীমার ভিতরে আমার পরিবারবর্গ হইতে অধিক অভাবগ্রস্ত কোনও পরিবার নাই। এতক্রমে নবী ছালাল্লাহ আলাইহে অসাল্লাম খীয় অভাবগত মুছ হাসি হইতে কিঞ্চিৎ অধিক হাসিয়া উঠিলেন। (কারণ, তিনি ঐ ব্যক্তির মতলব বুঝিতে পারিয়াছিলেন)। অতঃপর রসুলুল্লাহ (দঃ) বলিলেন, আচ্ছা—ইহা তোমার পরিবারবর্গকেই খাইতে দাও।

ব্যাখ্যা ঃ—সাপারগতঃ মুছআলাহ এই যে, কাফ্ফারার বস্তু নিজ পরিবারকে দিলে কাফ্ফারা আদায় হইবে না। অবশ্য খীয় পরিবারবর্গ যদি অনাহারী হয় তবে কাফ্ফারা আদানের পূর্বে পরিবারবর্গের খাজের ব্যবস্থা করিবে এবং কাফ্ফারা জিন্মায় থাকিবে। সুযোগ পাইলেই ঐ কাফ্ফারা আদায় করিবে।

এই হাদীছ দ্বারা এই মুছআলাহও বুঝা যায় যে, ছদকাহ এবং দান সূত্রে প্রাপ্ত বস্তু দ্বারাও রোযার কাফ্ফারা আদায় করা যায়।

রোযা অবস্থায় রক্তমোক্ষণ করা বা বমি আসা

আবু হোরাযরা (রাঃ) বলিয়াছেন, বমি আসিলে রোযা ভঙ্গ হইবে না। কোন বস্তু ভিতর হইতে বাহির হওয়ার দরুণ রোযা ভঙ্গ হয় না, বাহির হইতে ভিতরে প্রবেশ করিলে রোযা ভঙ্গ হয়। ইবনে আব্বাস (রাঃ) ও এইরূপ বলিয়াছেন।

মুছআলাহ ঃ—বমি যদি ইচ্ছাকৃত না হয়—অনিচ্ছায় সৃষ্ট উদবেগের কারণে হয় তবেই উহাতে রোযা ভঙ্গ হয় না। কিন্তু বুট বা ছোলার এক দানা পরিমাণ অংশও ঐ বমির ইচ্ছাকৃত গলধঃ করিলে রোযা ভঙ্গ হইয়া যাইবে। আর ইচ্ছাকৃত উপায়ে বমি করিলে সেই বমি করায়ও রোযা ভঙ্গ হইয়া যাইবে—কথা করিতে হইবে ; কাফ্ফারা দিতে হইবে না (শামী, ২—১২৫)।

ইবনে ওমর (রাঃ) রোযা অবস্থায় রক্তমোক্ষণ করিতেন। কিন্তু পরে তিনি রোযা অবস্থায় দিনের বেলা রক্তমোক্ষণ করা পরিত্যাগ করিয়াছিলেন। আবশ্যিক হইলে রাত্রে করিতেন। (কারণ, ইহার দ্বারা রোযা অবস্থায় দুর্বলতা আসার আশঙ্কা থাকে)। আবু মুছা (রাঃ) (রোযা অবস্থায় দুর্বলতা আশঙ্কায়) রক্তমোক্ষণ রাত্রে করিতেন।